

傷寒總病論

附札記

宋 龐安時撰



傷寒總病論附札記 宋 龐安時撰

商務印書館

2768/05

傷寒總病論

附札記

宋 龐安時撰

★版權所有★

商務印書館出版

上海河南中路二一一號

【上海市書刊出版業營業許可證出字第〇二五號】

新華書店總經售

商務印書館上海廠印刷

(14917·17)

1937年6月初版

開本 787×1092 1/32

1956年12月重印第1版

字數 89,000

1956年12月上海第1次印刷

印數 1-15,000

印張 5 13/16

定價(9) 洋 0.65

出版說明

傷寒總病論，宋龐安時撰。全書六卷：卷一敘論並六經諸證。卷二論汗吐下瀉並用本劑、火和表溫裏的方法。卷三論結胸、痞氣、陰陽毒、狐惑、百合、痞、瀉、渴和雜病、勞復等證。卷四論暑病、時行、霍亂、癘疫等證。卷五論天行、溫病和變嗽、變黃、敗壞等證，並附小兒傷寒證。卷六載冬夏傷寒發汗、雜方和吐衄傷寒方。傷寒暑病通用刺法，傷寒溫熱病死生證，並差後禁忌、仲景脈說、華佗內外實說等篇。書末附音調和修治藥法各一卷。每證之下，有論有方；評脈辨證，隨病治療。作者並根據內經等書，引證別家的說法，參加自己的經驗，對張仲景傷寒論作了一部分的補充材料。

本書作者龐安時字安常，宋慶曆—元符（一〇四二—一〇九九年）時蘄水人。幼時他父親授以脈訣，長而博讀靈樞、太素、甲乙諸書，努力鑽研，融會貫通。各證中尤精於傷寒，能得仲景大意。為人治病，十愈八九。有遠道來求醫的，他為病人佈置房舍，讓他們安居下來，並親視湯藥，必待痊愈後方遣回。病

家持金來謝，也不盡收；一本救死扶傷的精神，盡心爲病者服務，由此可見他爲人品質的崇高。他在當時和蘇軾、黃庭堅、張耒常有來往，他們都對龐的醫術，備加推重。這些可在本書所載蘇軾的手書和黃庭堅的後序中，得見一般。所以宋代筆記中，如張耒的明道雜誌，蘇軾的東坡雜記，仇池筆記，袁文的鑿窟閒評，葉夢得的避暑錄話等，都有關於他的記載。他的醫學在當時是有一定影響的。他的著述有難經辨、主對集、本草補遺。這三部書都已亡佚，現僅存有傷寒總病論。

張仲景傷寒論是中醫內科的經典著作，歷代的個別醫家，都有注釋。如成無已的注解傷寒論，朱肱的類證活人書，許叔微的傷寒百證歌、傷寒發微論、傷寒九十論，韓祇和的傷寒發微論，都能闡發傷寒論的要義，幫助讀者進一步對傷寒證的了解。龐安時的傷寒總病論，也是其中的一種。

本書首先在辨證方面，依照張仲景的六經分證法，說明病證由五臟六腑傳變的原因；特別強調地理氣候、飲食起居與疾病的關係。其次在治療方面，主要是用汗、吐、下和諸法，根據病人具體條件，隨證治療。最後在處方方面，採用傷寒論的醫方，說明藥物佐使加減的關係，並根據自己臨床的經驗和引據古醫書，補充了若干具有療效的醫方，因而豐富了張仲景的傷寒論。但是作者限於時代，對有些

病因不明、辨證不清的證候，特別是傳染性質的病證，還不免有些唯心和迷信的解釋。

本書原據清黃丕烈士禮居叢書覆宋刊本排印，列入叢書集成。這部書的傳本不多，宋刊以後，金元明都沒有刻本。此次重印，復據士禮居本原書校勘，除改正原排印的錯誤，並據所引傷寒論、內經、脈經等書和士禮居本校勘札記參校。凡宋本錯字，經原校勘確實有據的，都加改正；可以兩存的，一如其舊。書末仍附印士禮居本校勘札記，藉供參考。但宋本還存在着錯字，如「寐」誤作「寐」，「篩」誤作「節」，「浙」誤作「浙」，「梢」誤作「稍」，「憎」誤作「增」等，未經士禮居本校勘說明的，都加改正。並統一了通用互見的字，如斗、卧、蒸、花、華、參、蓂、人、仁、斑、班等。凡引據傷寒論原書經作者節刪而意義不明的地方，也照傷寒論原文，加以補正。宋刊本原書目錄缺一葉半，士禮居本仍舊，今按分目補正。又宋張耒有傷寒總病論跋一篇，今從張氏柯山集中錄出，作為附錄。

商務印書館一九五六年八月

蘇軾啓。久不爲問。思企日深。過辱存記。遠枉書教。具聞起居佳勝。感慰兼集。惠示傷寒論。真得古聖賢救人之意。豈獨爲傳世不朽之資。蓋已義貫幽明矣。謹嘗爲作題首一篇寄去。方苦多事。故未能便付去人。然亦不久作也。老倦甚矣。秋初決當求去。未知何日會見。臨書惘惘。惟万万以時自愛。不宣。軾再拜。安常處士閣下。

五月廿八日。

人生浮脆。何者爲可恃。如君能著書傳後有幾。念此便當爲作數百字。仍欲送杭州開板也。知之。知之。

又白。

傷寒總病論目錄

第一卷

叙論

太陽證芍藥甘草湯

甘草乾薑湯

調胃承氣湯

陽明證梔子香豉湯

少陽證

太陰證五苓茵陳湯

橘皮湯

桂枝芍藥湯

少陰證

麻黃細辛附子湯

麻黃附子甘草湯

桔梗甘草湯

黃連阿膠湯

半夏散

豬苓湯

厥陰證

烏梅丸

瓜蒂散

茯苓甘草湯

兩感證

三陰三陽傳病證

傷寒總病論

目錄

第二卷

可發汗證 桂枝湯 麻黃青龍湯 葛根龍膽湯 麥奴丸 葛根湯 大青龍湯

知母麻黃湯

不可發汗證 小建中湯 竹葉湯 防風白朮散 大橘皮湯

四逆證 四逆湯 小青龍湯 桂枝麻黃各半湯 桂枝二麻黃一湯 紫胡桂枝湯 小柴胡湯

可下證 大承氣湯 十棗湯 調中湯 茵蘆丸 茵陳湯 抵黨湯 桃人承氣湯

不可下證

可水不可水證 五苓散

可吐不可吐證

可灸不可灸證

可火不可火證

可溫證

火邪證 桂枝去芍藥加蜀漆牡蠣龍骨救逆湯 桂枝甘草龍骨牡蠣湯

第三卷

結胸證 大陷胸湯
小陷胸湯

大陷胸丸
三物白散方

心下痞證 半夏瀉心湯
生薑瀉心湯

大黃黃連瀉心湯
甘草瀉心湯

加附子瀉心湯

陽毒證 升麻湯

陰毒證 甘草湯
硫黃丸

反陰丹
附子飲子

狐惑證 赤小豆當歸散

百合證 百合知母湯
百合地黃湯

滑石代赭湯
百合湯

栝樓牡蠣散
百合雞子湯

百合滑石散

瘧濕暈等證

瘧證 葛根麻黃湯

濕證 黃耆湯
桂枝附子湯

杏人薑苳湯
甘草附子湯

暈證 瓜蒂湯
小橘皮湯

發汗吐下後雜病證

茯苓桂枝湯

橫擲散

五味子湯

乾薑附子湯

茯苓白朮湯

梔子香豉湯

梔子生薑湯

梔子厚朴湯

梔子乾薑湯

柴胡桂枝湯

旋復花代赭湯

柴胡龍骨牡蠣湯

赤石脂禹餘糧湯

桂枝人參湯

厚朴人參湯

黃芩梔子湯

芩白湯

葛根芩白湯

荊芥散

理中丸

生薑半夏湯

茅根湯

黃芩芍藥湯

黃連當歸湯

薤白梔子湯

肉豆蔻湯

黃連熟艾湯

麝香丸

苦葶藶湯

良薑湯

地黃湯

黃芩湯

麻人龍膽丸

大黃梔子湯

桑皮大黃湯

大黃散

雄黃散

青黛丸

滴眼湯

黃藥升麻湯

驚風飲子

牽馬丸

五倍子散

射干煎

黃藥飲子

黑龍煎

喉閉膏

鵝砂散

傷寒勞復證

葛根湯

葛根薑豉湯

葛根薑豉湯

枳實梔子湯

枳實梔子湯

桂枝梔子湯

梔子石香豉湯

枳實梔子湯

瓜蒂湯

鼠矢湯

蘆根湯

陰頤

第四卷

暑病論

陰陽易證

灸附

足甲曬灰散

陰頤

毛際

暑病表證 代葛根證
代葛根麻黃證

代麻黃證
大青消毒湯

代青體證
葛粉散

素問載五種暑病 無方

時行寒疫論

時行寒疫治法 趙東黃者
雞子湯

葛根解肌湯
白薇散
華佗赤散
烏頭赤散

崔文行解散
麻黃葛根湯
聖散子方并序

藥盧散
麻黃湯

斑豆方論

溫病發斑治法 小兒證附

地黃膏
黃連
五香湯
薄荷散
麻黃甘草湯
紫草湯
油飲子
梔子薤豉湯

黃芩麻黃湯
漏蘆湯
水解散
紫甲湯
紅花湯
甘草湯
蒼巴出定方
香豉石膏湯
樺皮飲子
葛根石膏湯
淡竹瀝飲子
甘草乾薑湯
犀角升麻湯
三豆飲子

第五卷

天行溫病論

辟溫疫方論 犀麝酒
四海神名
附子散

盤火丸一名冠軍丸一名威丸除疫術

辟雄黃并噀法
殺鬼丸

傷寒總病論 目錄

青筋牽證 柴胡地黃湯 石膏竹葉湯

赤脈攢證 石膏地黃湯

黃肉隨證 炙法附 玄參寒水石湯

白氣狸證 石膏杏仁湯 石膏蒼白湯

黑骨溫證 炙法附 苦參石膏湯 知母解肌湯

溫病噦方論 茅根葛根湯 梓皮飲子 茅根橘皮湯
枇杷茅根湯 萎蕤湯

黃病證 姜煎 瓜下散
消石礬石散

傷寒感異氣成溫病壞後及瘧證 知母石膏湯
丹砂丸

白虎加桂枝湯 石膏甘草散
三黃石膏湯

敗壞別行方 附子繁甲湯 木通桂枝湯 繁甲恒山湯
繁甲犀角湯 風引加附子湯

小兒傷寒證 葛根芍藥湯 蕩蕪散 射干湯 地皮湯
蘆根湯 甜葶藶湯 犀角黃耆湯 釣藤大黃湯

第六卷

傷寒雜方 時雨散 玄精石湯 瓜蒂牙消散
麻黃杏子湯 朴消散 犀角五香湯

妊娠雜方 伏龍肝散 吞雞子法 牽牛散
黃耆人參湯 阿膠散 陳皮枳實湯

鹿角屑湯
地黃生薑飲子
益母草飲子
紅花散
生薑小
大黃桃人湯
石膏栝樓湯

傷寒暑病通用刺法
期門
肺論
大杼
手少陰
勞宮

大淵
太都
太白
復溜
涌泉
合谷
中腕
大杼
丘墟
陷谷

傷寒死生候

熱病死生候

溫病死生候

天行差後禁忌

解仲景脈說
半夏桂枝甘草湯

解華佗內外實說

辨論

與有位辨傷寒論書

忽論音訓

脩治藥法

傷寒總病論卷一

宋一動攝龐安時撰

敘論 凡言龐曰其下有注皆安時言

陽明證

太陰證

厥陰證

三陰三陽傳病證

敘論

太陽證

少陽證

少陰證

兩感證

龐曰素問云冬三月是謂閉藏水冰地裂無擾乎陽又云彼春之暖為夏之暑彼秋之忿為冬之怒是以嚴寒冬令為殺厲之氣也故君子善知攝生當嚴寒之時周密居室而不犯寒毒其有奔馳荷重勞力之人皆辛苦之徒也當陽氣閉藏反擾動之令鬱發腠理津液強瀆為寒所搏膚淩反密寒毒與榮衛相渾當是之時勇者氣行則已怯者則著而成病矣其即時成病者頭痛身疼肌膚熱而惡寒名曰傷寒其不即時成病則寒毒藏於肌膚之間至春夏陽氣發生則寒毒與陽氣相搏於榮衛之間其患與冬時即

病候無異。因春溫氣而變。名曰溫病也。因夏暑氣而變。名曰熱病也。因八節虛風而變。名曰中風也。因暑濕而變。名曰濕病也。因氣運風熱相搏而變。名曰風溫也。其病本因冬時中寒。隨時有變病之形態。爾故大醫通謂之傷寒焉。其暑病濕溫風溫。死生不同。形狀各異。治別有法。

龐曰：天寒之所折。則折陽氣。足太陽爲諸陽主氣。其經夾脊膂。貫五臟六府之膂。上入腦。故始則太陽受病也。以其經貫五臟六府之膂。故病有臟府傳變之候。以其陽經先受病。故次第傳入陰經。以陽主生。故足太陽水傳足陽明土。土傳足少陽木。爲微邪。以陰主殺。故木傳足太陰土。土傳足少陰水。水傳足厥陰木。至第六七日。當傳足厥陰肝木。必移氣克於脾土。脾再受賊邪。則五臟六府皆危殆矣。榮衛不通。耳聾囊縮。不知人。則死。速用承氣湯下之。方在可下證中。則可保五死一生。勿從容拯溺。令病人水漿不入。湯液不

下。無可奈何也。素問云：脾熱病則五臟危。又云：土敗木賊則死。若第六七日傳厥陰。脈得微緩微浮。其證寒熱似瘧。此爲必愈。宜桂枝麻黃各半湯和之。方在可汗證中。微緩微浮爲脾胃脈也。故知脾氣全不再受克。

邪無所容。否極泰來。榮衛將復。水升火降。則寒熱作而大汗解矣。人將大汗必冒昧者。若久旱天將時雨。六合皆至昏昧。雨降之後。草木皆蘇。庶物明淨。玉册所謂換陽之吉證也。

王叔和云：土地溫涼。高下不同。物性剛柔。餐居亦異。是以黃帝與四方之間。歧伯立四治之能。以訓後賢。開其未悟。臨病之工。宜兩審之。

龐曰。叔和非醫之圓機。孰能臻此也。如桂枝湯自西北二方居人。四時行之。無不應驗。自江淮間地偏暖。唯冬及春可行之。自春末及夏至以前。桂枝麻黃青龍內宜黃芩也。自夏至以後。桂枝內又須隨證增。知母、大青、石膏、升麻輩取汗也。若時行寒疫及病人素虛寒者。正用古方。不在加減矣。夏至以後。雖宜白虎。詳白虎湯自非新中喝而變暑病。乃汗後解表藥耳。一白虎未能驅逐表邪故也。或有冬及始春。寒甚之時。人患斯疾。因汗下偶變狂躁不解。須當作內熱治之。不拘於時令也。南方無霜雪之地。不因寒氣中人。地氣不藏。蟲類泄毒。嵐瘴間作。不在此法。治別有方也。又一州之內。有山居者爲居積陰之所。盛夏冰雪。其氣寒。腠理閉。難傷於邪。其人壽。其有病者多中風中寒之疾也。有平居者爲居積陽之所。嚴冬生草。其氣溫。腠理疎。易傷於邪。其人夭。其有病者多中濕中暑之疾也。凡人稟氣各有盛衰。宿病各有寒熱。因傷寒蒸起宿疾。更不在感異氣而變者。假令素有寒者。多變陽虛陰盛之疾。或變陰毒也。素有熱者。多變陽盛陰虛之疾。或變陽毒也。

龐曰。四時之中。有寒暑燥濕風火相搏。喜變諸疾。須預察之。其飲食五味禽蟲菜果實之屬。性偏有嗜者。或金石草木藥素。嘗有餌者。人五臟有大小。高下。堅脆。端正偏傾。六府亦有大小。長短。厚薄。緩急。令人終身長有一病者。貴者後賤。富者乍貧。有常貴。有常富。有暴富。有暴貧。有暴樂。有暴苦。有始樂後苦。有離絕蘊結。憂恐喜怒者。夫常貴後賤。名曰脫營。常富後貧。名曰失精。暴樂暴苦。始樂後苦。精竭體沮。脫勢候。

王精神內傷。情慕尊貴。寔爲喪志。始富後貧。焦皮蠟筋。常害惡勞。驕墮精消。離間親愛者。魂遊絕所懷者。意喪所慮者。神勞結怨。恨者志苦。憂愁者閉塞而不行。盛怒者迷惑而不治。恐懼者蕩懼而不收。喜樂者揮散而不藏。此皆非外邪所中。而得之於內也。良工必預審問其由。先知臟府經絡受病之所。可舉萬全。工不思曉。令五臟六府血氣離守。迨置不救。又何言哉。

龐曰。陰陽虛盛者。非謂分寸也。榮衛者。表陽也。腸胃者。裏陰也。寒毒爭於榮衛之中。必發熱惡寒。尺寸俱浮大。內必不甚躁。設有微煩。其人飲食欲溫而惡冷。謂陽虛陰盛也。可汗之則愈。若誤下則死也。若寒毒相薄於榮衛之內。而陽勝陰衰。極陰變陽。寒盛生熱。熱氣盛而入裏。熱毒居腸胃之中。水液爲之乾涸。燥糞結聚。其人外不惡寒。必蒸蒸發熱而躁。甚則譫語。其脈浮滑而數。或洪實。或汗後脈雖遲。按之有力。外證已不惡寒。腹滿而喘。此皆爲陽盛陰虛。當下之則愈。若誤汗則死也。仲景載三等陽明。是陽盛陰虛證矣。調經論云。陽虛則外寒。陰虛則內熱。陽盛則外熱。陰盛則內寒。以此別之。若陰獨盛而陽氣暴絕。必四肢逆冷。臍築溼痛。身疼如被杖。面青。或吐。或利。脈細欲絕。名曰陰毒也。須急灸臍下。服以辛熱之藥。令陽氣復生。漉然汗出而解。若陽獨盛而陰氣暴絕。必發躁狂走。妄言面赤。咽痛。身斑斑如錦文。或下利赤黃。脈洪實。或滑促。名曰陽毒也。宜用針泄熱。服以苦酢之藥。令陰氣復生。漉然汗出而解也。

龐曰。夫邪逆陰陽之氣。非汗不能全其天真。紫問云。辛甘發散爲陽。謂桂枝。甘草。細辛。薑棗。附子之類。能

復陽氣也。酸苦湧泄爲陰。謂苦參、大青、葶藶、苦酒、艾之類。能復陰氣也。酸苦之藥。既折熱復陰。亦當小汗而後利者。經云。身汗得而後利。則實者可活是也。

華佗治法云。傷寒病起自風寒入於腠理。與精氣分爭。榮衛否隔。周行不通。病一日至二日。氣在孔竅皮膚之間。故病者頭痛惡寒身熱。腰背強重。此邪氣在表。隨證發汗則愈。

龐曰。凡發汗須如常覆腰以上。厚衣覆腰以下。以腰足難取汗故也。半身無汗。病終不解。凡發汗後。病證仍存於三日內。可二三發汗。令腰脚周遍爲度。若病不解。便可下之。設令下後不解。表裏邪亦衰矣。更觀脈證調治。七日內可期。正汗爲善也。發汗後不可再行汗者。始發熱惡寒。今不惡寒。但倍發熱而躁。始脈浮大。今洪實。或沈細數。始惺靜。今狂語。此胃實陽盛。再行汗藥。卽死。須當下之。有人始得病。變陽盛之證。須便下之。不可拘日子深淺次第也。病三日以上。氣浮上部。填塞胸心。故頭痛胸中滿。或多痰涎。當吐之則愈。

龐曰。若虛損及新產人。不能吐者。可服枳實散。枳實細末。米飲調。錢。日可三四服。若有虛寒。手足冷及脈微弱者。枳實貳兩加桂枝壹兩。同末之。如前服。

病五六日以上。氣結在臟府。故腹滿身重。骨節煩疼。當下則愈。若小便少。手足心并腋下不滋潤。尙未可攻之。當消息其候。不可亂投湯藥。虛其胃氣也。以上解華佗治法。

太陽證

尺寸俱浮者。太陽受病也。當一二日發。以其脈上連風府。故頭項痛而腰脊強。此是太陽膀胱經。屬水。病源云小腸者。非也。

太陽病發熱。汗出惡風。其脈緩者。名為中風。太陽病或已發熱。未發熱。必惡寒。體痛。脈陰陽俱緊者。名為傷寒。

傷寒一日。太陽受之。脈若靜者。為不傳。頗欲吐。若煩躁。脈數急者。為傳也。

傷寒二三日。陽明少陽證不見者。為不傳也。病發熱而惡寒。邪發於陽也。不熱而惡寒者。邪發於陰也。發

於陽者。七日愈。發於陰者。六日愈。陽數七陰數六故也。發於陽者。隨證用汗藥攻其外。發於陰者。用四逆證溫其內。

太陽病。頭痛至七日以上自愈者。其經竟故也。若欲作再經者。針足陽明。使經不傳。補足陽明土。三里穴也。

風者解表而不了了者。十二日愈。方言曰。兩楚疾愈或謂之了。或謂之了。

太陽病初服桂枝湯。反煩不解。先刺風池。風府。却與桂枝湯則愈。

太陽病自汗。四肢難以屈伸。若小便難者。可與陽旦證內加附子壹枚。炮。去皮尖。八破同煎服之。陽旦即桂枝湯異名。

若小便數者。慎不可行此湯。宜用芍藥甘草湯。若誤行桂枝附子湯。攻表。則咽乾煩躁。厥逆嘔吐者。作甘

草乾薑湯與之。以復陽氣。若厥愈足溫。更與芍藥甘草湯。其脚即伸。若胃氣不和。譫語者。少與調胃承氣

湯。微溏則譫語止。

芍藥甘草湯主脈浮而自汗小便數寸口脈浮大浮爲風大爲虛風則生微熱虛則兩脛掣小便數仍汗出爲津液少不可誤用桂枝湯宜補虛退熱通治誤服湯後病證仍存者按古之參兩准今之壹兩古之叁升今之壹兩病證猶在者更作減半之劑此古方一劑又加其半庶可防病未盡而服之也有不禁大湯劑者再減半合今升一劑盡病證猶在者更作減半之劑此古方一劑又加其半庶可防病未盡而服之也有不禁大湯劑者再減半亦得肝後所謂或以壹分爲兩或以貳錢爲兩以畫當升可也貧家難辦或臨時抄撮皆可鹿末每抄五錢水兩平盡煎八分服之有蠶撮者每服入蠶三片棗三枚一日三服未中病可六七服也有不可作煮散者是病勢大宜依古方行之凡湯一劑有附子一枚增半之劑合用附子一枚半古方不析枚者是枚力要完也半兩以上大附子可當一枚半四錢以下者可用兩枚爲准枚傷多不妨仲景云強人可加附子成兩枚是也

芍藥 甘草各貳兩半

細剉水壹升半煎七合半去滓温分再服

甘草乾薑湯

甘草貳兩 乾薑壹兩

煎如前方

調胃承氣湯

大黃壹兩 甘草半兩 芒消壹大合

細剉水壹升煎上二味至五合去滓下芒消烱化暖服壹盞微瀉爲度如難利者再與一劑

太陽病汗證反下之遂利不止脈促表未解也喘而汗出者葛根黃芩湯主之

黃芩 去錢 黃連 去兩 甘草 半兩 乾葛 貳兩

細劉水壹升半煎七合半去滓溫飲壹盞日三服

陽明證

尺寸俱長者陽明受病也當二三日發以其脈夾鼻絡於目故身熱目痛鼻乾不得臥此證惡寒可發汗若惡寒罷反自汗惡熱

者為胃家實屬正陽明宜調胃承氣湯方在太陽證下

龐曰有三陽陽明者其太陽陽明本太陽病若發汗若下若利小便此亡津液胃中乾燥因轉屬陽明也

少陽陽明者本傳到少陽因發汗利小便已胃中燥大便難也正陽陽明者病人本風盛氣實津液消鑠

或始惡寒汗出多寒罷而反發熱或始得病便發熱狂言也

凡陽明證俱宜下唯中寒惡寒為病在經與太陽合病屬表可發其汗

二陽合病脈必浮大而長外證必頭痛腰疼肌熱目疼鼻乾也浮大者太陽受病也長者陽明也頭腰太陽也肌目鼻陽明也

二陽併病太陽證罷但發潮熱手足熱發汗出大便難而譫語者大承氣湯下之則愈方在可下證中

二陽併病太陽初得時發其汗汗先出復不徹因轉屬陽明自微汗不惡寒若太陽證不罷不可下下之

為逆如此者可小發其汗設面色正赤者陽氣怫鬱在表當解之蒸之若汗出不徹當短息不足言陽氣

拂鬱不得越。當汗出而不汗。其人短氣。但坐。以汗出不徹故也。宜麻黃湯。更發其汗。即愈。何以知其汗不徹。其脈濇。故知也。方在可汗證中。古本字多差誤。以從來所見病人證候中。符合如此。故改正。陽明病能食為中風。不能食為中寒。

陽明病中寒。脈浮無汗。其人必喘。發汗則愈。宜麻黃湯。方在可汗證中。

陽明病。脈遲。汗出多。微惡寒者。表未解。發汗則愈。宜桂枝湯。方在可汗證中。若不惡寒。為外欲解。手足濇然汗出。

者。大便已鞭。宜大承氣湯。方在可下證中。

陽明病有不可攻者。謂陽明病。心下鞭滿者。不可攻。攻之利不止者死。利止者愈。

陽明病或發汗。或自汗。大便雖鞭。小便少者。未可攻。津液恐還入胃。必先鞭後溏也。小便自如。乃可攻之。

陽明中風。口苦咽乾。腹滿微喘。發熱惡寒。其脈浮緊。若下之。則腹滿。小便難也。此證必無汗。與後證相似。且惡寒無汗為異。以咽乾腹滿。

亦不宜正與汗藥。別與消詳也。

陽明病。脈浮而緊。咽乾口苦。腹滿而喘。發熱汗出。不惡寒。而反惡熱。身重。若發汗。則煩躁憤憤。反讞語。若

加溫針。必怵惕煩躁。不得眠。若下。則胃中空虛。客氣動。心中懊惱。苦生舌上者。梔子香鼓湯主之。

肥梔子 拾枚 香鼓 貳合

水貳升。煮梔子減半。下鼓。再煮。剝合。去滓。溫服。壹盞。得快吐者。止。後服。

脈浮緊。必無汗。而反有汗。咽燥。腹滿惡熱。法當下之。而又脈浮緊。不當下。此恐變風溫。宜細詳。

陽明病口鼻燥。但漱水而不欲嚥者。必嘔。

少陽證

尺寸俱弦者。少陽受病也。當二三日發。以其脈上循脇。絡於耳。故胸脇痛而耳聾。足少陽膽。屬木。弦者。細長如琴弦狀。仲景云。

脈浮而緊曰弦。非謂此弦脈也。凡傷寒脈浮緊相搏。皆屬弦之類也。有屬太陽。有屬陽明者。少陽正得弦脈。體是小弦長大脈也。多宜和表。鮮有汗證。

少陽之證。口苦咽乾。目眩也。

此三陽經皆病。未入於藏。可汗而解。仲景少陽證唯小柴胡。乃和表藥耳。

弦細。頭痛發熱。屬少陽。宜小柴胡湯。不可發汗。發汗則譫語。此屬胃。胃和則愈。不和則煩而躁。宜調胃承

氣湯。此屬少陽陽明證也。方在太陽證中。

本太陽病不解。轉入少陽者。脇下鞅滿。乾嘔不能食。往來寒熱。尚未可吐下。脈緊者。小柴胡湯主之。少壯癩

若已吐下發汗。溫針譫語。小柴胡湯證罷。此為壞病。知犯何逆。以法治之。知犯何逆者。犯四種溫病。壞候也。

少陽中風。兩耳微聞。目赤。胸中滿而煩。不可吐下。吐下則驚悸。小柴胡湯主之。方在和表證中。

三陽合病。脈浮大。上關上。但欲眠。合目則汗。不言弦者。歷於長大也。

三陽合病。面垢譫語。腹滿身重。不能轉側。遺尿。發汗則譫語。下之則額上生汗。手足逆冷。若自汗者。宜白

虎湯。方在厥陰證中。

傷寒四五日。或六七日。無大熱。其人躁悶。此為陽去入陰也。

傷寒三日。三陽為盡。三陰當受邪。其人反能食而不嘔。此為三陰不受邪也。病到陰必吐利。

傷寒三日。少陽脈小者。欲愈也。小而平勻者也。

太陰證

尺寸俱沈細者。太陰受病也。當四五日發。其經布胃中。絡於噎。故腹滿而噎乾。宜大承氣湯下之。方在可下證中。

太陰之為病。腹滿而吐。食不下。自利益甚。時腹自痛。若下之。必胸下結。輒自利。不渴者屬太陰。其藏有寒

故也。當溫之以四逆散。

傷寒三日。太陽脈弱。至四日。太陰脈大。脈大而胸滿多痰者。宜吐之。無此證者。宜汗之。傷寒脈浮緩。亦大之類。手足自溫者。繫在太

陰。小便不利者。必發黃。五苓散加茵陳主之。若小便自利者。不能發黃。至七八日。雖暴煩下利。日十餘行。必自止。以脾家實。腐穢當去故也。橘皮湯主之。

五苓茵陳散

以茵陳濃煎湯。調五苓散。貳錢服之。日三四。黃從小便下。以小便清為度。

橘皮湯

橘皮 壹兩 生薑 貳兩

細剉。水壹升半。煎七合。去滓。分貳服。稍熱呷。未差。再作服。

本太陽病。醫反下之。因爾腹滿時痛者。屬太陰也。桂枝芍藥湯主之。

桂枝 壹兩 芍藥 壹兩 甘草 壹兩 大棗 陸枚 生薑 壹兩

咬咀。以水叁升。煮取壹升半。去滓。每溫壹盞。日叁服。注云。小建中湯不用飴糖。故芍藥為君。止痛復利邪故也。

少陰證

尺寸俱沉者。少陰受病也。當五六日發。以其經貫腎。絡於肺。繫舌本。故口燥舌乾而渴。大承氣湯下之。在方

可下證中。

少陰之為病。脈微細。但欲寐也。

少陰中風。陽微陰浮。為欲愈也。

凡少陰病四逆者。宜溫之。

少陰病始得之。反發熱。脈沉者。麻黃細辛附子湯主之。

麻黃 貳兩 細辛 貳兩 附子 壹枚

咬咀。以水三升。先煮麻黃十數沸。去上沫。內諸藥。煮取壹升。去滓。每溫壹盞。日三服。

少陰病得之二三日麻黃附子甘草湯微汗以二三日無陽證故微發汗也。謂初得病二三日當見少陰證無陽者須發小汗也。

麻黃 貳兩 甘草 貳兩 附子 壹枚

咬咀以水盞升先煮麻黃十數沸去上沫內諸藥煮取壹升半去滓每溫一盞日三服。

龐曰少陰病脈沉不知何沉也且沉緊發汗則動經沉數為病在裏不可發汗詳此脈或沉而濡或沉而微是表中寒而裏不消脈應裏而發熱在表故以小辛之藥溫散而微微取汗也。

少陰病吐利手足不逆冷發熱者不死脈不至者灸少陰七壯。太谿穴在內踝後跟骨上動脈陷中言發熱者謂其身發熱也。

少陰病吐利煩躁四逆者死。煩躁者內煩躁也與柴黃湯證宜細審其生死也。

少陰病惡寒而慄。居員切時時自煩不欲厚衣宜大柴胡湯。方在可下證中。

少陰病四逆惡寒而自慄脈不至而吐利煩躁者死。重詳定此。

少陰病下利利止而眩時自冒著死。此合是少陽冒昧汗澌出脈勻小浮者生少陰無眩冒之證。

少陰病六七日息高者死。

少陰病脈微細沉但欲臥汗出不煩自欲吐至五六日自利復煩躁不得臥寐者死。

少陰病得之二三日以上心中煩不得臥者黃連阿膠湯主之。

黃連 壹兩 黃芩 壹分 芍藥 壹分

雞子黃半枚 阿膠炙參分

以水貳升先煮三物取壹升去滓內阿膠烱盡小冷內雞子黃攪令相得溫溫一盞日三四服

少陰病下利清水色純清心下必痛口乾燥者大承氣湯下之方在可下證中

少陰病吐利手足厥冷煩躁欲死者茱萸湯主之

茱萸壹兩半 湯 人參參分

生薑壹兩 大棗叁個

以水叁升半煮取壹升半去滓每溫一盞日叁服

少陰病咽痛者桔梗甘草湯主之

桔梗半兩 甘草壹兩

細剉水壹升煎半勝去滓作叁服細呷之

又半夏散亦主之 半夏湯洗七遍 甘草炙

桂枝去皮 甘草炙

右各等分各別搗篩已合治之每服叁錢水壹盞半煎至八分溫冷少少嚙之

少陰病下利清穀裏寒外熱手足厥逆脈微欲絕身反不惡寒其人面赤或腹痛或乾嘔或咽痛或利止

脈不出者通脈四逆湯主之。

甘草壹兩

附子大者半個強人加半個

乾薑叁分強人加壹兩半

細剉水。差升煎至壹升。去滓。每溫服一盞。日三四服。未差。急更作一劑。不可作煮散。其脈續出者。愈暴出者。死。面赤者。加連須。葱四莖。去青。腹痛。去葱。加芍藥壹兩。嘔者。加生薑壹兩。咽痛者。去芍藥。加桔梗半兩。利止。脈不出者。去桔梗。加人參半兩。病與方皆相應者。乃與服之。

少陰病下利六七日。欬而嘔。渴。心煩不得眠者。宜豬苓湯。

豬苓

茯苓

澤瀉

滑石

阿膠

各半兩

咬咀。以水貳升。先煮四物。取壹升。去滓。內阿膠末。烱盡。每溫一盞服。

少陰病下利。咽痛。胸滿。心煩。豬膚湯主之。

豬膚

半斤

以水五升。煮取貳升半。去滓。加白蜜半升。白粉貳合半。熬香。和令相得。每溫服一盞。日三四服。少陰病四逆。其人或欬或悸。或小便不利。或腹中痛。或泄利下重者。四逆散主之。

甘草

枳實

柴胡

芍藥

各伍分

搗篩爲細末。白飲和服。方寸匕。日三服。欬者。加五味子。乾薑。炮。各貳分半。并主下利。悸者。加桂。貳分。

半。小便不利者，加赤茯苓貳分半。腹痛者，加附子壹箇，炮去皮臍。泄利下重者，先以水叁升，薤白壹升半，煮取貳升，去滓，以散方寸匕，用薤白湯一盞，煎八分，日三四服。

厥陰證

尺寸俱微者，厥陰受病也。六七日發，以其脈循陰而絡於肝，故煩滿而囊縮。微緩者囊必不縮。若外證發熱惡寒，似瘧為欲愈候，宜桂枝麻黃

各半湯也。若尺寸俱沉短者，囊必縮。宜承氣湯下之。方在可下證中。

厥陰之為病，消渴氣上衝，心中痛熱，飢而不欲食，食則吐，虵下之利不止，烏梅丸主之。

傷寒脈微而厥，至七八日膚冷，其人躁無暫安者，此藏厥。非虵厥也。虵厥者，其人當吐，虵令病者靜而復煩也。此藏寒，虵上入其兩故煩，須臾復止，得食而嘔，又煩者，虵聞食臭即出，其人常自吐，虵虵厥者，烏梅丸主之。又治久痢。藏厥宜四逆散。極冷服之。

烏梅 壹百伍拾個
乾薑 伍兩
黃連 捌兩
當歸 貳兩

川椒 桂枝 附子 人參 黃蘗 細辛 各叁兩

異擣篩合治之，以苦酒浸烏梅一宿，去核蒸之，貳斗米下飯熟，擣成泥，和藥令相得，內白中，與蜜再杵二千下，丸如梧桐子大，先食飲服十九，日三服，稍加至二十九，禁生冷滑臭食物等。

厥陰中風，脈微浮者為欲愈，不浮為未愈。

脈遲反以黃芩湯得微其熱。腹中應冷。當不能食。今反能食。此爲除中。必死。

先厥後發熱。下利必自止。而反汗出咽痛者。其喉爲痺。發熱無汗。其利自止。若不汗。必便膿血者。其喉不痺。

龐曰。熱少微厥。指頭寒。嘿嘿不欲食。煩躁數日。小便自如。此熱除也。宜乾薑甘草湯。方在太陽證中。

龐曰。手足逆冷。皆屬厥陰。不可下。亦不可汗。有須下證者。謂手足雖逆冷。或有溫時。手足雖逆冷。而手足掌心必煖。非正厥也。故可消息汗下也。

傷寒一二日至四五日厥者。必發熱。前發厥者。後必發熱。厥甚熱亦甚。厥微熱亦微。厥不過五日。六日不厥者。必愈。若六日厥者。必發熱愈甚。仍下利也。

龐曰。寒熱而厥。面色不澤。冒昧者。當用絳衣。包手足令溫煖。必大汗而解也。有不因大汗下。而兩手忽無脈。謂之雙伏。或一手無脈。謂之單伏。或利止。如此必有正汗。急用四逆輩溫之。時有汗便安。脈終不出者。死。下利先厥後發熱。利必自止。不爾。咽中痛。或喉痺。若便膿血者。其喉不痺。

厥而下利者。當不能食。反能食者。爲除中。必死。能食反發熱。脈數者。必發癰。膿厥而嘔。胸脇煩滿。後必便膿血。

病者手足冷。小腹按之痛。此結冷在膀胱關元也。當關元灸之。發熱下利。厥逆躁不得臥者死。

病人手足厥冷。脈乍緊者。邪結在胃中。心下滿而煩。不能飲食者。病在胸中。當吐之。宜瓜蒂散。凡病可吐者。皆宜此方。

瓜蒂 赤小豆 等分

細末。別以香豉壹合。熱湯叁盞。煮作稀糜。去滓。取汁和散壹錢。溫溫頓服。不吐者。少少加藥。再服得吐。快乃止。諸亡血虛家。不可與服。有用丁香者吐之多。靈燥人。

傷寒厥而心下悸。宜先治水。當服茯苓甘草湯。次治其厥。不爾。水漬入胃。必作利也。茯苓甘草湯。

茯苓 桂 各壹兩。 生薑 壹兩。 甘草 半兩。

細剉。水貳升。煎壹升。溫飲壹盞。悸止爲度。

傷寒六七日。大下後。寸脈沉而遲。手足厥逆。下部脈不至。咽喉不利。唾膿血。泄利不止者。爲難治。宜麻黃升麻湯。有不因下而自利。加衄血者。亦宜此方。

麻黃 壹兩 升麻 當歸 各半 知母 黃芩

萎蕤 各叁錢 芍藥 天門冬 桂枝 茯苓

甘草 石膏 白朮 乾薑 各壹錢

細剉。水貳升半。先煮麻黃一二沸。去沫。內諸藥。煮壹升貳合。去滓。溫服一盞。如人行七八里久進一

服以汗出卽住服。

本自寒醫復吐下之寒格愈逆食入口卽吐宜乾薑黃芩湯。

乾薑 黃芩 黃連 人參 各壹兩 半

細剉水叁升。煮取壹升半。去滓。溫服一盞。

下利微熱而渴。脈弱者自愈。脈數汗出亦然。緊爲未解。發熱而厥。七天下利爲難治。

凡厥通用四逆湯。方在四逆證中。謂其脈浮遲或微或細或沉皆屬裏有寒也。

厥而脈滑者爲裏有熱。白虎湯主之。

知母 石膏 掬兩 甘草 半兩 粳米 叁合

以水五升。煮米熟湯成。去滓。溫服一盞。日三服。有渴加人參半兩。

龐曰。三陽皆有合病。凡合病者有十四證。唯三陰無合病。

兩感證

龐曰。素問載兩感於寒。其脈應與其病形者。一日則巨陽與少陰俱病。頭痛口乾而煩滿。二日則陽明與太陰俱病。腹滿身熱不欲食。讞語。三日則少陽與厥陰俱病。則耳聾囊縮而厥。水漿不入口。不知人。六日死。言其六日死者。是藏府榮衛。或有所通行。故四日少陰與太陽俱病。五日與太陰與陽明俱病。六日厥

陰與少陽俱病。是重傳得六日死矣。其有三日死者。素問謂陽明爲五藏十二經脈之長。其邪氣盛。故不知人。三日其氣乃絕。故死矣。夫邪氣盛則實。表裏邪實併領血氣。入胃不通於榮衛氣血。故氣血隨邪而盡。則三日死矣。其脈候素問已脫。今詳之。凡沉者皆屬陰也。一日脈當沉而大。沉者少陰也。大者太陽也。二日脈當沉而長。三日脈當沉而弦。乃以合表裏之脈也。沉長沉弦。皆隱於沉大。凡陰不當合病。唯三陽可以合病。今三陰與三陽合病。故其脈似沉緊而大。似沉實而長。亦類革至之死脈也。

三陰三陽傳病證

龐曰。傷寒一日。巨陽受病。前所說膀胱詳矣。病源云。小腸雖則誤其標。本其手足陰陽。自有併病者。故素問云。六日三陰三陽五藏六府皆受病。榮衛不行。五藏不通。則死矣。是表裏次第傳。不必兩感。亦有至六日傳徧五藏六府而死者也。素問云。諸浮不躁者。皆在陽。則爲熱。其有躁者在手。假令第一日脈不躁。是足太陽膀胱脈先病。脈加躁者。又兼手太陽小腸也。又云。諸細而沉者。皆在陰。則爲骨痛。其有靜者在足。假令第四日脈靜者。足太陰始傳病也。脈加數。又兼手太陰病也。故六日亦能傳徧藏府也。躁謂脈數。靜謂脈不數。用藥則同。若用鍼。須取足與手之經也。

傷寒總病論卷二

可發汗證

不可發汗證

四逆證

和表證

可下證 血證附

不可下證

可水不可水證

可吐不可吐證

可灸不可灸證

可火不可火證

可溫證

火邪證

可發汗證

大法春宜發汗

太陽中風。陽浮而陰弱。陽浮者自發熱。陰弱者自汗出。當發惡寒。淅淅惡風。翕翕發熱。鼻鳴乾嘔者。桂枝湯主之。

桂枝 芍藥

生薑 各壹兩

甘草 壹兩

大棗 陸個

咬咀。水差升半。微火煎取壹升七合半。生布絞去滓。溫服一盞。須臾啜熱粥一椀。令助藥力。周覆一

時汗偏身濺濺者益佳不可令如水流漓病必不除若一服汗出病差止後服不必盡劑也若不汗如前法更服半日許令三服若病重者一日一夜可盡一劑病證猶存者更作服若汗未出乃至二三劑忌生冷黏滑肉麪五辛酒酪臭惡等物

太陽病初服桂枝湯反煩不解者先刺風池風府却與桂枝湯則愈按風池是少陽之經陽維之會不針天柱而取風池者陽維維諸陽巨陽與諸陽主氣故也

龐曰凡桂枝湯證病者常自汗出小便不數手足溫和或手足指梢露之則微冷覆之則溫渾身熱微煩而又憎寒始可行之若病者身無汗小便數或手足逆冷不惡寒反惡熱或飲酒後慎不可行桂枝湯也脈緊必無汗設有汗不可誤作桂枝證

太陽病發汗遂漏不止其人惡風小便難四支微急難以屈伸者桂枝加附子湯主之桂枝湯內加附子壹枚炮去皮尖切片同煎如前小便難爲有津液可作汗若小便數不可誤認陽且證也陽且即桂枝湯異名也

下後脈促胸滿者桂枝去芍藥湯主之桂枝湯內去芍藥只用四味也芍藥味酸脈促胸滿恐成結胸故去芍藥之佐全用辛甘發散其毒氣也服桂枝湯或下之仍頭項強痛翕翕發熱無汗心下滿微痛小便不利者桂枝去桂加白朮茯苓各一兩半主之不用桂加水成四升取二升

太陽病項背強几几汗出惡風者桂枝加葛根貳兩添水成四升煎取貳升通治柔痙

太陽下之微喘者。表未解也。桂枝加杏仁厚朴湯主之。桂枝內加厚朴壹兩。杏仁肆拾枚。此則中風自汗。用桂枝湯證也。龐曰。惡寒者。不當風而憎寒。惡風者。當風而憎寒。皆屬表證。太陽病頭痛發熱。身疼痛。骨節煩疼。惡風無汗而喘者。麻黃湯主之。

麻黃壹兩

桂枝壹兩

甘草半兩

杏仁壹拾伍個

咬咀。水貳升半。煮麻黃數沸。去上沫。內諸藥。煮取壹升貳合半。去滓。每飲一盞。續次服盡。不用粥投。溫覆。如桂枝法將息。未汗可再作二三劑。

龐曰。傷寒之脈緊。盛而按之澀是也。脈浮而緊。浮爲風。緊爲寒。風傷衛。寒傷榮。榮衛俱病。骨節煩疼。外證必發熱。無汗或喘。其人但憎寒。手足指末必微厥。久而復溫。掌心不厥。此傷寒無汗用麻黃證。凡脈浮數或浮緊。無汗。小便不數。病雖十餘日。尙宜麻黃湯也。

太陽中風。脈浮緊。發熱惡寒。身痛不汗出而煩躁者。大青龍湯主之。若脈微弱。自汗出惡風者。不可服之。服之則厥逆。筋惕肉瞤。此爲逆也。大青龍湯。

麻黃壹兩

桂枝

甘草

石膏各壹兩

杏仁貳拾個

棗伍枚

生薑壹兩

半壹兩

咬咀。水五升。煮麻黃數沸。去上沫。內諸藥。煮取二升。每溫飲一盞。微汗爲度。若汗周身潤則止服。未

周身潤可停待少時服盡不欲汗多亡陽故也亡陽遂虛惡風煩躁不得眠也

傷寒脈浮緩身不疼但重乍有輕時無少陰證者大青龍湯主之

少陰當言太陰按太陰證內有脈浮緩手足溫者繫太陰太陰當發汗證屬青龍湯似

桂枝證反無汗而脈緊似麻黃證反身不疼而脈浮緩

太陽病項背八九無汗惡風葛根湯主之

葛根 貳兩

麻黃 半兩

桂枝 壹兩

甘草 壹兩

芍藥 壹兩

大棗 陸枚

生薑 半兩

咬咀水四升先煮麻黃葛根數沸去沫下諸藥煮取貳升半去滓每溫飲一盞日三服如桂枝湯將息

太陽與陽明合病必自下利者葛根湯主之

太陽與陽明合病不利但嘔者葛根加半夏湯主之用前葛根湯內加半夏壹兩壹分湯洗十遍每個作

四破

龐曰脈浮緊無汗服湯未中病其人發煩目瞑極者必衄小衄而脈尚浮者宜麻黃湯衄後脈已微者不

可再行也凡脈浮自汗服湯不中病桂枝證尚在必須頭痛甚而致衄小衄而脈尚浮者再與桂枝湯衄後

脈已微者不可再行也

傷寒三日後。與諸湯不差。脈勢如數。陽氣猶在經絡。未入藏府。宜桂枝石膏湯。此方可夏至後代桂枝證用之。若加麻黃壹兩。可代麻黃青龍湯用之。

石膏 參兩 梔子 貳拾顆 生薑 壹兩 桂枝

黃芩 兩 甘草 各壹兩 升麻 各壹兩 葛根 各壹兩

咬咀。水五升。煮取貳升半。去滓。溫飲一盞。食頃再服。若得汗即止。後服。

龐曰。凡發汗以辛甘為主。復用此苦藥者何也。然辛甘者。折陰氣而助陽氣也。今熱盛於表。故加苦以發之。素問云。熱淫于內。以苦發之。故也。

葛根龍膽湯。療病四五日不差。身體毒熱面赤。兼治陽毒風溫。

葛根 生者肆兩。乾者貳兩代。 生薑 升麻 大青 龍膽

桂枝 甘草 麻黃 芍藥 各半 萎蕤 壹兩 石膏 壹兩

咬咀。水四升半。下麻黃煮數沸。去上沫。內諸藥。煎貳升。去滓。溫飲一湯盞。日三夜二。凡葛根須用家園味。

若誤用味苦野葛多吐。人轉增病。

時行熱病。六七日未得汗。脈洪大或數。面目赤。身體大熱煩躁。狂語欲走。大渴甚。又五六日以上不解。熱在胃中。口禁不能言。為壞傷寒。醫所不能治。如死人。或精魂已竭。心下纔緩。發開其口。嚙藥下咽。即活。兼

治陽毒麥奴丸。

麻黃 一分

釜底煤

黃芩

竈底墨

梁上塵

小麥奴

竈中黃土 各壹分

芒消

大黃 各半兩

細末。蜜丸。彈子大。新汲水三合。和一丸。研服之。渴者。但令冷水足意飲之。須臾。當寒。竟汗出。便差。若日移五尺不汗。依前法再服一丸。差即止。須微利。小麥奴。乃小麥未熟時。叢中黑麥。揜之。成黑勃者。是也。無即以。小麥炒黑。焦。地上。出火毒。用之。亦得。此藥。須是病人。大渴。倍常躁盛。若小渴者。強與之。

為禍耳。強人。每服。半雞子大。 亦治溫瘧。

傷寒連服發汗湯七八劑。汗不出者。死。如中風法。蒸之。使溫熱之氣外迎。無不得汗也。古今用效。薪火燒地。良久。去火掃地。以水洒之。取蠶沙。桃柏。荆葉。糠及麥。麩皆可。同和鋪燒地上。可側手厚。上鋪席。令病人臥席上。溫覆之。熱月。只可夾被覆。其汗立出。後周身至脚心。皆汗。澀。乃用溫粉撲止。移之上牀。即愈。無蠶沙。即用麩糠之類。鋪燒地上。亦得。 溫粉法。白朮。蘆本。白芷。各兩。貳。末之。入英粉拾貳兩。和勻用之。無英粉。以糠粉代之。

知母 壹兩

麻黃 壹兩

芍藥

黃芩

黃芩

甘草 桂枝 各半

咬咀水貳升半。煮麻黃數沸。去上沫。內諸藥。取壹升叁合。去滓。每溫飲一大盞。半日可相次三服。溫覆令微汗。若心煩欲水。當稍與之。令胃中和則愈。未汗盡劑。

太陽病下之後。氣上衝。其脈必浮。可依證發汗。不與汗則成結胸也。凡發汗脈浮大。雖大便祕小便少者。可發汗而解也。合汗不汗。諸毛孔閉塞。闕絕而死。

不可發汗證

脈浮緊。法當身痛。當以汗解。假令尺中脈遲。為榮氣不足。血少故也。前陽明病脈遲汗出。多微惡寒。宜桂枝湯。軟緊而遲。不可汗。宜小建中湯。

小建中湯

桂枝 叁分 生薑 叁分 芍藥 壹兩 甘草 半兩

棗 陸枚 飴糖 兩合

咬咀水貳升半。煮取九合。去滓。方下飴糖。煎令化。每溫飲一湯盞。日進二三服。尺尚遲。再作一劑。入

人參加半兩。同煎最良。舊有微瀉或嘔者。不用飴糖也。兼治傷寒一二日胸中悸而煩。及汗後身疼。

脈沉遲。又治傷寒陽脈澀。陰脈弦。法當腹中急痛。先小建中湯不差。與柴胡湯。方在和表證中。

龐曰。凡脈緊。病必無汗。唯濡而緊。病必自汗。勿誤行桂枝。宜建中湯也。

脈濡弱不可發汗。汗則厥而煩躁。不得眠。

諸動氣在心腹上下左右不可發汗。

龐曰。諸脈動數微弱不可發汗。以上並宜建中湯。若煩躁者宜竹葉湯。

竹葉湯治虛煩。病似傷寒。身亦熱而煩躁。頭不痛。身不疼。脈不數者。兼治中喝。渴吐逆而脈滑數者。及傷

寒解後。虛羸少氣。氣逆欲吐者。並宜服之。

淡竹葉 半把

石膏 肆兩

半夏 叁分

人參 半兩

甘草 半兩

麥門冬 貳兩

粳米 壹合
淘過。

細剉。以水伍升。煎貳升。半米熟去滓。溫飲一盞。日進三服。夜二服。嘔者加生薑一兩半。不嘔不用。

虛煩或嘔吐。脈弦細。執遲。手足微寒。胸滿者。橘皮湯主之。兼治暴煩下利。方在太陰證中。

四逆不可發汗。發汗則聲嘶舌萎。不得前。言亂睛眩者。命將難全。

咽中閉塞不可發汗。發汗則吐血。氣微絕。手足不能自溫者。乾薑甘草湯主之。方在太陰證中。

淋家不可發汗。發汗必便血。

瘡家雖身痛不可發汗。汗出則瘡。以難瘡家膿血過多。

動氣在右不可發汗。汗出則衄而渴心苦煩。飲則吐水。動者謂心腹中虛氣動。若腹汗有此證。先宜五苓散三服。方在可水證中。次服竹葉湯。方在前。
動氣在左不可發汗。發汗則頭眩。汗出則筋惕肉瞤。此爲逆。難治。但先服防風白朮散。次服建中湯。方在前。 防風白朮散。

防風 壹兩

牡蠣粉 半兩

白朮 叁分

細末。溫米飲調下二錢。日二三服。汗出續與建中湯。

動氣在上不可發汗。發汗則氣上衝。正在心端。李根湯主之。

半夏 半兩

桂枝

當歸

芍藥

黃芩

甘草

人參 各壹分

茯苓 叁分

麤末。每五錢水兩盞。薑三片。甘李根白皮一團。如雞子黃大。煎八分。通口。日三五服。

動氣在下不可發汗。發汗則心中大煩。骨節苦痛。目運惡寒。食則反吐。穀不得前。先服大橘皮湯得吐止。後服建中湯。

大橘皮湯 亦主手足冷嘔噦。

橘皮 壹兩 半

生薑 貳兩

棗 貳拾肆箇

甘草 半兩

人參 壹分

竹茹 半兩

咬咀。水叁升。煎壹升。半。去滓。溫服一盞。食頃再服。

不當汗而強汗之，則津液枯槁而死。

四逆證

四逆湯治病發熱頭痛，脈反沉，若不差，身體疼痛者，脈浮遲，表熱裏寒，下利清穀者，汗出熱不去，內拘急，支節疼，四逆者，下利厥逆，惡寒者，下利腹脹滿，身疼脈浮者，先用四逆溫裏，得利止，乃可隨證用藥攻表也。

甘草 壹兩 附子 半個 乾薑 叁分

咬咀，以水壹升半，煮取陸合，去滓，溫分作貳服。

手足厥，脈微欲絕者，當歸四逆湯主之。

當歸 桂枝 芍藥 細辛 各壹兩

棗 叁拾陸 甘草 木通 各壹兩

咬咀，以水四升半，煮二升二合，去滓，每溫一盞服。

和表證

傷寒表不解，心下有水氣，乾嘔發熱而欬，或渴或利，或噎，或小便難，腹滿而喘者，小青龍湯主之。

麻黃 芍藥 細辛 乾薑 甘草

桂枝各壹兩

半夏叁分

五味子半兩

咬咀。以水六升。先煮麻黃數沸。去上沫。內諸藥。煮一升。去滓。每溫服一盞。若渴者。去半夏。加栝樓根。

壹兩半。若微利。去麻黃。加薤花一雞子大。炒亦若噎者。去麻黃。加附子壹枚。炮。小便利。小腹滿者。

去麻黃。加赤茯苓貳兩。若喘。去麻黃。加杏仁壹兩壹分。無薤花。以桃花壹鴨子大。不炒。代之。

太陽病得之八九日。如瘡狀。發熱惡寒。熱多寒少。其人不嘔。清便欲自可。一日二三度發。脈微緩者。為欲

愈也。脈微而惡寒。此陰陽俱虛。不可更發汗。吐下也。面色反有熱色者。未解也。以其不能得小汗出。其身

必痒。宜桂枝麻黃各半湯。

桂枝湯末

麻黃湯末各叁分

以水一升半。棗三箇。生薑三片。煎減半。去滓。溫飲一盞。未有小汗。再服之。

服桂枝湯。大汗出。脈洪證候不改者。服桂枝湯如前法。若形似瘧狀。日再發者。宜桂枝二麻黃一湯。

桂枝湯末壹兩

麻黃湯末半兩

以水一升半。薑三片。棗三箇。煎減半。去滓。溫飲一盞。未有小汗。再服之。

服桂枝湯。大汗出後。大煩渴。脈洪大者。白虎湯加人參主之。方在厥陰證中。

龐曰。傷寒已得汗。身和脈絃細。讖語妄見。此為津液不和。與小柴胡去人參。加桂枝湯服之。津液和自愈。

未差。與調胃承氣湯下之。

傷寒六七日發熱微惡寒。支節煩疼。微嘔。心下支結。外證未去。柴胡桂枝湯主之。兼治寒疝腹痛。

柴胡 壹兩

桂枝

黃芩

人參 各半兩

半夏 肆錢

芍藥 半兩

甘草 壹錢

大棗 玖枚

生薑 半兩

咬咀。以水三升半。煮取一升七合半。去滓。溫飲一盞。

小柴胡湯治傷寒五六日中風。往來寒熱。胸脇滿。嘿嘿不欲食。心煩喜嘔。或胸中煩而不嘔。或渴。或腹中

痛。或脇下痞。或心下悸。小便不利。或不渴。身微熱。或欬者。

柴胡 貳兩

甘草

黃芩

人參 各參

半夏 陸錢

生薑 參分

大棗 參枚

咬咀。以水六升。煮取三升。去滓。再煎。取一升半。溫作三服。若胸中煩而不嘔者。去半夏。人參。加枳椇

半箇。若渴。去半夏。加人參。成貳兩。貳錢半。枳椇根貳兩。若腹中痛。去黃芩。加芍藥壹兩半。若脇下痞

鞭。去大棗。加牡蠣貳兩。若心下悸。小便不利。去黃芩。加茯苓貳兩。若不渴。外有微熱。去人參。加桂枝

壹兩半。溫覆微汗愈。若欬。去人參。大棗。生薑。加五味子壹兩。壹分。乾薑壹兩。

傷寒中風。有柴胡證。但見一證。不必悉具。凡以柴胡證而下之。與柴胡湯。必烝烝而振。却復發熱。汗出而

解也。

病十日以上。脈浮細嗜臥者。爲已安候。小柴胡和之。細而遲者勿與。

婦人中風七八日。續自寒熱。發作有時。經水適斷者。此爲熱入血室。其血必結。故使如瘧狀。發作有時。小柴胡湯主之。

婦人傷寒發熱。經水適來。晝日明了。暮則譫語。如見鬼狀。此爲熱入血室。無犯胃氣。必自愈。先宜小柴胡湯。不愈。可刺期門。

婦人中風發熱惡寒。經水適來。得之七八日。熱除而脈遲。身涼胸脇下滿。如結胸狀。譫語。此爲熱入血室也。當刺期門。隨其實取之。

陽明病潮熱。大便溏。小便自如。胸脇滿不去者。小柴胡湯主之。又不大便而嘔。舌上白苔者。亦宜服之。上焦得通。津液得下。胃氣因和。身濺然汗出而解。

陽明中風。脈浮弦大而短氣。腹滿脇下及心痛。久按之氣不通。鼻乾不得汗。嗜臥。一身及目悉黃。小便難。有潮熱。時時噦。耳前後腫。刺之。小差。外不解。病過十日。脈續浮者。與小柴胡湯。若不尿。腹滿加噦者。不治。

可下證 血證附

大法秋宜下。

陽明病發熱，不惡寒，汗多者，急下之。

凡脈沉細數，為熱在裏，又兼腹滿咽乾，或口燥舌乾而渴者，或六七日不大便，小便自如，或目中腫子不明，無外證者，或汗後脈沉實者，或下利三部脈皆平，心下堅者，或連發汗，已不惡寒者，或已經下，其脈浮沉按之有力者，宜大承氣湯。

大黃 半兩

厚朴 壹兩

枳實 壹枚

朴消 半兩

咬咀，以水四升，先煮厚朴、枳實，至叁升，下大黃，煮取壹升半，去滓，下朴消，烱化，每溫一盞服，利即止。後服，如作羹散煎，每服厚朴、枳實末共叁錢，水兩盞煎壹盞半，下大黃末壹錢，煎壹盞，絞去滓，下朴消末壹錢，烱化服之。

陽明與少陽合病而利，脈不負者為順也，負者失也，互相克為負也，脈滑而數者有宿食，當下之。宜大承氣湯。陽明土，其脈大，少陽木，其脈弦，若合病，土被木賊克，更利為胃已困，若脈不弦，為土不負，弦者為土負，必死。

脈雙弦而遲，心下堅，或脈大而緊者，陽中有陰，可下之，病者煩熱，汗出如瘧狀，日晡則發潮熱者，屬陽明，其脈必實，當下之而愈。

病人小便不利，大便乍難乍易，時有微熱，喘胃不能臥者，有燥屎，宜下之。傷寒若吐下後不解，不大便五六日以上，至十餘日，日晡則發潮熱，不惡寒，獨語如見鬼狀，若劇者，發則

不識人循衣妄撮。常見有此虛空候。故改之。惕而不安。微喘直視。脈弦者生。脈濡者死。微者但發熱譫語。可下之一服。利止後服。

過經譫語者可下之。

病人不大便五六日。繞臍痛。煩躁。發作有時。此有燥屎。故不大便。可下之。以上並宜大承氣湯。

太陽病未解。其脈陰陽俱停者。必先振慄。汗出而解。

陽微者先汗之而解。陰實者先下之而解。下之宜大柴胡湯。

柴胡 肆兩

黃芩

芍藥 各壹兩

枳實 兩枚

生薑 貳兩

半夏 壹兩

大棗 陸個

大黃 壹兩

咬咀以水六升。煮取叁升。去滓再煎。每溫一盞服。

因下之後。潮熱而微利者。此醫以丸藥下之。非其治也。而有表證。仍胸滿而嘔者。先服小柴胡湯。後服

大柴胡湯。小柴胡湯在和表證中。

傷寒發熱。汗出不解。心中痞硬。嘔吐下利者。大柴胡湯主之。

傷寒十餘日。結熱在裏。往來寒熱者。宜大柴胡湯。

陽明病譫語發潮熱。脈滑疾者。小承氣湯主之。

大黃貳兩 厚朴壹兩 枳實兩枚

咬咀。水貳升半。煎至八合。去滓。放溫時飲一盞。以利為度。凡大便祕悶。恐有表證者。但少少飲之。微下為度。不可飲多。恐大泄利也。虛弱人可作養散煎服。

太陽病若吐下發汗後微煩。小便數。大便難者。與小承氣湯。利之則愈。此太陽陽明證也。

下利讞語者。有燥屎也。宜小承氣湯。初一服讞語止。若更衣者。停後服。不爾盡與之。更衣即登廁也。非顧師古注漢書更衣之義。集

驗方痔有更衣挺出。顧妨於更衣。更衣出清血。故以知之。

陽明病不吐不下。心煩者可與調胃承氣湯。方在太陽證中。

發汗後惡寒者。虛也。不惡寒但熱者。實也。當和其胃氣。宜調胃承氣湯。

傷寒十三日過經讞語者。此有熱。當以湯下之。若小便利者。大便當鞭。反下利而脈調和者。知醫以丸藥下之。非其治也。若自下利者。脈當微厥。今反和者。為內實也。宜調胃承氣湯。

太陽病過經十餘日。心下溫溫欲吐。而胸中痛。大便反溏。腹微滿。鬱鬱微煩。此時極吐下者。與調胃承氣湯。不爾可與之。但欲嘔。胸中痛。微溏者。此非柴胡證。以嘔故知極吐下也。屬調胃承氣湯。

傷寒吐後。腹脹滿者。屬調胃承氣湯。

茵蔯湯治陽明病發熱汗出者。此為熱越不能發黃也。但頭汗出。其身無汗。劑頸而還。小便不利。渴而飲

水者以瘵熱在裏身必發黃。

茵陳蒿 參兩

大黃 壹兩半

梔子 貳拾個大者欸枚

咬咀水貳升半。先煮茵陳至貳升內二味。煮取壹升貳合半。去滓。溫飲一盞。日三服。小便當利。尿如皂角沫。一宿腹減。黃從小便出。

十棗湯治太陽病中風下利嘔逆表解者乃可攻之。其人藪藪汗出。發作有時。頭痛心下痞鞭滿。脇下痛。乾嘔短氣。汗出不惡寒者。此表和裏未和也。

芫花 甘遂 大戟 等分。異許篩碎木合之。入臼再杵二百下。

先以水壹升。煮芫花拾枚。擘碎。煮取半升。去棗煎湯少半。調末一錢匕。羸人半錢。再單飲棗湯送之。平旦服。若下少而病不除。明旦加藥一錢半。如前服之。服之必利。利後糜粥自養。

欬而脇下痛。此為有飲。宜十棗湯。

調中湯治夏月及秋初忽有暴寒。折於盛熱。熱結四支。則壯熱頭痛。寒傷於胃。下利或血或水。或赤帶下。壯熱且悶。脈數宜下之。久年腸風下之亦差。

大黃 參分

葛根

黃芩

芍藥

桔梗

茯苓

藜蘆

白朮

甘草 各半兩

吹咀水叁升煎至貳升下大黃取壹升貳合去滓溫溫飲一盞移時勿鬲食再服之得快下壯熱便
 歇其下利亦止凡秋夏早熱積日或有暴寒折之熱無可散喜搏著肌中作壯熱氣也胃為六府之
 表最易為暴寒所折故也虛人亦不發壯熱但下利或霍亂不宜用此實人有服五石人喜壯熱與
 別藥下則加熱喜悶而死矣是以宜以此下和其胃氣調中湯又治陽病因下遂協熱利不止及傷寒不因
 成壹兩煎服之殊驗也茵陳丸療瘴氣及黃病瘡瘧

茵陳 梔子

鼈甲

芒消各壹兩

大黃貳兩

肢貳合

常山

杏仁各壹兩

巴豆半兩

細末蜜丸梧桐子大初得時氣三日內平旦米飲服二丸如人行十里久或吐或利或汗出不爾更
 服一丸以熱粥投之老少以意加減丸數服若黃病痰癖時氣傷食瘡瘧小兒驚熱欲發癘服之無
 不差者療瘴神驗赤白痢服之亦效春初有宿熱依上法服之取吐利當年不憂熱病有性殺藥者
 每服七丸

五丸

抵黨湯治太陽病六七日表證仍脈微而沉反不結胸其人發狂者乃熱在下焦小腹當硬滿小便反利
 者下血乃愈所以然者以太陽隨經瘀血在裏故也利者非血證
 小腹滿而小便不

水蛭

蠱蟲各拾枚

桃人柒枚

大黃壹兩

咬咀以水貳升半。煮至壹升貳合半。去滓。溫溫分四服。未下再服。虛人只可作半料服之。如作煮散。每五錢水壹盞半。煎壹盞。去滓服之。

桃人承氣湯治太陽病不解。熱結在膀胱。其人如狂。血自下者乃愈。其外不解者。尚未可攻。當先隨證行湯解外。外已解。但小腹急結者乃可攻之。不惡寒為外解。

桃人貳拾肆 大黃貳兩 甘草 桂枝 芒消各壹兩

咬咀以水叁升半。煎取壹升半。去滓。內芒消烱化。溫服壹盞。虛人減作半料亦可。作煮散每伍錢水壹盞半。煎至壹盞。去滓。下芒消壹錢半。烱化服之。

桃人承氣湯又治產後惡露不下。喘脹欲死。服之十差十。

龐曰。脈朝夕跌者。實癰也。可下之。朝平夕跌者。非癰也。不可下。跌謂數脈。六七至者也。若脈數一息八九至。慎不可下。若下之則煩躁。下利不止而死。凡數脈與皮毛相得。亦不可下也。合下不下。令人腹脹滿。通身浮腫而死。

不可下證

脈軟而弱。弱反在關。關下三分也。濡反在顛。關上三分也。微反在上。寸口也。澀反在下。尺部也。微則陽不足。澀則無血。陽氣反微。中風汗出而反煩躁。澀則無血。厥而且寒。宜建中湯。方在不可汗證中。

陽微不可下。下之則心下痞。

諸動氣在心腹上下左右俱不可下。

動氣在右不可下。下之則津液內竭。咽燥鼻乾。頭眩心悸。宜竹葉湯。方在不可汗證中。

動氣在左不可下。下之則腹裏拘急不止。動氣反劇。身雖有熱。反欲飲。先服乾薑甘草湯。方在太陽證中。後服建中湯。方在不可汗證中。

動氣在上不可下。下之則掌握熱。煩身冷。熱汗自泄。欲水自灌。竹葉湯主之。方在不可汗證中。

動氣在下不可下。下之則腹滿。卒起頭眩。食則下清。穀心下痞堅。半夏瀉心湯主之。方在痞證中。

咽中閉塞不可下。

龐曰。諸脈濡弱。微虛細相搏。俱不可下。

諸四逆不可下。虛家亦然。

龐曰。若下證悉具。而見四逆者。是失下後。氣血不通使然。但手足微厥。掌心常溫。時復指梢溫。便下之。不可拘忌也。

傷寒嘔多。雖有陽明證。不可攻也。

龐曰。凡下證。小便不利。或尙少。未可攻之也。

不當下而強下之。令病人腸胃洞泄。不禁而死。

可水不可水證

龐曰。凡病非大渴。不可與冷水。若小渴。口咽乾。小小呷滋潤之。若大渴。煩躁甚。能飲一斗者。與五升。能飲一升者。與半升。若乃不與。則乾燥。無由作汗。煩喘而死者多矣。但勿令足意飲也。若大汗將來。躁渴甚者。但足意飲之。勿疑。常人見因渴飲水而得汗。見小渴。遂強與之。致停飲心下。滿結喘而死者亦多矣。其有熱脈數。尙可作汗而解者。出於天幸也。

五苓散治病人水藥入口則吐。或渴而嘔者。或汗後脈尙浮而煩渴者。或下利渴而小便不利者。或因渴停水心下。短息者。難治。嘔而小便不利者。皆主之。

豬苓

白朮

茯苓

桂枝

澤瀉各半兩

細末。白飲調下。貳錢。日叁服。數飲煖水。汗出效。

陽明病。小便數者。大便卽堅。不更衣。十日無所苦。欲得水。但與之。當以法救渴者。五苓散主之。霍亂頭痛發熱。身體疼。發熱欲飲水。五苓散主之。若得病無熱。但狂言煩躁不安。精采不與人相當。勿以火導之。但以豬苓散方寸匕服之。當通飲新汲井水壹升。卽令指刺喉中吐去之。病隨手愈。若不能吐者。勿強與水。水停則結心下也。當以藥吐之。不爾。更致危病。若當吐不吐時。以豬苓散吐之。其死迫速矣。亦可針之。尤佳。夫飲高實難治。此皆三死一生也。太陽病發汗後。大汗出。胃中乾燥。煩不得眠。其人欲飲水。

者。但與之當稍稍飲之。令胃和則愈。

可吐不可吐證

龐曰。胸膈痞悶。痰壅塞礙。脈得浮或滑。並宜瓜蒂散吐之。方在厥陰證中。產後六七日內下瀉。諸藥不効。得此脈與吐之瀉立止。

下利日數十行。其脈反遲。寸口微滑。吐之則止。

龐曰。虛家當吐而不敢吐之。宜以枳實散壓氣。毒痰水過日毒入胃。乃可微下之也。

諸四逆脈微弱虛細。或弦遲。雖中滿悶不可吐。宜橘皮湯枳實散之類。橘皮湯在和表證中。枳實散在絃論中。不可吐而強吐之。氣築心即死矣。

可灸不可灸證

燒針令其汗。針處被寒。核起而赤者。必發黃豚。氣從少腹上撞者。灸其核上一壯。與桂枝加桂湯。桂枝湯內加桂枝。足成壹兩壹分。如前法煎之。

少陰病其人吐利。手足不逆。反發熱不死。灸少陰七壯。

下利手足厥無脈。灸之不煖。反微喘者死。

傷寒脈促。手足厥逆。可灸之。

合灸不灸。令病人冷結。久而彌固。氣衝心而死。微數之脈。慎不可灸。因火爲邪。則爲煩逆。追虛逐實。血散脈中。火氣雖微。內攻有力。焦骨傷筋。血難復也。

脈浮當以汗解。而反灸之。邪無從去。因火而盛。病從腰以下必當重而痺。此爲火逆。若欲自解。當先煩。煩乃有汗。隨汗而解。何以知之。脈浮故以知汗出而解。脈浮熱甚而灸之。此爲實實以虛治。因火而動。咽燥必唾血。

不當灸而誤灸。令火邪入腹。干錯五藏。重加煩而死。

可火不可火證

下利穀道中痛。當以熬鹽末熨之。或炒枳實末溫熨。二味相兼益佳。若臍下冷結。不可便熨。冷氣攻心。腹必死。須先用藥溫之。久而可熨。凡臍下冷結成關陰。大小便不通。服藥雖多不見效。以炒鹽熨臍下。須臾即通。然關陰已服巴豆。甘遂。大黃。輕粉之類太多。即暴通利而損人。尤宜詳之也。

可溫證

大法冬宜溫熱藥。

少陰病。其人飲食入則吐。心中溫。溫欲吐。復不能吐。始得之。手足寒。脈弦遲。若膈上有寒飲乾嘔者。不可吐。宜四逆湯溫之。方在四逆證中。

下利其脈浮大。此為虛。以強下之故也。設脈浮大。因爾腹鳴。宜當歸四逆湯溫之。方在四逆證中。

火邪證。醫以火臥床下。或遇身用火迫却汗。或熨或灸。皆屬火邪也。

傷寒脈浮。醫以火迫。劫之亡陽。驚或狂起臥不安者。宜桂枝去芍藥加蜀漆牡蠣龍骨救逆湯。

桂枝 壹兩

蜀漆 壹兩

甘草 壹兩

龍骨 貳兩

牡蠣 貳兩

生薑 壹兩

大棗 陸枚

以水陸升。先煮蜀漆。減壹升。內諸藥。煮取貳升。去滓。溫服壹盞。無蜀漆。以恆山之代。火劫後脈浮。當汗出而愈。

火邪下之。因燒針煩躁者。桂枝甘草龍骨牡蠣湯主之。

桂枝 半兩

甘草

牡蠣


龍骨 各壹兩

以水二升。煮一升。去滓。溫取一盞。可代救逆湯使之。

龐曰。灸及燒針後。證似火劫者。並宜火劫治之。煩躁驚及狂。用六石風引湯尤良。柴胡加龍骨牡蠣湯亦通用。

病人因火劫至十五六日。身黃下利。狂欲走。師脈之言。當下清血如豚肝。乃愈。後如師言。何以知之。師曰。寸口脈浮。而陰濡弱。陽浮為風。濡弱為虛。浮虛受風。少血發熱惡寒。洒淅項強頭眩。醫以火熏鬱令汗。

出惡寒遂甚。客熱因火而發。怫鬱蒸於肌膚。自爲黃。小便微難。短氣。鼻中出血而復下之。胃無津液。利遂不止。熱痰在膀胱。畜結成積。狀如豚肝。當下不下。心亂迷憤。狂走赴水。必不能自制。蓄血若去。目明心了。此皆醫所爲輕者得愈。極者不治。



傷寒總病論卷三

結胸證

心下痞證

陽毒證

陰毒證

狐惑證

百合證

瘧濕喝證

瘧證

濕證

喝證

發汗吐下後雜病證

傷寒勞復證

陰陽易證

結胸證

病發於陽而反下之，熱入內作結胸。其病心下堅滿，按之如石，硬而痛，項強如柔痙狀，其脈寸口浮，關上尺中皆沉，或沉緊，名曰結胸也。下之則和，宜大陷胸湯。今作煮散煎之。

大黃壹兩半

芒消壹兩半

甘遂末壹字

異末先以水壹升半煎大黃半升，絞去大黃滓，下消末更煮一二沸，內甘遂末和勻，溫分二服，一服快利，止後服。如作煮散，即先以水一盞煎大黃末肆錢匕，至捌分，下消末貳錢匕，候化勻，下甘遂末。

半錢匕。沸勻。溫服之。移時未利。再煎一服。快利爲度。

藏結如結胸狀。飲食如故。時時下利。寸口脈浮。關上脈小細沉緊。名曰藏結。舌上白苔生者。難治。藏結無陽證。不往來寒熱。其人反靜。舌上苔滑不可攻也。

結胸證。其脈尺寸浮大者。不可下。下之則死。復宜發汗也。

結胸證。悉具。煩躁甚者死。

太陽病。脈浮而動數。浮則爲風。數則爲熱。動則爲痛。數則爲虛。頭痛發熱。微盜汗出。而反惡寒。表未解也。醫反下之。動數變遲。鬲內拒痛。胃中空虛。宿熱動鬲。短氣煩躁。心下懊懣。陽氣內陷。心下固。則爲結胸。大陷胸湯主之。若不結胸。但頭汗。餘處無汗。劑頸而還。小便不利。身必發黃也。

結胸無大熱者。此爲水結在胸脅也。但頭微汗出者。宜大陷胸湯。

太陽病。重發汗而復下之。不大便五六日。舌燥而渴。日晡則少有潮熱。從心下至小腹。滿而痛不可近者。宜大陷胸湯。

虛弱家。不耐大陷胸湯。卽以大陷胸丸下之。

結胸者。項亦強。如柔痙狀。下之則和。宜大陷胸丸。

大黃 肆兩

葶藶子 壹兩

朴消 壹兩

杏仁 貳合

枳二味。內杏仁、朴消、合研如脂。九如彈子大。抄甘遂末壹錢。白蜜貳合。水貳升。煮取壹升。溫頓服之。一宿乃下。不下更服。

小結胸正在心下。按之則痛。脈浮滑者。宜小陷胸湯。

半夏陸錢

黃連壹分

栝樓壹枚。用

咬咀。水叁升。煮栝樓至貳升。下諸藥。煮取壹升。去滓。溫服。一盞。食頃再服。一日盡劑。微解下。黃涎即愈。

太陽病下之。脈促者不結胸。此爲欲解也。脈浮者必結胸。脈緊者必咽痛。脈弦者必兩脅拘急。脈細數者頭痛未止。脈沉緊者必欲嘔。脈沉滑者協熱而利。脈浮滑者必下血。

寒實結胸無熱證者。與三物白散方。小陷胸者非也。

桔梗叁分

巴豆壹分

貝母叁分

細末。內巴豆研勻。白飲調下壹錢。羸人減之。病在膈上必吐。在膈下必利。未利啜熱粥投之。利過不止。飲冷粥止之。

龐曰。近世治結胸多行針頭。丸用硫黃陽起石者。若病熱毒甚者必死。唯治冷結寒實耳。

心下痞證

病發於陰而反下之為痞。發熱惡寒為陽。誤下則為結胸。無熱惡寒為發於陰。誤下則為痞氣。傷寒下之後。若發熱汗出者為欲解。若心下滿而鞭痛者。此為結胸也。但滿而不痛。此為痞氣。宜半夏瀉心湯。

甘草 黃芩 乾薑 人參

黃連 半兩 大棗 陸枚 半夏 壹兩 分

咬咀。水陸升。煮取叁升。去滓。再煎壹升。半溫溫飲一盞。日三夜二。設下後津液入裏。胃虛上逆。寒結在心。故乾薑黃連不能相惡也。

心下痞。按之濡。其脈關上浮者。宜大黃黃連瀉心湯。

大黃 壹兩 黃連 兩 黃芩 各半

咬咀。以鰾眼沸湯壹升。漬之。須臾絞去滓。溫溫分四服。得利止後服。寒濕迫心氣不行。欲作熱也。

心下痞悶。而復惡寒汗出者。大黃黃連瀉心湯內加附子主之。附子壹枚。炮。去皮尖。四破。以水叁合煎。與瀉心湯而痞不解。其人渴而口乾燥。小便不利者。五苓散主之。方在可水。附子以附子汁內湯中。和勻。

生薑 貳兩 人參 甘草 黃芩 各壹兩

半夏 壹兩 分 大棗 陸枚 黃連 兩 乾薑 兩 各半

咬咀水伍升。煮取叁升。去滓。再煎取壹升半。溫作四服。胃中不和。爲少陽木氣所制。故用二薑之辛味。

傷寒中風。醫反下之。其人下利日數十行。穀不化。腹中雷鳴。心下痞鞭。而滿。乾嘔。心煩不得安。醫見心下痞。謂病不盡。復下之。其痞益甚。此非結熱。但以胃中虛。客氣上逆。故使鞭也。甘草瀉心湯主之。

甘草 貳兩 黃芩 乾薑 人參 各半

半夏 壹兩 大棗 陸枚 黃連 半兩

咬咀水伍升。煎至叁升。去滓。再煎取壹升半。溫作四服。胃虛故加甘味。

大下後復發汗。心下痞。惡寒者。表未解。不可攻痞。當先解表。表解乃可攻痞。攻痞宜大黃黃連瀉心湯。前

附子。是汗出多而惡寒。表將解而裏結未除。故也。此證是發汗後無汗惡寒。故先須解表也。

傷寒發熱。汗出不解。心下痞鞭。吐嘔下利者。大柴胡湯主之。汗出嘔吐下利。是胃中津液燥。裏有結實。非胃虛也。故以大柴胡湯下之。

病人脅下素有痞。連臍。傍引小腹入陰筋者。此爲臧結。死。

陽毒證

初得病一二日。便成陽毒。或服藥吐下後。變成陽毒。其病腰背痛。煩悶不安。狂言欲走。或見鬼。或下利。其脈浮大而數。面赤斑斑如錦紋。咽喉痛。吐下膿血。五日可治。七日不可治。升麻湯主之。不可作煮散。

升麻 當歸 甘草 各貳 雄黃 研。壹

桂枝壹分 龍甲半兩 蜀椒半分

吹咀水貳升煎壹升去滓溫服一盞食頃再服溫覆手足出汗汗出則解未解重作之得吐尤佳陽毒宜葛根龍膽湯方在可被汗證中

陰毒證

初得病一二日便成陰毒或服藥六七日以上至十日變成陰毒其病身重背強腹中絞痛咽喉不利毒氣攻心心堅強氣不得息嘔逆唇青面黑四支厥冷其脈沉細而緊仲景云陰毒之候身痛如被杖喉咽痛五六日可治七日不可治甘草湯主之不可作衰散

甘草 龍甲 升麻 當歸 桂枝各貳分

蜀椒壹分 雄黃壹分

吹咀水叁升煎取壹升去滓溫溫每飲一盞食頃再服溫覆中毒當汗吐之汗吐則愈不吐再服之治陰毒反陰丹

硫黃伍兩 研末 太陰玄精石味鹹者 研末 硝石研末 各貳兩

用鐵銚子先鋪玄精石一半次鋪硝石一半中間下硫黃又以硝石蓋硫黃都以玄精石蓋之用蓋子合定令三斤炭火燒令得所勿使煙出多急取出以瓦盆合定地下四面灰擁勿令煙出直候冷

取細研。蒸餅心。丸豌豆大。艾湯下十五丸。病重加至二三十丸。此法甚驗。喘促吐逆者。入口便安。服此藥三五服。覺不退。便於臍下一寸半灸之。須是大炷百壯。未愈可至二百壯。若手足極冷。小便澀。小腹墮。疔痛囊縮。即須更於臍下四寸。如前灸之。乃與當歸四逆并反陰丹。頻頻與服。內外通達。方可解。若稍緩。即死矣。當歸四逆乃加吳茱萸。生薑者。是慎勿與尋常利小便藥。此是陰毒。氣結在小腹所致也。有見小便不通。便用炒鹽及裏熱藥熨臍下。欲望小便通利。其冷氣在小腹之間。被熱物所熨。無處通出。即奔上衝心。其死速矣。

又治陰毒硫黃丸

硫黃·貳兩 水銀·壹兩

同研入鉢。洒少醋。慢火炒。欲似煙出。再出火洒醋。如此三四遍。地上放冷研之。蒸餅丸梧桐子大。每服二十三十丸。艾湯吞下。日三服。食前。

陰毒脈沉微欲絕。四支逆冷。大躁而渴不止。附子飲子。

附子 壹枚·半兩以上者。
炮·去皮尖·四破·

以水九升。煎至三升。去附子入瓶。油單緊封沉井底。候極冷。取飲之。仍下硫黃丸甚妙。

陰毒之爲病。因汗下藥性冷所變。多在四五日也。或素來陽氣虛冷。始得病。便成陰毒。或始因傷風傷冷。

物便成陰毒其病六日內可治過六日不可治

狐惑證

狐惑之為狀如傷寒或因傷寒變成斯疾其候默默欲眠日不得閉臥起不安蝕於喉為惑蝕於陰為狐不欲飲食惡聞食臭其面乍赤乍黑乍白蝕於上部則聲啞甘草瀉心湯主之方在瘡證中蝕於下部則咽乾苦參湯洗之蝕於肛門者燒雄黃薰之雄黃壹味燒薰下部病者脈數則熱微煩默默但欲臥汗出初得之三四日目赤如鳩眼七八日則兩目四皆周皆黑若能食者膿已成也赤小豆當歸散主之

赤小豆壹升浸生芽曝乾當歸壹兩

細末漿水調下二錢日三服

百合證

龐曰百合病者百脈一宗悉致其病意欲食復不能食常默默欲臥復不能臥欲出行復不能行或有美食時或惡聞食臭時如寒無寒如熱無熱口苦小便赤諸藥不能治得藥則增劇吐利者如有神祟者身形如和其脈微數每溺時頭痛者六十日乃愈若溺頭不痛漸然者四十日愈若溺快然但頭眩者二十日愈其證或未病而預見或病四五日而出或二十日或一月微見者隨證治之治汗後百合病百合知母湯

百合拾枚知母壹兩

百合先洗漬一宿。當白沫出。去其漬水。別以清泉水壹升半。煮百合。取壹升。去滓。又別以泉水壹升。煮知母。取半升。去滓。同百合湯煎至壹升。溫分三服。

治下後百合病。滑石代赭湯。

百合拾枚 滑石壹兩 代赭半兩

先以水漬百合一宿。當白沫出。則去其水。更以泉水壹升半。煮取一升。去滓。別以泉水一升。煮滑石代赭。取半升。去滓。合和重煎至一升。分溫三四服。

治吐後百合病。百合雞子湯。

百合拾枚 雞子黃貳枚

先以水洗百合。漬一宿。當白沫出。去其水。更以泉水一升。煮取一升。去滓。下雞子黃。攪勻。分溫三服。治不經吐下發汗百合病。形如初者。百合地黃湯。

百合拾枚 地黃汁半升

先以百合水漬一宿。有白沫出。去其水。更以泉水一升半。煮取一升。去滓。內地黃汁再煮。取一升二合。溫分三服。中病勿更服。

治百合病一月不解。變成渴者。百合湯洗之。

百合 一升。如前洗。先漬一宿。當白沫出。去其水。

更以水一斗煎數沸洗周身。慎風。仍食白湯餅。但勿與鹽豉也。煮餅是切麪條湯。煮水淘過。熱湯漬食之。

渴不差。栝樓牡蠣散主之。

栝樓 無黃脈者。 牡蠣粉 等分

細末。水調方寸匕。日三服。

治百合病變發熱。百合滑石散。

百合 壹兩 滑石 叁兩

細末。清飲調方寸匕。日三服。當微利熱則除。已利勿服之。

百合病見於陰者。以陽法救之。見於陽者。以陰法救之。見陽攻陰。復發其汗。此為逆。見陰攻陽。乃復下之。此亦為逆。

瘧濕喝證

傷寒所至。太陽病瘧濕喝。此三種宜應別論。以為傷寒相似。故此見之。

瘧證

太陽病發熱無汗。反不惡寒。名曰剛瘧。

太陽病微熱汗出。不惡寒。名曰柔瘧。病源云。惡寒。

其證身熱足寒。頭強項急。惡寒時頭熱。面赤目脈赤。獨頭搖。卒口噤。背反張者。瘧病。

太陽病發汗太過。因致瘧。素問曰。太陽所至。為暍汗瘧。又云。肺熱移於腎。傳為柔瘧。始太陽中風。發熱而故追

汗太多。因而熱瘧。汗反為冷濕之氣復著太陽經。故發瘧也。

瘧病臥不着席。小兒腰背去席二指。大人側掌為難。

治瘧病脈弦。直上。下行。

仲景云。太陽病證其身熱。八尺然。脈反沉遲者。為欲作瘧。宜桂枝加枳椇湯。枳椇不主中風。強項八尺。其意治肺令熱不能移於腎也。桂枝

湯內當加枳椇四兩。瘧病不宜大發汗及針灸。宜小汗之。

柔瘧宜桂枝加葛根湯。桂枝湯內加葛根四兩。

剛瘧宜葛根麻黃湯。方在解表證中。

剛柔瘧加減葛根麻黃湯。

葛根 麻黃 生薑 各壹兩。

白朮 人參 芎藭 黃芩 防風 芍藥 防己

桂枝 甘草各半兩 附子壹枚

咬咀水六升先煮麻黃葛根數沸去上沫內諸藥煮取二升去滓飲服一盞食頃再服日四五夜二
三柔瘧自汗者去麻黃加葛根成壹兩半

剛瘧胸滿口噤臥不着席脚掣急其人必齕齒宜大承氣湯下之方在可下證中

濕證

太陽病關節疼痛而煩脈沉緩濕痺之候其人小便不利大便反快只當利其小便宜五苓散方在可水證中
濕家之為病一身疼發熱身如熏黃仍治風濕脈浮身重汗出惡風宜黃耆湯

黃耆貳兩 防己貳兩 甘草壹兩 白朮

生薑各壹兩半 棗拾個

咬咀水四升煎至二升去滓溫飲一盞食久再服喘者加麻黃壹兩胃中不和者加芍藥壹兩半氣
上衝者加桂枝壹兩半下有陳寒者加細辛壹兩服後當如蟲行皮中從腰下如冰厚坐被上又以
一被繞腰以下令微汗出

濕家其人但頭汗出背強欲得被覆向火若下之早則噦胸滿小便不利舌上如胎者此丹田有熱胸上有寒渴欲得水而不能飲口燥故也

濕家下之。額上汗出。微喘。小便利者死。下利不止者亦死。問曰。風濕相搏。一身盡疼痛。法當汗出而解。值天陰雨不止。汗出已解。身復痛何也。答曰。發其汗。汗大出者。但風氣去。濕氣續在。是故不愈也。若治風濕者。發其汗。但微似欲出汗者。風濕俱去也。

濕家病身上疼痛。發熱面黃而喘。頭痛鼻塞而煩。其脈大。自能飲食。腹中和無病。病在頭中寒濕。故鼻塞。細末瓜蒂。含水畜少許。鼻中則愈。

濕家身煩痛。可與麻黃湯。內加白朮貳兩。麻黃湯在可汗證中。

病者一身盡疼。發熱日晡則劇者。此名風濕。此病因傷於汗出當風。或久傷於冷所致也。可與杏仁薏苡湯。

麻黃 壹兩

杏仁 肆拾伍枚

薏苡仁

甘草 半兩

咬咀。以水二升。先煮麻黃。一二十沸。去上沫。內諸藥。煮取一升。去滓。溫二三服。

傷寒八九日。風濕相搏。身體煩痛。不能轉側。不嘔不渴。脈浮虛而澁者。宜桂枝附子湯。此治大便利。小便不利者。

桂枝 貳兩

附子 貳枚

生薑 壹兩

大棗 貳拾枚

甘草 壹兩

咬咀。以水三升。煮取一升。去滓。分溫四服。若大便堅。小便自利者。去桂枝。加白朮貳兩。煎如前法。初

一二服身如痺。半日許服之。都盡。其人如冒狀。勿怪。此乃朮附并走皮膚。遂水氣未得除。故使之耳。風濕相搏。骨節疼煩。掣痛不得屈伸。近之則極。汗出短氣。小便不利。惡風不欲去被。或有微腫者。甘草附子湯主之。

附子 貳兩 白朮 貳兩 桂枝 參兩 甘草 貳兩

咬咀。水三升。煮取一升。去滓。分溫三服。身腫者加防己貳兩。悸氣小便不利。加茯苓壹兩半。溢水成四升。煎一升三合。

喝證

太陽中熱者。喝是也。其人汗出惡寒。身熱而渴。白虎湯加人參主之。方在厥陰證中。太陽中喝者。身熱疼重而脈微。此夏月傷冷水。水行皮中所致也。瓜蒂湯主之。

瓜蒂 貳拾棗枚

水半升。煮取二合半。去滓。溫服。

太陽中喝。發熱惡寒。身重而疼。痛其脈弦而細。莖而遲。小便已。洒然毛聳。手足逆冷。小有勞。身即熱。口前開。板齒燥。若發其汗。則惡寒甚。加溫針。則反熱甚。下之則淋甚。宜大小橘皮湯。大橘皮湯在不汗證中。小橘皮湯。主

足冷嘔

橘皮 貳兩 生薑 肆兩

咬咀。水三升。煮取一升半。去滓。作四服。稍熱呷之。

發汗吐下後雜病證

病人脈微而瀉。此乃醫所病。大發其汗。又數大下之。其人亡血。病當惡寒。後乃發熱。無休止時。夏月盛熱。欲着複衣。冬月盛寒。欲裸其體。所以然者。陽微則惡寒。陰弱則發熱。此醫發其汗。使陽氣微。又大下之。令陰氣弱。五月之時。陽氣在表。胃氣虛冷。以陽氣內微。不能勝冷。故欲着複衣。十一月之時。陽氣在裏。胃中躁熱。以陰氣內弱。不能勝熱。故欲裸其身。又陰脈遲瀉。故知亡血也。此皆可治。陽微惡寒四逆。陰弱發熱為內熱病。宜苦酒艾之類。

發汗後其人臍下悸者。欲作奔豚。茯苓桂枝湯主之。

茯苓 肆兩 桂枝 貳兩 甘草 壹兩 大棗 捌個

咬咀。以甘爛水五升。先煮茯苓。減一升。內下諸藥。煮取一升半。溫溫作三服。

作甘爛水法

取水貳斗。置大盆中。以楊柏枝擊水上。有珠子五六千箇。相逐取用之。

發汗或下後痞滿。或成寒實。結胸。氣塞不通。宜檳榔散。

檳榔 貳個 一棧

細末酒二盞煎一盞四分作兩服。溫飲之。兼治虵厥。心腹刺痛。南海本草治勝脫氣佳。

龐曰。因發汗時。汗出如水。漏下還復汗。少喘促不止。脈促而按之濡者。合當汗而解。脈促而按之實者死。若脈浮。手足微厥。面垢唇青。昏憤而喘者。陰陽未和。尚阻升降。宜服順陰陽五味子湯。

麻黃 半兩

人參 五味子 麥門冬

杏仁

橘皮 生薑 各壹分 棗 柒枚

咬咀。水二升。煮七合。去滓。通口服一盞。未差。再作二三服。手足厥甚者。厚衣護其厥。

下後復發汗。晝日煩躁不得眠。夜而安靜。不嘔不渴。無表證。脈沉微。身無大熱者。宜乾薑附子湯。 不可作 葢散

乾薑 壹兩

附子 壹枚 生

咬咀。水一升。半煎至半升時。飲一小盞。食久再服。

傷寒若吐下後。心下逆滿。氣上衝胸。起則頭眩。脈沉緊。發汗則動經。身爲振振搖者。宜茯苓白朮湯。

茯苓 貳兩

桂枝 壹兩 半 白朮 各壹兩 甘草 各壹兩

咬咀。水三升。煮至一升半。去滓。分溫四服。

發汗吐下後。虛煩不得眠。若劇者。必反復顛到。心中懊惱。香豉梔子湯主之。少氣者加甘草。嘔者加生薑。

梔子香鼓湯

肥梔子貳拾枚

香鼓兩合細囊

水二升煎梔子至一升三合下鼓取七合半去滓每進一盞得吐止後服

梔子甘草湯前湯內加甘草壹兩同梔子煮後下鼓如前法加水半升

梔子生薑湯前方內加生薑貳兩半同梔子煮後下鼓同前法加水一升

傷寒五六日大下之後身熱不去心中結痛者欲解也屬梔子香鼓湯主之用前方

下後腹煩滿起臥不安者梔子厚朴湯主之

梔子搗個大者厚朴貳兩枳實貳枚

咬咀水二升煮一升去滓溫飲一盞

傷寒醫以丸藥下之身熱不去微煩梔子乾薑湯主之

肥梔子搗個乾薑壹兩

以水一升七合煮取八合去滓分溫三服

凡用梔子湯得効即止後服病人舊有微瀉不可與之

發汗若下之而煩熱胸中窒塞者梔子湯主之

傷寒五六日已發汗而復下之胸脅滿微結小便不利渴而不嘔但頭汗出往來寒熱煩者此表未解柴胡桂枝乾薑湯主之

桂枝 黃芩 各壹兩 柴胡 肆兩 枳椇根 貳兩

乾薑 甘草 牡蠣 各壹兩

咬咀水六升煎至三升去滓再煎一升半溫溫時飲一盞食頃再服

傷寒發汗若吐下解後心下痞鞭噫氣不除者旋復花代赭湯主之

旋復花 甘草 各壹兩 人參 壹兩 生薑 貳兩

代赭 末半兩 棗 叁枚 半夏 壹兩

咬咀水五升煎三升去滓再煎取一升半溫分四服

傷寒若吐下後七八日不解熱結在裏表裏俱熱時時惡風大渴舌上乾燥而煩飲水至數升者白虎加

人參主之 方在厥陰證中

傷寒八九日下之胸滿煩驚小便不利譫語身重不可轉側者柴胡龍骨牡蠣湯主之

柴胡 貳兩 龍骨 黃芩 生薑 鈹丹

人參 桂枝 茯苓 牡蠣 各叁分 半夏 壹合

大黃 壹兩 棗 肆個

咬咀。水六升煎取三升。下大黃。切如藥子塊。更煎取貳升。去滓。溫飲一盞。

傷寒服湯藥。下利不止。心下痞鞭。服瀉心已。復以他藥下之。利不止。醫以理中與之。利益甚。理中治中焦。

此利在下焦。以赤石脂禹餘糧湯主之。復不止。當以五苓散利小便。五苓散方在可水腫中。

赤石脂禹餘糧湯

赤石脂 禹餘糧 各八兩

水四升。煮取二升。去滓。溫飲一盞。

太陽病外證未除而數下之。遂協熱而利。利不止。心下痞鞭。表裏不解者。桂枝人參湯主之。

桂枝 甘草 各貳兩 白朮 人參 乾薑 各壹兩

咬咀。水五升。先煮四味。取三升。內桂。更煮取一升。去滓。溫分三服。

發汗後。腹脹滿者。厚朴人參湯主之。

厚朴 四兩 甘草 壹兩 生薑 肆兩 半夏 壹兩 人參 半兩

以水五升。煮取一升半。去滓。溫分三服。

治頭痛壯熱。心中煩。黃芩梔子湯。

黃芩

梔子 各壹兩

石膏

乾葛 各貳兩

豉 半兩

葱白 寸切

咬咀水四升。煮取一升半。溫溫作三四服。始得病便如前證。亦可服。治夏月傷暑毒。殊驗。

傷寒發汗後。或未發汗。頭痛如破。宜葱白湯。

連鬚葱白

寸切 生薑 貳兩

水二升。煮一升。去滓。溫溫作二三服。

服前湯。頭痛未解。宜葛根葱白湯。

葛根 壹兩

芍藥 芎藭

知母 各半兩

葱白 壹握

生薑 壹兩

咬咀水二升。半煮取一升。去滓。溫溫分減服。

傷寒頭痛立効荊芥散

天南星

草烏頭 肉白者

荊芥穗 各半兩

石膏 壹兩

細末。每服二錢半。陳茶一錢。薑汁半呷。薄荷三葉。水兩盞。煎至八分。溫溫相次三服。傷寒嘔吐不止。惡寒。脈細或浮遲。宜理中丸。兼治霍亂吐利。及傷寒後發熱。水停喜睡者。

人參 乾薑 甘草 白朮 各壹兩

細末。蜜丸。雞子黃大。每服一九。百沸湯一盞。化令細。煎三五沸。溫服之。霍亂臍上築者。不宜。朮可作湯去。朮加桂一兩半。水三升。煎取八合。稍熱服之。吐甚去朮。加生薑一兩半。作湯煎如前法。飲熱粥一椀。微溫覆之。勿發揭衣被。有寒腹滿痛。或四肢拘急。或下利轉筋。加生附子二枚。作湯服之。

治傷寒嘔吐欲死。生薑半夏湯。

半夏 壹兩 生薑 叁兩

水三升。半煮一升。去滓。溫溫分四服。

治嘔吐發熱。脈滑數。或洪者。茅根湯。

茅根 半升 麥門冬 貳合 半夏 壹兩

茯苓 半兩 生薑 貳兩

咬咀。水五升。煎一升半。去滓。溫溫分減服。

霍亂頭痛發熱。身疼多飲水者。宜五苓散。 方在水證中。

傷寒發熱自利。脈浮大數。及鼻血或嘔者。宜黃芩芍藥湯。

黃芩 壹兩 芍藥 甘草 各壹兩

咬咀水五升。煮取一升半。去滓。分四服。嘔者加半夏一兩一分。生薑一兩半煎服。
治傷寒熱痢。或兼腹痛。黃連當歸丸。

黃連 當歸 各參
乾薑 赤石脂 各壹兩

細末。蜜丸。梧桐子大。米飲吞下。二三十九日。三夜二服。

傷寒下利。如爛肉汁。赤帶下。伏氣腹痛。諸熱毒悉主之。薤白梔子湯。

薤白 壹握
肥梔子 拾貳箇

水三升半。先煮梔子十沸。下薤白煎至二升。去滓。下鼓煮一升半。溫溫分減服。必解下惡積。

傷寒汗解。因飲酒復劇。苦煩悶乾嘔。口燥呻吟。錯誤不得臥。此藥解熱毒。除酷熱。不必飲酒。劇者療。五日

中神効。黃連黃蘗湯。

黃連 壹兩
黃蘗 各壹兩
肥梔子 拾貳箇

咬咀。水三升。煎一升二合。去滓。溫溫分減服。未差更作。

傷寒四日而大下。熱利時作。白通諸藥多不得止。四順湯。熱白通湯。苦溫除熱。止利。藜藿黃連熟艾湯。

黃連 各壹兩
龍骨 壹兩
熟艾 兩雞子大

咬咀。水四升。煮一升二合。去滓。分減溫服。

龐曰凡冷利皆宜四逆冷利臍下必寒水穀黃白色或青黑也熱利臍下必熱利黃赤色也天行熱毒下利赤白久下膿血及下部毒氣當下細蟲如布絲縷大或長四五寸黑頭銳尾宜麝香丸

麝香 壹錢 附子 雄黃 丹砂 乾薑 巴豆 各分

搗下篩訖煉蜜和丸小豆大米飲下二九未知增之 此方本无巴豆是古方脫去服之不効今增巴豆試之甚驗

傷寒後咳噫肉豆蔻湯

肉豆蔻 壹個 石蓮肉 炒 茴香 各壹分 丁香 半分

生薑 人參 各分 枇杷葉 伍片拭去毛炙

咬咀水三升煎至一升半分四服空心煖飲之

龐曰傷寒汗後咳噫不止是陰陽氣升降欲作汗升之不上降之不下故胃氣上逆而咳噫無休止者宜良薑方

良薑方

橘皮 良薑 桂枝 薑歸 各壹分 麻黃 半兩

檳榔 叁個 杏仁 貳拾個 甘草 壹分 生薑 壹分 大棗 拾個

咬咀水二升半煎至一升去滓下檳榔末又煎三沸去滓通口服一盞未已再一劑

時行頭痛心如醉狀面愛向黑處不欲見人此為壞熱不散速行大青湯與服不爾狂走趕人大青湯

大青葉

秦艽

吳藍

升麻

薺蔞

栝樓根

各貳分

甘菊

壹分

石膏

叁分

竹瀝

貳合

朴消

叁分

一咬咀分二貼。每服一貼。水二升半。煎至一升二合。去滓。下竹瀝。朴消。分溫四服。肉色黃加茵蔯六分。面似火加梔子十四枚。加水成三升。煮取一升半。溫飲一盞。

七八日熱盛不解。苦葶廕湯。

苦酒

壹升

苦葶廕

壹合

生艾汁

半升

同煎至七合。作二服。此療內熱病。有牛黃一。刀圭尤良。阮河南曰。今諸療疾。多用辛甘。薑桂人參之屬。此皆貴價難得。常有必欲求之。轉以失時。而苦參青葙葶廕子艾之屬。所在盡有之。除熱解毒。最勝向貴價藥也。前後數參並用之。得病內熱者。不必按常藥次也。便以青葙苦參艾苦酒療之。但少促其聞耳。無不解者。苦酒即米醋也。

龐曰。辛甘薑桂人參之屬。是發散寒氣之藥。其病未傳成內熱者。為調治之大要藥也。決不可慮其酸苦之藥。正治內熱病急要之藥也。設當行辛甘而用酸苦。設當行酸苦而用辛甘。是昧於陰陽之用。如此醫殺之耳。其辛甘酸苦。自是調治通行之要藥。若論苦則忌甘。論甘則忌苦。雖有屢中。誠為粗工矣。傷寒發黃者。先用瓜蒂末內鼻中。口含水搐鼻中。去黃水用五苓茵蔯散最良。

時行一切。不知身上疼痛。不寒亦不熱。沉沉似有所思。順事多語。此藏正傳熱。麻人龍膽丸。服此藥不死。

大麻仁

大黃各壹兩

柴胡

黃芩

白鮮皮

秦芩

赤芍藥

龍膽草各貳分

黃連壹分

梔子肆貳拾分

細末。蜜丸如梧桐子大。食後煎淡竹葉湯下三十九日。與三服。以大利為度。十日小差。壹月平復。

地黃湯療傷寒及溫病。應發汗而不與發汗。五內有瘀血者。及鼻衄吐血不盡。內熱瘀血。面黃大便黑者。

此方主之。消化瘀血甚良。

生濕地黃肆兩

牡丹皮

芍藥

犀角屑無以升麻代各半兩

咬咀。水貳升。煮取壹升。去滓。溫溫飲一盞。喜忘如狂者。加地黃黃芩各三分。加水一升。脈大來遲。腹

不滿。自言滿者。為無熱。不用黃芩也。

鼻衄或吐血。下血黃芩湯。

黃芩肆兩

咬咀。水三升。煮一升半。溫飲一盞。兼治婦人漏下血不止。黃藥更佳。

吐血百治不差。此方療十差十。大黃散。

地黃汁半升

生大黃末壹方寸匕

煎地黃汁三沸。下大黃未調勻。空腹服之。每溫飲一小盞。日三服。血即止。

熱病毒氣入眼。赤痛生翳。不見光。明者。大黃梔子湯。

生大黃壹兩 升麻半兩 瞿麥 甘草各壹分 梔子柒個

噴咀水二升煎至一升。去滓。溫作四服。以利爲度。難利者。煎藥畢。下朴消二分和服。先煮諸藥至一升半。乃下大黃。大黃先以水漬和水下之。則折熱易利。

治毒病入眼。忽生赤翳。或白或腫。膚起或赤痛。不得視光明。入心肝。或眼浮腫。如吹汁出。生膜覆珠子。或內障不見物。良由病後不慎。酒麪炙煇五辛所致。宜服此類利之。秦皮大黃湯。

秦皮 柴胡 常山 黃芩 升麻

芍藥 白斂 枳實 甘草各半兩 大黃壹分

噴咀水。秦升黃貳升。下大黃再煎一升半。去滓。食後溫飲一盞。熱盛者加焙消半兩。湯成後下。化勻服。未差更作。可至五七劑。

又方。瀉眼湯。斑豆瘡不宜用。

秦皮 升麻 黃連各半兩

細剉水二升煎至一升。綿包筴頭攪湯。滴入眼中。頻頻用之。

下部醫瘡雄黃散

雄黃

青箱子

苦參

黃連各參分

桃人壹分

爲散以艾汁和丸棗核大綿包內下部薦蓄汁更佳。冬月無艾濃煎艾汁和爲丸更以米飲調下貳錢溫飲之日二服。

治醫瘡青黛丸

青黛

丁香

黃連等分

細末甘淀和丸棗核大口中有瘡含之咽汁若下部有瘡綿裹內下部日含化五六十九差。牽馬丸治天行四五日下部生瘡醫所不能治此方主之。

附子壹分

藜蘆

桂枝

巴豆各半兩去皮心炒黑

細末別研巴豆加蜜杵丸梧桐子大塞心熱水下二丸未知加三丸熱在鬲上不下飲熱湯半升投吐之下部腫自差神良。

天行口瘡黃藥升麻湯

黃藥

升麻

甘草生各半兩

噉咀水一升半煮半升入地黃汁一合煎半升分二服細呷之。

又方薔薇飲子

薔薇莖葉切一升冬用根皮

水三升煮半升溫溫漬之去涎喉咽有瘡者嘔汁少許為佳

又方黃蘗飲子

黃蘗薄切小片蜜漬一宿嘔藥汁漬瘡

又方五倍子散

五倍子炒為末傅之涎出吐去以差為度

傷寒喉中痛閉塞不通射干煎

生射干 豬脂各半斤

合煎令射干色微焦去滓取壹棗大綿裹含稍稍嚥之

治喉咽痛塞鵬砂散

鵬砂

殭蠶

牙消

白礬

甘草

雄黃各壹分

硃砂半分

草烏頭尖肆箇

細末米飲調一錢細細呷之

古方黑龍煎治咽喉腫痛九種疾。

人參半兩

甘草壹兩

無灰酒壹升

不艸皂角肆拾條

水三斗浸皂角一宿淨鑊內煎令水減半次下人參甘草細切又同煎三分耗二布絞去滓下酒更入釜煤一匕半攪煎如錫稀入瓷合內埋地中一宿若用時取一九如雞頭大蓋中以溫酒一呷化之先以水漱口以鵝毛點藥入喉中掃之有惡涎或自出或下腹可兩三度引藥方歇良久令吐候惡物出盡了令喫少許水浸蒸餅及軟飯粥壓之次合甘草一寸嚥汁忌炙博胡餅豬肉淹藏等物如木舌難下藥以匙按舌用藥掃喉中

九般名

急喉閉

纏喉風

結喉

爛喉

重舌

木舌

遁蟲

艸膜

飛系入喉

元祐五年自春至夏秋斬黃二郡人患急喉閉十死八九速者半日一日而死黃州潘推官昌言親族中亦死數口後得黑龍膏救活者數十人

龐曰急切亦不候合此膏用古方以意處之但得不艸皂角一兩條槌碎水三升半浸少時揉汁去滓下甘草一分人參一分同煎作稀膏勿令太稠乃下後藥

霜梅上白鹽 硃砂 焙消各等分

三味生研用前膏斟酌和勻可以掃得為度。每以鵝毛搵少許。如前法掃喉中甚効。其將息次第亦如前法。此膏得力尤速。若日久膏乾。以甘草水化之。病差後胸喉外生瘡勿疑。無鹽梅以白鹽代。

天行手足腫疼痛欲脫者。濃煎虎杖汁漬之。

天行後毒氣手足腫痛欲脫。必作癰膿。升麻大黃湯。

升麻 木通 白斂各叁分 黃芩 芍藥各壹兩

甘草半兩 大黃壹兩半

咬咀。水差升煮二升半。下大黃煮一升半。溫溫飲一盞。利下為度。

傷寒勞復證

病新差後。氣血津液衰耗。慎勿為諸勞動事。凡言語思慮。勞神梳沐。澡類勞力。則生熱而復病如初也。又新差後精髓枯燥。切不可為房事。犯房事勞復必死。魏督郵顧子獻病差後。華敷囑之。慎勿為勞事。餘勞尚可。女勞即死。此是女勞。復非陰陽易也。素問云。病熱而有所遺者。是新差後腸胃尚弱。若多食則難消化。而復病如初也。此是食復新差。強人足兩月。虛弱人足百日。則無復病矣。天行勞復頭痛。四肢疼。葱豉湯。

葱白 鼓 半升

水二升半煎葱爛去滓入雄鼠屎三七枚末之和勻分再服未差更作

天行勞復作熱且至晚則腰背痛頭項強重葛根薑鼓湯

芍藥 生薑 各壹兩 鼓 葱白 各貳合 葛根 貳兩

咬咀水三升煎二升下鼓煎一升半去滓溫飲一盞

大病差後勞復枳實梔子湯

枳實 壹分 肥梔子 拾貳個 香鼓 半升

漿水三升煮枳實梔子至二升下鼓煮一升半去滓溫飲一盞溫覆微汗食復者加大黃棗子六七枚

同煎服之愈

療傷寒已差勞復如初脈浮無汗者桂枝梔子湯 自汗者去麻黃

梔子 拾貳個 鼓 半升 桂枝 麻黃 各壹兩

咬咀水三升煎至二升下鼓取一升半去滓溫飲一盞溫覆取小汗差

療傷寒勞復如初自汗出者脈浮滑煩躁甚宜此方

梔子石膏香鼓湯

梔子拾陸個 石膏肆兩 香豉壹兩綿裹

水三升先煮二味至二升半下豉煮取一升半去滓溫飲一盞一法湯成入雄鼠矢二七枚末良

病未平復後勞動致熱氣攻胸手足拘急搖擗如中風狀瓜藹湯

瓜藹根肆兩無黃厥者 淡竹茹半斤

水三升煮一升二合去滓日二三服溫與之

婦人病未平復因夫所動小腹痛腰膝疼四肢不任舉動無熱證者附子黃耆湯

白朮 當歸 桂枝 附子 甘草 芍藥

人參各半兩 黃耆叁分 生薑壹兩半

咬咀水四升煮至一升半去滓通口服一盞食久再服溫覆取小汗

男子勞房成復病鼠屎湯

薤根壹升 猥鼠屎貳拾壹個爲末矢頭尖硬者是即牡鼠也

水三升半煮薤根至一升半去滓下鼠屎末再煎三沸溫飲一盞相次三服衣覆必有黏汗爲効未

汗再作一劑兼治陰陽易神驗

男子房勞復發熱口噤臨死舌出數寸又始得病百節痛如被打渾身沉重恍惚失措脈促而絕不可治

或有吐涎不止。或有譫妄煩亂者。皆不可治。

天行差後。勞復發熱。嘔吐食不下。蘆根湯。

蘆根 半升

生薑 貳兩

橘皮

枇杷葉 各壹兩

呪咀。水三升。煮一升半。去滓。溫飲一盞。大故心煩躁。加石膏貳兩。加水一升。煮二升。

陰陽易證

陰陽易病者。陰陽相感動。其毒氣着人如換易也。男子病新差。女子與之交。女子得病名曰陽易。女子病新差。男子與之交。男子得病名曰陰易。若二男二女則不相易。然女犯男得病。鮮有死者。男犯女得病。救稍緩。則十無一人得生者。若女犯男。男自發勞復。則女不病。男犯女。女自發勞復。則男得病亦輕。富貴之家。雖知其事。後生輕於自恣。犯之多致不救。田野之人。蒙蒙昧昧。只知傷寒能死人。因此病死者。十有三四矣。皆不知其所犯之由。深可傷也。男子。女人。陰陽易病。其狀身體疼痛。熱上衝胸。頭重不能舉。眼內生眵。四肢拘急。小腹絞痛。手足拳則皆死。其亦有不即死者。若小腹裏急。熱上衝胸。頭重不欲舉。百節解離。經脈緩弱。血氣虛。骨髓竭。便吸吸。氣力轉少。着牀不得動。起止仰人引。歲月死。宜此方。足甲棍灰散。

取交接婦人手足甲二十枚。棍近隱處一尺。同灰燒。或米飲。調下二錢。日三服。陰頭微腫。小便利。為愈。若未愈。灸陰頭一百壯。便差。陰頭在毛際間。提陰向上。當頭是穴。

女子陽易則取男子手足爪甲棍近隱處。如前燒服之。可灸毛際橫空上。中央曲骨。一穴百壯。
男子陰易如前法灸。若陰卵縮未下。灸足大拇指旋毛上。小炷七壯。是大敦二穴。男女初得陰陽易病。便服薤根鼠矢湯。出汗有驗。

傷寒口乾喜唾方

大棗肆拾枚。煮
去皮尖。

烏梅肥者拾個
去核爲末。

右以棗肉和爲丸。含化自然汗。

傷寒總病論卷四

暑病論

素問載五種暑病

時行寒疫治法

斑豆方論

暑病論

龐曰。冬傷於寒。夏至後至三伏中。變為暑病。其熱重於溫也。有如傷寒而三陰三陽傳者。有不依次第傳。如見五藏熱證者。各隨證治之。

暑病表證

暑病代桂枝并葛根證。

桂枝

芍藥

知母

生薑各壹兩

甘草壹兩

黃芩壹兩

葛根貳兩

棗拾陸枚

咬咀。水六升。煮取三升。通口服一盞。相次取汗。

暑病代麻黃證。

桂枝 杏仁

知母 各壹兩。

麻黃 參兩

甘草

黃芩 各壹兩。

煎如前法。

暑病代青龍湯證。

麻黃 貳兩

石膏 叁兩

知母

桂枝

甘草 各壹兩。

杏仁 叁拾枚。

生薑 壹兩半。

棗 拾陸個。

如前煎服。

暑病代葛根麻黃證。

葛根 貳兩

麻黃 壹兩半。

桂枝

甘草

知母

黃芩

芍藥 各壹兩。

生薑 壹兩半。

棗 拾陸枚。

如前煎服。

暑病三日至七日。不歇內熱。令人更相染。大青消毒湯。

大青

芒消 各貳兩。

山梔子 壹兩

石膏 肆兩

豉 半升

濕地黃 半升

咬咀水七升。羹取三升。去滓。下芒。消化之。溫服一盞。以熱除爲度。

暑病通用白虎。一如傷寒與喝證用之。方在厥陰證中。

暑病通用麥奴丸。方在雜汗證中。

暑病若吐下後。別見形證。一如傷寒門治之。

暑病噦逆發斑瘡豆壞候。一如溫病門治之。已上四條先所論。

預防熱病急黃。賊風葛粉散。

葛粉貳升

生乾地黃壹升

香豉半升

細末。食後服方寸匕。牛乳蜜湯竹瀝米飲烏梅湯任性調下。日三服。有病者日五服。

素問載五種暑病

肝熱病者先左頰赤。肺熱病者先右頰赤。心熱病者顏先赤。頰也。額也。腎熱病者頤先赤。頤也。頰也。脾熱病者

鼻先赤。土主中矣。病雖未發。見赤色刺之。名曰治未病。

肝熱病者先小便黃。腹痛多臥。身熱熱爭則狂言及驚。脊滿痛。手足躁。不得安臥。庚辛甚。甲乙大汗。氣逆。則庚辛死。刺足厥陰少陽。其逆則頭痛員員。脈引衝頭也。

心熱病者先不樂。數日乃熱。熱爭則卒心痛。煩悶喜嘔。頭痛面赤無汗。壬癸甚。丙丁大汗。氣逆則壬癸死。

刺手少陰太陽。

脾熱病者先頭重。頰痛心煩。顏青欲嘔。身熱。熱爭則腰痛。不可俛仰。腹滿泄。兩頰痛。甲乙甚。戊己大汗。氣逆則甲乙死。刺足太陰陽明。

肺熱病者洗淅然。厥起毫毛。惡風寒。舌上黃。身熱。熱爭則喘咳。痛起走胸膺背。不得太息。頭痛不任。汗出而惡寒。丙丁甚。庚辛大汗。氣逆則丙丁死。刺手太陰陽明。出血如豆大立已。

腎熱病者先腰痛。脘痠。苦渴。數飲水。身熱。熱爭則項痛。員澹澹然。戊己甚。壬癸大汗。氣逆則戊己死。刺足少陰太陽。諸汗者至其所勝日汗出也。

龐曰。五種熱病。肝腎二藏有逆證。心脾肺三藏亡逆證。凡五種熱病。二三日逢剋未爲逆。忌在五六日也。
時行寒疫論

病源載從立春節後。其中無暴大寒。又不冰雪。而人有壯熱病者。此屬春時陽氣。發於冬時。伏寒變爲溫病也。從春分以後至秋分節前。天有暴寒。皆爲時行寒疫也。三月四月。或有暴寒。其時陽氣尙弱。爲寒所折。病熱猶輕。五月六月。陽氣已盛。爲寒所折。病熱則重。七月八月。陽氣已衰。爲寒所折。病熱亦微。其病與溫病暑病相似。但治有殊耳。其治法初用摩膏火灸。唯二日法針。用崔文行解散。汗出愈。不解。三日復發汗。若大汗而愈。不解者。勿復發汗也。四日服藜蘆丸。微吐愈。若病困。藜蘆丸不吐者。服赤小豆芡蒂散吐。

之已解視病尙未了者復一法針之當解不解者六日熱已入胃乃與雞子湯下之愈無不如意但當諦視節度與病耳食不消病亦如時行俱發熱頭痛食病當速下之時病當待六七日時病始得一日在皮二日在膚三日在肌四日在胸五日入胃入胃乃可下也熱在胃外而下之熱乘虛入胃然要當復下之不得下多致胃爛發斑微者赤斑出五死一生劇者黑斑出十死一生人有強弱相倍也病者過日不以時下之熱不得泄亦胃爛斑出矣若得病無熱但狂言煩躁不安精神言語不與人相主當者治法在可水五苓散證中

此巢氏載治時行寒疫之法焉。溫病暑病相似。但治有殊者。據溫病無糜腎火矣。又有冬溫。瘧豆。更有四時藏府陰陽毒。又夏至後有五種熱病。時令盛暑。用藥稍寒。故治有殊也。

時行寒疫治法

初得時行赤色頭痛項強兼治賊風走疰寒痺趙泉黃膏

大黃

附子

細辛

川椒

乾薑

桂枝各壹兩

巴豆伍拾粒

咬咀苦酒漬一宿以臍月豬管一斤煎調火三上三下去滓收之傷寒赤色熱酒調服梧桐子大一枚又以火摩身數百遍兼治賊風最良風走肌膚追風所在摩之神効千金不傳

崔文行解散時氣不和傷寒發熱

桔梗炒

細辛各肆兩

白朮捌兩

烏頭炮壹斤

細末傷寒服一錢五銖匕。不覺復小增之。以知為度。若時氣不和。且服一錢五銖匕。辟惡欲省病。一服了去。此時行寒疫通用之。無病者預服以辟寒為佳。皆酒調下。

藜蘆散溫辟溫疫傷寒。

藜蘆

躑躅

乾薑

牡丹皮

皂角

各肆分。

細辛

附子

桂枝

朱砂

各壹分。

末之。絳囊帶一方寸匕。男左女右。臂上着之。覺有病之時。更以粟米大內鼻中。酒服一錢匕。覆取汗。日再當取一汗耳。

赤小豆瓜蒂散在厥陰證中。

雞子湯治熱盛狂語欲走。

生雞子

柒枚。

芒消

壹兩。

井花水一大升。同攪千遍。去沫。頻服之。快利為度。

豬苓散即傷寒門五苓散也。在可水證中。

已上五方。戴集氏治時行寒疫合用之方。

龐曰。糜膏火炙可行於西北二方。餘處難施。莫若初服解散赤散之類。如轉發熱而表不解。乃行後四方為佳。天行壯熱煩悶無汗者。麻黃葛根湯。

麻黃·伍兩
葛根·四兩

龕末·每服五錢·水二盞·梔子二箇·葱白五寸·鼓一撮·煎八分·去滓·沫温温相次四五服·取汗·止後服。

天行一二日·麻黃湯·自汗者去麻黃
加葛根二兩

麻黃·貳兩
石膏·壹兩
貝齒·五箇·無
升麻

甘草
芍藥·各壹兩
杏仁·肆拾箇

龕末·每服五錢·水二盞·煎八分·温服·取汗·止後服。

葛根解肌湯·汗後表不解·宜服此·自汗者去麻黃

葛根·肆兩
麻黃
芍藥
大青
甘草

黃芩
桂枝·各貳兩
石膏·叁兩

煎如前法。

詔書發汗白薇散·治時氣二三日不解。

白薇·貳分
杏仁·叁分
貝母·叁分
麻黃·柒分

細末·酒調下方寸匕·相次二三服·温覆汗出愈·湯調亦得。

聖散子方·此方蘇子瞻尙書所傳·有序文

昔嘗覽千金方三建散於病無所不治而孫思邈特爲著論以謂此方用藥節度不近人情至於救急其驗特異乃知神物効靈不拘常制至理開感智不能知今予所得聖散子殆此類也歟自古論病唯傷寒至危急表裏虛實日數證候應汗應下之法差之毫釐輒至不救而用聖散子者一切不問陰陽二感或男女相易狀至危篤者連飲數劑則汗出氣通飲食漸進神宇完復更不用諸藥連服取差其餘輕者心額微汗正爾無恙藥性小熱而陽毒發狂之類入口即覺清涼此殆不可以常理詰也時疫流行平旦輒煮一釜不問老少良賤各飲一大盞則時氣不入其門平居無病能空腹一服則飲食快美百疾不生真濟世衛家之寶也其方不知所從來而故人巢君穀世寶之以治此疾百不失一二余既得之謫居黃州連歲大疫所全活至不可數巢君初甚惜此方指江水爲盟約不傳人余竊隘之乃以傳蘄水人龐君安常龐以醫聞於世又善著書故以授之且使巢君之名與此方同不朽也其用藥如右

肉豆蔻 拾箇

木豬苓

石菖蒲

茯苓

高良薑

獨活

柴胡

吳茱萸

附子 炮

麻黃

厚朴 薑炙

藜蘆

芍藥

枳殼 麸炒

白朮

澤瀉

藿香

吳朮

蜀人謂著朮之白者爲白朮蓋茅朮也而謂今之白朮爲吳朮

防風

細辛

半夏

蓋汁製各半兩 甘草 薑兩

劉焯作黃散。每服七銖。水一盞半。煎至八分。去滓熱服。餘滓兩服。合爲一服。重煎。皆空心服。

治時氣傷寒。頭痛身熱。腰背強引頸。及中風口噤。治瘧不絕。婦人產中風寒。經氣腹大。華佗赤散方。

丹砂貳分

蜀椒

蜀漆

乾薑

細辛

黃芩

防己

桂枝

茯苓

人參

沙參

桔梗

女萎

烏頭

常山各叁分

雄黃

吳茱萸各伍分

麻黃

代赭各拾分

除細辛丹砂乾薑雄黃桂外。皆熬治作散。酒服方寸匕。日二。耐藥者二匕。覆令汗出。治瘧先發一時。服藥二匕半。以意消息之。

烏頭赤散治天行疫氣病。

烏頭隨分

皂角

雄黃

細辛

桔梗

大黃各壹兩

細末。清酒或井花水服。一刀圭。日二。不知稍增。以知爲度。除時氣不和。一日進一服。牛馬六畜。中天行瘧。亦以方寸匕。人始得病。一日時服一刀圭。取兩豆許。內鼻孔中。

斑豆瘡論

龐曰。天行豌豆瘡。自漢魏以前。經方家不載。或云建武中南陽征虜所得。仍呼爲虜瘡。其後名醫雖載發。

斑候。是發汗吐下後。熱毒不散。表虛裏實。熱氣燥於外。故身體發斑。又說豌豆疱疹。表虛裏實。一如發斑之理。別云。熱毒內盛。攻於藏府。餘氣流於肌肉。遂於皮膚毛孔中。結成此瘡。既是裏實。熱毒內盛。則未發及欲發瘡斑。未見皆宜下之也。瘡已差。則再下之。此病有二種。一則發斑。俗謂之麻子。其毒稍輕。二則豌豆。其毒最重。多是冬溫所變。凡覺冬間有非節之暖。瘡毒未發。卽如法下之。次第服預防之藥。則毒氣內消。不復作矣。有不因冬暖四時自行者。亦如法下之。古方雖有治法。而不詳備。疑當時毒熱未甚。鮮有死者耶。近世此疾。歲歲未嘗無也。甚者天枉十有五六。雖則毒氣內壞不治。因醫爲咎。又大半矣。若身疹壯熱頭痛。不與小汗。何由衰散。大腑久祕。毒攻腰脅。或心腹脹滿。不與微利。何由釋去。故當消息汗下。然則寒藥固不當行。溫藥反增熱毒。若熱勢大盛。脈候洪數。涼性之藥。不阻表裏氣。亦可通用。若寒氣阻礙。脈候浮遲。則溫性之藥。不阻表裏氣者。可冀冰釋云。不可汗下寒熱之藥。只可紫草一味者。乃滯隔之流。祗是遭逢輕疾。以自差爲功。若值重病。則拱手待斃矣。世有權貴。自信不任人拘忌。冷熱汗下。病或不救。則責醫謬誤。斯又可爲傷歎。夫調瑟者必當移柱。故用古方。附以愚見爲斑豆方。以小兒多染此患。故專用小湯劑。大人可倍用之。

溫病發斑治法 小兒證附

冬月觸冒寒毒者。至春始發病。病初至表。或已發汗吐下。而表證未罷。毒氣不散。故發斑瘡。又冬月天氣

温煖人感乖候之氣未即發病。至春又被積寒所折。毒氣不得泄。至夏遇熱。其春寒已解。冬温毒始發出於肌膚。斑爛隱疹如錦文也。

治温毒發斑大疫難救。兼治豌豆瘡不出。地黄膏。

濕地黄肆兩 好鼓半升

以豬膏一斤和勻。露一宿。煎五七沸。令三分去一。絞去滓。下雄黃末一錢匕。麝香末半錢匕。攪勻。稍盡飲之。毒從皮中出則愈。小兒斟酌服。

冬温未即發病。至春被積寒所折不得發。至夏得熱。其春寒解。冬温毒始發於肌中。斑爛隱疹如錦紋。而欸悶嘔吐清水。宜服黃芩麻黃湯。

葛根 橘皮 杏仁生 麻黃 知母

黃芩 甘草各半兩

咬咀。水二升。煮八合。去滓。温温分減服之。嘔吐先定。便宜消息。不嘔者去橘皮。

肺府藏熱。暴發氣斑。不可作 香鼓石膏湯。

香鼓貳合 葱鬚壹兩 石膏貳兩 梔子叁叁

生薑貳兩 大青 升麻 芒消各三分

咬咀水三升煮取一升三合去滓下芒消温温分減服。

温病發斑赤斑者五死一生黑斑者十死一生大疫難救黑奴丸主之。方在雜汗證中。

冬温至夏發斑欬而心悶嘔清汁眼赤口瘡下部亦生瘡或自下利黃連湯。

黃連壹兩

橘皮

杏仁數炒

枳實

麻黃

葛根

厚朴

甘草各壹分

咬咀水三升煮一升二合去滓温温分減服下利先止別當消息小兒斟酌。

天行發斑瘡須臾徧身皆戴白漿此惡毒云永徽四年此瘡自西域東流于海內但煮葵菜蒜薑啖之則

止鮮羊血入口即定初患急食之作菜下飯亦得。

小兒時行瘡豆恐相傳染先服漏蘆湯下之本治熱毒癰疽赤白諸丹熱毒瘡癩。以下皆是小兒湯劑。

漏蘆葉無以山梔子代之。

連翹

白欬

甘草

芒消各壹分

升麻 枳實

麻黃

黃芩各壹分半

大黃肆分

咬咀水二升煮一升半下大黃煮一升去滓下芒消分減服以利爲度大人服可倍作。大黃水浸少時和水下之。

龐曰凡覺冬温至春夏必發斑豆小兒輩須服漏蘆湯下之得下後逐日空心飲甘草汁三歲以上一盞

兒小減之直候腹疼乃止未疼可飲至十日則永不發或下後飲羊血一盞則不發。

治時行豌豆瘡樺皮飲子

樺皮二兩細切。水一升。煮至半升。去滓。飲汁。分減服。

龐曰。初得病。便驚狂不眠。渾身熱。然汗出。問之。身不憎寒。亦不惡風。其脈如數。以漏蘆湯下之。不甚數者。以大承氣湯下之。非但瘡豆傷寒亦然。

治豆瘡毒氣不出。煩悶。熱毒氣攻腰。或腹脇痛不可忍。大便不通。五香湯主之。

麝香半分

木香

丁香

沉香

乳香各壹分

芍藥

枳實

射干

連翹

黃芩

麻黃

升麻

甘草各半兩

大黃壹兩

蠶末。每服四錢。水一盞。竹瀝半盞。煎八分。去滓。下朴消一錢。匕和服。以利爲度。

天行熱氣生瘡。身痛壯熱。水解散。

麻黃壹兩

黃芩

桂枝

甘草各半兩

細末。煖水調下二錢。匕。小兒一錢。覆令小汗。熱氣在表。已發汗未解。或吐下後。熱毒不散。煩躁謬語。

此爲表虛裏實。熱氣躁於外。故身體發斑如錦紋。或不因汗下。始得病。一二日便發。皆由溫疫熱毒氣使然也。甚則發豌豆瘡。其色白或赤。發於皮膚。頭作漿。戴白濃者。其毒則輕。有紫黑色作根。隱隱。

在肌肉裏其毒則重十死一生甚者五內七竅皆有瘡形如豌豆故以名焉脈洪數者是其候也

天行熱毒未解欲生豌豆發熱疼痛宜服解肌出汗葛根石膏湯

葛根 麻黃 各壹兩 石膏 貳兩 黃芩 芍藥

桂枝 甘草 各半兩

蠶末每服四錢水一盞半煎八分溫服取小汗 自汗者去麻黃

斑豆始有白疱忽搐入腹漸作紫黑色無膿日夜叫煩亂者鬱金散

鬱金一枚 甘草壹分 水半碗 煮乾 去甘草 片切 焙乾爲細末 真腦子 炒 半錢

同研每一錢匕以生豬血五七滴新汲水調下不過二服甚者毒氣從手足心出如癰狀乃差此是

五死一生候也

此患小便澀有血者中壞也瘡黑厭無膿十死不治斑豆煩喘小便利鼈甲湯

燈心 壹把 鼈甲 貳兩

水一升半煎六合去滓溫分作二服

斑豆定煩喘淡竹瀝飲子

淡竹瀝

煖飲之。煩喘自汗。瘡不作黑。醫可治。

定煩喘麻黃甘草湯。

麻黃 杏仁 桑白皮 甘草各壹分

咬咀。水一升。煎四合。放溫分減服。若脈數有熱。以竹瀝代水。一半煎之。嗽或喉痛。加射干一分。

斑豆瘡出不快。紅花湯。

紅花子壹合。搗碎。

水半升。煎百沸。去滓。分減服之。

斑豆服涼藥太過。欬嗽。手足冷。脈遲。甘草乾薑湯。

乾薑半兩 甘草壹兩

咬咀。水一升半。煎六合。分作二服。

常行瘡豆。紫草湯最良。患其服之。太少不能中病。但多槌切好紫草。服。以湯沃之。用物合定。候溫去滓。分減服。每紫草半升。用湯一升為準也。

斑豆已出不可正爾發表。更增斑爛。以表虛故也。

豌豆瘡欲出。甘草湯。

甘草肆兩

細到水二升煎一升去滓分減溫服覺腹中微利即止。

油飲子 飲清油一升即不生。

豌豆斑瘡不快表裏不解煩喘大便祕氣攻腹滿犀角升麻湯。

麻黃壹分半

木香

犀角

升麻

芍藥

甘草

杏仁

枳實

雄黃各壹分

大黃中兩

麝香壹錢

咬咀水二升煎一升半下大黃再煎一升去滓下雄麝末沸勻分作三服以大便通為度。

瘡已出定方

芒硝 豬膽

和研勻塗之勿動痂落無瘢仍臥黃土末上良。

天行瘡豆預服此則不發三豆飲子。

赤小豆

黑豆

菘豆各壹升

甘草壹兩

淨淘水八升煮熟逐日空心任性食豆飲汁七日永不發。


瘡豆發斑下利赤黃或膿血遍身發熱梔子薤豉湯。

好豉半升

薤白貳兩

肥梔子拾陸枚

水二升半。煮梔子。薤白。將爛。下豉。再煮十數沸。去滓。分減服。解下惡物差。



傷寒總病論卷五

天行溫病論

辟溫疫論

青筋牽論

赤脈攢證

黃肉隨證

白氣狸證

黑骨溫證

溫病噦方論

黃病

傷寒感異氣

成溫病變候及瘧證

敗壞別行方

小兒傷寒

天行溫病論

龐曰。辛苦之人。春夏多溫熱者。皆由冬時觸冒寒毒所致。自春及夏至前。爲溫病者。素問仲景所謂傷寒也。有冬時傷非節之暖。名曰冬溫之毒。與傷寒大異。即時發病溫者。乃天行之病耳。其冬月溫暖之時。人感乖候之氣。未卽發病。至春或被積寒所折。毒氣不得泄。至天氣暄熱。溫毒乃發。則肌肉斑爛也。又四時自受乖氣。而成府藏陰陽溫毒者。則春有青筋牽。夏有赤脈攢。秋有白氣狸。冬有黑骨溫。四季有黃肉。隨治亦別有法。難經載五種傷寒。言溫病之脈行在諸經。不知何經之動。隨經所在而取之。中風木傷寒金

熱病火濕溫水溫病土治之者各取其所屬據難經溫病本是四種傷寒感異氣而變成溫病也土無正形因火而名故以溫次熱也土寄在四維故附金木水火而變病所以王叔和云陽脈浮滑陰脈濡弱更遇於風熱變成風溫陽脈洪數陰脈實大更遇其熱變成溫毒溫毒為病最重也陽脈濡弱陰脈弦緊更遇濕氣變為濕溫脈陰陽俱盛重感於寒變成溫瘧斯乃同病異名同脈異經者也故風溫取足厥陰木手少陰火溫毒專取手少陰火溫瘧取手太陰金濕溫取足少陰水手少陰火故云隨經所在而取之也天行之病大則流毒天下次則一方次則一鄉次則偏着一家悉由氣運鬱發有勝有伏遷正退位或有先後天地九室相形故令升之不前降之不下則天地不交萬化不安必偏有宮分受斯害氣莊子所謂運動之泄者也且人命有遭逢時有否泰故能偏着一家天地有斯害氣還以天地所生之物以防備之命曰賢人知方矣

辟溫疫論

療疫氣令人不相染及辟溫病傷寒屠蘇酒通俗文曰屋平日屠蘇廣雅云屠蘇瘧也然屠蘇平而處園所以聚會以禦寒故正旦會飲辟溫酒而以屠蘇為名也今人寒月廳事下作版閣是也尊貴之家閣中施羽帳錦幃

大黃 桂枝 桔梗 川椒各拾伍 白朮拾銖

烏頭

菝葜

防風

各銖

辟温粉

咬咀縫囊盛。以十二月晦日早懸沉井中。至泥正旦平曉出藥置酒中。屠蘇之東向戶飲之。屠蘇之飲先從小起。多少自在。一人飲一家無病。一家飲一里無恙。飲藥酒三朝還置井中。若能歲歲飲。可代代無病。當家內外井皆悉著藥。辟温氣也。忌豬肉生葱桃李雀肉等。

芎 朮 白芷 藁本 蒼陵香等分

爲末。每壹兩半入英粉肆兩和勻。常撲身上。無英粉蚌粉亦可。凡出汗太多欲止汗宜此法。入温家令不相染。研雄黃并噎法。

水研光明雄黃以筆濃蘸塗鼻竅中。則疫氣不能入。與病人同床亦不相染。五更初洗面後及臨時點之。凡温疫之家。自生臭穢之氣。人聞其氣。卽時以紙筋探鼻中。噎之爲佳。不爾。邪氣入上元宮。遂散百脈而成斯病也。以雄黃點之。則自不聞其氣。并辟諸惡怪夢。神良。

常以雞鳴時存心念四海神名三七遍。辟百邪惡鬼。令人不病温。

東海神阿明 南海神祝融

西海神巨乘 北海神禺強

每入病人室。存心念三遍。口勿誦。

古今名賢傳許季山所撰千數散辟溫疫惡疾不相染着

附子壹個 薑壹分者 細辛 乾薑 麻子 柏實各壹分

細末和入柏實麻子令勻酒服方寸匕服藥一日十年不病二日二十年不病三日三十年不病受師法保應三日服之歲多疫則預服之不飲酒并花水服亦得忌豬肉生菜

辟溫殺鬼丸薰百鬼惡氣

雄黃 雌黃各貳兩 羖羊角 虎頭骨各柒兩

龍骨 鼈甲 陵鯉甲 蝟皮各叁兩

樗鷄拾伍枚無以 空青壹兩無以石綠代 川芎

真朱砂兩各伍 東門上鷄頭壹枚

細末以蠟貳拾兩併丸鷄頭大正旦門前燒壹丸男左女右臂上帶一丸辟百惡獨弔喪間死吞下壹丸小豆大天陰大霧燒壹丸於門牖前極佳

務成子螢火丸主辟疾病惡氣百鬼虎狼蛇虺蜂蠶諸毒

五兵白刃盜賊凶害者冠軍將軍武威太守劉子南從尹公受得此方永平十二年於虜界交戰敗績士卒掠盡子南被圍矢如雨未至子南馬數尺矢輒墮地虜以為神人各解圍而去子南以方教

子及諸兄弟爲將者。皆未嘗被傷。累世祕之。漢末青牛道士得之。以傳安定皇甫隆。隆傳魏武帝。乃有人得之。故一名冠軍丸。一名武威丸。會試此法。一家五十餘口俱染病。唯四人帶者不染。

螢火

鬼箭削取皮

蕪菜各壹兩

雄黃

雌黃

礬石

各貳兩

羶羊角

鍛竈灰

鐵錘柄

入鐵處燒痛。各壹兩半。

爲末。以鷄子黃丹雄鷄冠一具和之。如杏子大。作三角絳囊。盛住丸帶左辟。若從軍繫腰下。勿離身。若在家掛戶之上。辟絕賊盜溫疫神良。

劉根別傳曰。潁川太守到官。民大疫。掾吏死者過半。夫人郎君悉病。府君從根求消除疫氣之術。根曰。寅

歲泄氣在亥。今年太歲在寅。於聽事之亥地。穿地深叁尺。與深同。取沙叁斛。着中以淳酒叁升沃其

上。府君從之。病者即愈。疫氣遂絕。於聽事取太歲。六合之地也。

青筋牽證

春三月青筋牽證。其源自少陰。少陽從少陰而涉足少陽。少陽之氣始發。少陰之氣始衰。陰陽怫鬱於腠

裏。皮毛之間。因生表裏之病。因從足少陽發動及少陰。則藏府受癘而生其病。

肝府藏陰毒氣病。頸背雙筋牽急。先寒後熱。其病相反。若府虛爲陰邪所傷者。則腰強急。腳縮不伸。府

中欲折。眼中生花。此法主之。不可作。煮散。

柴胡地黃湯

柴胡貳兩

生地黃伍合

香豉伍合

生薑

石膏各肆兩

桂枝半兩

大青

白朮

芒硝

梔子人各壹兩

咬咀水七升煎三升去滓下芒硝溫飲一盞日三四服未差再作

肝府藏陰陽溫毒病頸背牽急先寒後熱其病相反若藏實則為陽毒所損眼黃頸背強直若欲轉動即

合身回側不可作

石膏竹葉湯

淡竹葉貳升

梔子人

黃芩

升麻

芒硝各壹兩

細辛

玄參各半兩

石膏肆兩

車前草壹升

咬咀水陸升先下竹葉車前草煮肆升去滓下諸藥煮二升去滓下芒硝化勻溫飲一盞

赤脈攢證

夏三月行赤脈攢病其源自少陰太陽

心府藏陰陽溫毒氣身熱皮肉痛起其病相反若藏實則為陽毒所侵口乾舌破而咽塞若府虛則為陰

邪所傷戰掉不定而驚動不可作煮散石膏地黃湯

石膏

生葛根 各肆兩

麻黃 貳兩

玄參 叁兩

知母 半兩

梔子人

大青

黃芩

芒硝 各壹兩半

濕地黃 半升

咬咀水九升取四升去滓下芒硝烱化勻溫飲一盞日三四服

黃肉隨證

四季月終餘十八日行黃肉隨病其源從太陰陽明相格節氣相移三焦寒濕不調四時關格而起則藏府之病隨時而受癘陽氣外泄陰氣內伏

脾府藏溫毒病陰陽毒氣頭重項直皮肉強其病相反藏實則陽疫所傷蘊而結核起於頸下布熱毒於分肉之中上散入髮際下貫顙顙隱隱而熱不相斷離不可作玄參寒水石湯

羚羊角屑

大青 各壹兩

升麻

射干

芒消 各壹兩半

玄參 肆兩

寒水石 貳兩半

梔子人 貳兩

咬咀水七升煎至三升去滓下芒消烱化勻溫飲一盞日三四服

扁鵲云灸肝脾二臟主治四時隨病

白氣狸證

秋三月行白氣。狸病。其源從太陽繫于太陰。太陰受淫邪之氣。則經絡壅滯。毛皮堅豎。發泄邪氣。則藏府傷溫。隨秋受病。

肺府藏溫病。陰陽毒氣。其病相反。若府虛則陰邪所傷。乍寒乍熱。損肺傷氣。暴嗽嘔逆。不可作宜石膏杏人湯。

石膏肆兩

杏仁

前胡各貳兩

甘草壹兩

梔子人

麻黃

紫苑

桂枝

大青

玄參

葛根各壹兩半

咬咀。水九升。煎四升。溫飲一盞。日三四服。
肺府藏溫病。陰陽毒氣。其病相反。若藏實則為陽毒所損。體熱生斑。氣喘引飲。不可作宜石膏葱白湯。

豉半升

葱白連鬚貳兩

石膏

生薑各肆兩

梔子人

升麻

大青

芒硝各壹兩半

咬咀。水八升。煎三升半。去滓。下芒硝。烱化。勻。溫飲一盞。日三四服。

黑骨溫證

冬三月行黑骨溫病。其源從太陽少陰。相搏蘊積。三焦上下壅塞。陰毒內行。藏府受客邪之氣。則病生矣。腎府藏溫病。陰陽毒氣。其病相反。若府虛則為陰毒所傷。裏熱外寒。意欲守火而引飲。或腰痛欲折。腎府

藏溫病。陰陽毒氣。其病相反。若藏實則爲陽毒所損。胸脇切痛。類如刀刺。心腹彭脹。服冷藥差過而使洞泄。不可作發散。苦參石膏湯。

苦參

生葛各貳兩

石膏

濕地黃各肆兩

梔子人

茵蘗

芒硝各壹兩半

香豉

葱白各半升

咬咀。水八升。煎三升半。去滓。下芒硝。烱化勻。溫飲一盞。日三四服。

扁鵲云。灸脾肝腎三膻。治丹毒黑骨溫之病。

知母解肌湯。療溫熱病。頭痛。骨肉煩疼。口燥心悶。或是夏月天行毒。外寒內熱者。或已下之。餘熱未盡者。或熱病自得利。有虛熱煩渴者。

麻黃

甘草各壹兩

知母

葛根各壹兩半

石膏叁兩

咬咀。水三升。煎一升。去滓。溫飲一盞。若已下及自得利。下虛熱未除者。除麻黃加葛根成三兩。病常自汗者。亦如此法。加葛根。無汗而難得汗者。加麻黃成一兩半。因變泄者。除麻黃加白薇人參各一兩。加水四升。煎至一升半。

溫病瘧方論

伏熱在胃。令人胸滿氣逆。逆則噦。若大下後。胃中虛冷。亦致噦也。

溫病有熱飲水暴冷嘔。茅根葛根湯。

茅根 葛根 各半升。

水四升。煮去半。去滓。溫飲一盞。

溫病熱未除。重被暴寒。寒毒入胃。蘊結不散。變嘔。梓皮飲子。

單煮梓皮汁。稍稍飲之。佳。

溫病積飲冷。冷結胃中。熱入腎中。變壯熱大嘔者。服梓皮湯。夫腎中有熱者。病差後。足心皮喜剝脫去。頭

髮禿落。是其證也。

溫病胃冷變嘔。茅根橘皮湯。

白茅根 半升 橘皮 壹兩 桂枝 葛根 各壹兩。

咬咀。水三升。煎取半。去滓。溫飲一盞。嘔止。停後服。微有熱。減桂半兩。微有熱。宜去桂。加生薑二兩。

溫病有熱飲水暴冷嘔。枇杷茅根湯。

枇杷葉 茅根 各半升。

水四升。煮去半。去滓。稍熱飲之。一二盞。已上四方。皆不可作煮散。

溫病者。此熱入腎。腎藏惡燥。熱盛則腎燥。腎燥故渴。引飲而自救也。

萎蕤湯療冬溫。及春月中風傷寒。發熱頭眩痛。咽乾舌強。胸中痛。心胸痞滿。腰背強。

萎蕤

白薇

麻黃

獨活

大杏仁

生

芎藭

甘草

青木香

葛根

各壹兩

石膏

壹兩半

咬咀。水五升煎二升半。去滓。飲一盞。通口服之。取汗。若一寒一熱者。加朴消半兩。大黃壹兩半。朴消未後下。

黃病證

黃病者。一身盡痛。發熱。面色洞黃。七八日後。結熱裏有血。當下之。如狃肝狀。有血必狂。宜抵黨湯。如黃病自下血。亦有自愈者。其人小腹滿急。若眼睛澁痛。鼻骨疼。兩膊及項強。腰背急。則是黃候。大便澁。但得小便利。則不慮死矣。不用大便多。多則心腹脹為不佳。此由寒濕在表。則熱畜於脾胃。腠理不開。瘕熱與宿穀相搏。鬱蒸不得消散。則大小便不通。故身體面目皆變黃色。黃候其寸口近掌無脈。口鼻氣冷者死。

療諸黃膏髮煎。

亂髮 兩雞子大

豬管 捌兩

二味煎令髮消盡。研絞去滓。分二服。病從小便去。有人再病。胃中乾糞。下便差。

又方

瓜蒂貳拾柒箇。水壹升煎去半。頓服之。

黃疸目黃不除。瓜丁散。

瓜丁細末

含水畜豆許。深入鼻中。黃水出盡爲度。

孫真人曰。凡遇天行熱病。多內熱着黃。但用瓜丁散內鼻中。黃水出乃愈。卽於後不復患病黃矣。常須用心警候病人。四支身面。微似有黃氣。卽速行瓜丁散。不可令散漫。失候必大危矣。特忌酒麪色欲犯者。死。黃家日晡發熱。而反惡寒。此爲女勞。得之勝肌急。小腹滿。身體盡黃。額上反黑。足下熱。因作黑瘡。大便必黑。腹臙脹滿如水狀。大便黑澹者。此女勞之病。非水也。腹滿者難療。消石礬石散。

消石

礬石

等分搗篩。以大麥粥汁和服。方寸匕。日三。重衣覆取汗。病隨大小便去。小便正黃。大便正黑也。大麥則須是無皮麥者。千金方云。消石二分。熬令燥。礬石一分。熬令燥。故注之。

傷寒感異氣成溫病。壞候并瘧證。

病人素傷於風。因復傷於熱。風熱相搏。則發風溫。四肢不收。頭痛身熱。常自汗出。不解。治在少陰厥陰。陰少火。厥陰木。不可發汗。汗出則譫語。內煩擾不得臥。善驚。目光無精。治之復發其汗。如此者醫殺之耳。

風濕之爲病。脈陰陽俱浮。汗出體重。其息必喘。嚶嚶但欲眠。下之則小便難。發汗則讖語。加溫針則耳聾。難言。但吐下之則遺尿。宜萎蕤湯。方在溫病論。因發汗後。身體不惡寒。而反惡熱。無下證者。名曰風濕。知母石膏湯。

知母 壹兩

石膏 壹兩

葛根

萎蕤 各叁分

甘草

黃芩

升麻

人參

杏仁

羌活

防風 各半兩

咬咀。水三升。煎一升半。去滓。溫飲一盞。通口與之。取汗。

病人素傷於寒。因復傷於熱。變成溫瘧。寒多熱少者。華佗赤散主之。在瘧疫治法中。

寒熱相半者。丹砂丸。兼治問日瘧子。

丹砂

人參 各壹錢

附子 壹箇 兩者半

細末。蜜丸。梧桐子。煎竹葉湯。吞下二三十丸。發前三服。中病則吐。或身習習麻木。未中病。加至四十丸。間日發前如法服。中病即止。

丸。間日發前如法服。中病即止。

溫瘧內熱甚。昏昏嚶嚶者。麥奴丸主之。方在可汗門中。

溫瘧其脈如平。身無寒。但熱。骨節煩疼。時嘔。白虎加桂枝湯。

石膏 肆兩

知母 壹兩

甘草 半兩

粳米 壹合

桂枝 叁分

咬咀水三升半煮米熟去米下藥取一升半溫飲一盞。
溫瘧之爲病先熱後寒。

病人嘗傷於濕因而中喝濕熱相搏則發濕溫病苦兩脛逆冷腹滿又胸頭目痛苦妄言治在少陰不可發汗汗出則不能言耳聾不知痛所在身青而色變名曰重喝如此者醫殺之耳。

治濕溫如前證者白虎湯主之。方在傷寒脈陰門中。

濕溫多汗妄言煩渴石膏甘草散。

石膏 甘草 等分

細末漿水調下二錢匕日三服。

龐曰愚醫昧於冷熱之脈見足脛冷多行四逆輩如此醫殺者不可勝計濕溫脈小緊有如傷寒脈但證候有異數進白虎則脛自溫而差也。

病人素傷於寒因復傷於熱變爲溫毒溫毒爲病最重也。

本太陽病不解轉入少陽小柴胡證罷此爲壞證知犯何逆以法治之。

寸口脈洪而大數而滑洪大榮氣長滑數胃氣實榮長即陽盛怫鬱不得出胃實即牢難大便苦乾燥三焦閉塞津液不通醫復發汗令陽氣盛不周復重下之大便遂祕小便不利榮衛相搏五心煩熱兩目如

火鼻乾面赤舌燥齒黃而大渴過經成壞病。巢氏亦載此一候今列入證中經手神效方附。

三黃石膏湯 治如前證。

石膏壹兩 研

黃連

黃藥

黃芩各半 兩

香鼓貳合 半

梔子五箇

麻黃叁分

一咬咀水三升煎取一升分三服未中病再一劑其效如神。

深師方曰傷寒已八九日三焦生熱其脈滑數昏憤身熱沉重拘急或時呻吟欲攻內則沉重拘急由表未解直用汗藥則毒因加劇古方無表裏兼療者思以三黃湯解其內有所增加以解其外故用三黃石膏湯。

論曰傷寒發汗或下或誤後三焦熱脈候洪數譫語不休晝夜喘息鼻中屢衄血而疾勢不解身目如發黃狂躁欲走宜三黃石膏湯。

以上四種溫病王叔和所謂同病異名同脈異經者也風溫與中風脈同溫瘧與傷寒脈同濕溫與中濕脈同溫毒與熱病脈同唯證候異而用藥有殊耳誤作傷寒發汗者十死無一生。

敗壞別行方

天行病經七日已上熱勢彌固大便祕澁心腹痞滿飲食不下精神昏亂恍惚狂言譫語其脈沉細衆狀

之中無一可救。決計附子龍甲湯。不可作
養散。

龍甲

白藜皮

茵陳

兩各半

細辛

桂枝

白朮

吳茱萸

附子

枳實

各壹分

大黃

叁分

生薑

壹兩

咬咀。水三升。煮一升。溫作三服。

傷寒將理失節。服冷藥太多。伏熱在藏。手足厥逆。爪甲稍青。恐陽氣漸衰。成陰毒氣。踟躕之間。變入狐惑。面色斑斑如錦紋。木通桂枝湯。

木通

桂 各壹兩

吳茱萸

細辛

各壹分

甘草 半兩

葱白 鹽豉

棗 玖箇

咬咀。水二升半。煎一升二合。去滓。溫作四服。

傷寒三日至四七日。勞瘡不歇。熱毒不止。乍熱乍寒。乍差乍發。動作如瘡。龍甲恆山湯。

龍甲

恆山

牛膝

各叁分

大青

牡丹

各半兩

石膏 貳兩

烏梅肉

甘草

各壹分

淡竹葉

豉

生麥門冬

生地黃

各貳分

咬咀。水五升。煎二升半。溫飲一盞。

傷寒八九日不差。名曰敗傷寒。諸藥不能治者。鼈甲犀角湯。

鼈甲

升麻

柴胡

烏梅肉

枳實

犀角屑

黃芩

各半兩

甘草

壹分

生地黃

貳合半

咬咀。水三升煎一升。半分五服。日三夜二。

敗傷寒。頭痛。骨肉痛。荒言妄語。醫所不能療者。用前黑奴丸主之。方在雜汗證中。

龐曰。有人患時氣。經六七日。因發狂。遂眼瞪不瞬。手攣臑曲。口噤。或有張口者。冥冥不知人事。口鼻氣絕。但心頭溫。面色和。六脈皆動。一如尸厥。如此不省五六日。因作成敗計。救用風引湯加附子。嚙下兩服。遂省。風引加附子湯。

寒水石

石膏

赤石脂

白石脂

紫石英

滑石 各隨錢

附子 壹箇

龍骨

大黃

乾薑 各肆錢

甘草

牡蠣粉 各貳錢

桂枝 叁錢

麩末。每服三錢。匕水一盞。煎至七分。去滓。溫飲之。

小兒傷寒證

小兒傷寒發熱。自汗多啼。葛根芍藥湯。

葛根 叁分

芍藥

甘草

黃芩

桂枝

各半兩

罌末每服三錢。水一盞煎六分。去滓。溫溫作二服。相次與之。熱盛者。去桂。加升麻半兩。無汗者。加麻黃一兩。喘者。加杏子半兩。

龐曰。小兒傷寒。始因壯熱不除。被湯九下後。其項強眼瞤。弄舌畜溺。如發癩狀。久則哽氣。啼聲不出。醫以爲驚風。屢服朱砂。水銀。牛黃。象粉。巴豆。竹瀝之類。藥皆無驗。此由誤下後。毒氣結在心胸。內熱生涎。涎裹諸藥。不能宣行所致也。蕩涎散。

粉霜 壹錢

膩粉 貳厘

芫花 壹分

細末。煖漿水調下。一歲半錢。病勢大者再服。白色着底者粉霜也。宜盡嚙之。良久得睡。取下黑黃涎。裹包丹砂之類。皆成顆塊。啼聲便出。立安。

龐曰。小兒結胸。亦如前狀。但啼聲出。醫亦多作驚風治之。其脈浮滑。試以指按心下。則痛而啼。宜半夏黃連括樓湯斟酌服。當下黃涎便差。方在結胸門中。

小兒傷寒。蒸起風熱發癩。手足搖掣不省。蛇皮湯。

麻黃

大黃

牡蠣

黃芩 各肆錢

寒水石

白石脂

赤石脂

石膏

紫石英

滑石 各捌錢

人參

桂枝

龍齒各貳錢

甘草叁錢

她退皮壹錢

龕末每肆錢水一盞半煎七分溫分二服熱多者進三服以水并竹瀝中半煎尤佳

小兒傷寒後胃中有熱煩悶不食至日晚潮熱頰赤躁亂嘔吐蘆根湯

生蘆根

生芽根

赤茯苓

子芩

麥門冬

甘草

生薑各壹分

小麥

糯米各貳百粒

細剉水一升二合煎六合去滓分三服立効

小兒傷寒欬嗽胸膈痰壅喉中呀呷聲射干湯

射干

麻黃

紫苑

桂心

半夏各半兩

甘草壹分

龕末每服三錢水一盞半生薑汁少許煎六分去滓入蜜半匕烱化勻溫作二服

又方甜葶蘆湯

甜葶蘆炒

杏仁炒

麻黃各等分

龕末每二錢水一盞煎五分溫溫分減服

小兒傷寒後盜汗體熱咽乾犀角黃耆湯

犀角屑

茯苓

麥門冬

黃耆

人參各半兩

甘草壹分

龐末每三錢水一盞煎五分溫服。

小兒傷寒裏不解發驚妄語狂躁潮熱釣藤大黃湯。

釣藤皮 當歸 甘草炙 芍藥各半兩 大黃叁分

龐末每叁錢水一盞煎陸分溫服以利爲度難利者間茵陳丸服。方在傷寒門中 此方不唯治傷寒常時小兒傷食作驚發癩不乳溫壯噉唾皆可斟酌與服以利爲度。

傷寒總病論卷六

傷寒雜方

傷寒暑病 通用
刺法

熱病死生候

天行差後禁忌

解華佗內外實說

與有位辨傷寒論書

總論會訓

傷寒雜方

冬夏傷寒發汗極効時雨散 冬春及夏初行之大驗

蒼朮 肆兩

甘草

麻黃 兩各貳

豬牙皂角 肆挺

爲末每服二錢水一盞煮三兩沸和滓溫服蓋覆取汗出立効但是時行寒疫皆宜服此可多合以拯貧民

傷寒頭痛玄精石方。

石膏 太陰玄精石各壹兩

麻黃貳兩 甘草半兩

麩末每服四錢水一盞竹葉二七片煎七分去滓溫飲不計時候。

傷寒頭痛不止瓜蒂牙硝散。

藜蘆壹錢 瓜蒂叁錢 牙硝貳錢

腦麩各少許

細末吹少許入鼻得嚏則愈。

時氣八九日喘悶煩躁麻黃杏子湯。

桔梗 麥門冬各壹兩 麻黃壹兩 杏仁

黃芩 甘草各叁分

麩末每五錢水一盞半煎八分溫溫日可四五服。

時氣腦熱頭疼不止朴消散。

川朴消研生油調塗頂上。

時氣豌豆瘡出不快心神煩悶犀角五香湯。

犀角屑 丁香 乳香 木香各半兩

玄參 升麻各壹兩

麝香壹分

麩末每五錢水一盞竹瀝半盞煎八分溫溫日三四服。

妊娠雜方

妊娠時氣令子不落伏龍肝散

伏龍肝爲末水調塗臍下乾時易之疾差乃止

妊娠傷寒內熱極甚令不傷胎含鷄子法

取鷄子以絹袋貯投井底浸令極冷旋破吞六七枚佳

妊娠傷寒腹脹大便不通喘急牽牛散

大黃 鬱金 青橘皮各壹兩 甘草叁分 牽牛子取末貳兩

細末不計時薑湯調下二錢以利爲度

妊娠傷寒服汗下諸藥熱已退覺氣虛不和宜與此藥安胎黃耆人參湯

黃耆 人參 半夏 陳橘皮 麥門冬 當歸 赤茯苓各半兩

麩末每服四錢水二盞薑三片煎七分去滓下阿膠末一小匕烱化溫與之日可三四服

大熱甚胎不安者不宜前藥宜用阿膠散

阿膠末一錢半竹瀝調下無竹瀝用小麥竹葉煎湯調下

妊娠傷寒四五日已上心腹脹渴不止腰痛重橘皮枳實湯

枳實 麥門冬各壹分 陳橘皮壹兩

蠶末每服五錢。水一盞半。生薑四片。煎八分。去滓。溫服。

妊娠熱病。胎死腹中。鹿角屑湯。

鹿角屑一兩

水一椀。葱白五莖。豉半合。煎陸分。去滓。溫作二服。

又方。益母草飲子。

益母草絞汁。飲半升。即出。

治傷寒小產。惡露不行。腹脹煩悶欲死。大黃桃人湯。

朴消 大黃

二味等分末之。每一錢或二錢。桃人皮尖。碎之。濃煎湯調下。以通為度。日三服。

小產後。其惡露被熱。烝斷不行。地黃飲子。

地黃汁 藕汁各壹碗 生薑汁一盞

令和煖。溫分三四服。微有寒。煎二十沸服之。亦下死胎。

傷寒產後。血運欲絕。紅花散。

紅花 荷葉 薑黃 等分

末之炒生薑小便調下二錢

凡傷寒小產夏月宜少用醋炭多有煩悶暈死者

傷寒產後惡血衝心悶亂口乾生薑小便飲子

生地黃汁 藕汁 小便 各一

和勻煎三兩沸溫熱分作三服

傷寒產後惡露爲熱搏不下煩悶脹喘狂言者抵黨湯及桃人承氣湯主之 二方在下門中

傷寒小產後煩悶大躁渴石膏括樓湯

黃連 黃芩 甘草 括樓根 各壹兩 石膏 壹兩

愈末每服四錢水一盞半煎八分溫服一盞

傷寒暑病通用刺法

龐曰凡過經不解譫語者當刺期門隨其實而瀉之刺期門之法須待脈弦或浮緊刺之必愈餘刺之不差以正取肝之邪故也期門穴直乳下當腹傍近脇骨是穴針入一寸

傷寒發熱當發惡寒其人大渴飲水者其腹必滿小便不利而自汗出其病欲解此爲肝乘肺名曰縱當

刺期門。

腹滿誠語。寸口脈浮而緊。此為肝乘脾。名曰橫。當刺期門。

下血而譫語。此為熱入血室。但額上汗出者。當刺期門。隨其實而瀉之。濺然汗出者愈。

婦人中風。發熱惡寒。其經水適來。得七八日熱除。脈遲身涼。胸脇下滿。如結胸狀而譫語。此為熱入血室。當刺期門。隨其實者而取之。

太陽與少陽併病。頭痛或眩時。如結胸。心下必堅。當刺瀉肺臑大杼。慎不可發汗。發汗則譫語。譫語則脈弦。五日譫語不止。當刺期門。

傷寒喉痺。刺手少陰。腕骨小指後動脈是也。刺入三分補之。佳通里二穴。去腕後一寸。是手少陰之經。主熱病喉痺。減入三分。可灸三壯。

傷寒妊娠。腹滿不得小便。腰以下腫如水氣狀。懷孕七月。太陰當養。此心氣實。當刺瀉勞宮及關元。小便利即愈。勞宮手掌中央。屈名指取之。關元在臍下三寸。

傷寒飲水過多。腹脹氣喘。刺中脘。鳩尾下三寸。

傷寒汗不出。脊強。喉閉煩滿。針大杼。大杼穴在第一椎下兩傍。相去各一寸五分。針入一寸。瀉之。

傷寒餘熱不盡。皮膚乾燥。針曲池。在曲肘橫紋頭。針可透下。瀉之。

熱病汗出。脈反順可汗者。取之魚際。太淵。大都。太白。瀉之。則熱去。補之。則汗出。太甚者。取踝上橫紋以止。

熱病汗出。脈反順可汗者。取之魚際。太淵。大都。太白。瀉之。則熱去。補之。則汗出。太甚者。取踝上橫紋以止。

之。魚際在大指本節後。內側散脈中。太淵在掌後陷中。太都在足大指本節後陷中。太白在足內側核骨下陷中。蹠上橫紋。不脫穴名。當是足內蹠上二寸。名曰復溜。主骨蒸熱汗法不休故也。

熱病七八日。脈口動喘而眩者。急刺之。汗且自出。淺刺手大指間。合谷穴也。

熱病先胸脇痛。手足躁。刺足少陽。補足太陰。據傷寒皆思土敗木賊證。是足少陽木受邪。當傳冠脾土。故宜瀉足少陽之五臟。而補足太陰之太白。素問云。補足太陰者是也。其全元起太素。作手太陰而以肺經。從肺出腋下。故胸脇痛痛。又有引虛則索筋於肝。不得索之於金。而以手太陰為是。其言不得索之於金矣。而復求金乎。是必不然也。既瀉於木。理不合更補於金。若補於金。則木反受剋矣。故當補脾土。無

疑。

熱病先手臂痛。刺手陽明。太陰汗出止。太陰絡列缺穴在腕上二寸半。刺七分。陽明商陽穴在手大指次指端。去甲如蘆葉。刺三分。

熱病始於頭首者。刺項太陽而汗出止。天柱穴在項后髮際。大筋外廉陷中。可刺五分。瀉之。

熱病先眩冒而熱。胸脇滿。刺足少陰少陽。足少陰涌泉穴。在兩腳心陷。屈足口指宛宛中。刺入七分。瀉之。無令血出。足少陽俠鬲穴。在小指歧骨間。本節前陷中。

熱病始足脛痛者。先取足陽明而汗出。陷谷穴在足大指次指之間。本節後陷中。針入五分。瀉之。

熱病三日汗不出。怵惕胸脇痛。不可轉側。大小便血及衄。不止氣逆嘔噦。煩渴。食飲不下。針勞宮。在手掌

入五分。瀉之。

傷寒死生候

傷寒下利。厥逆煩躁。不得臥者死。

傷寒厥逆六七日。發熱而利者生。汗出利不止者死。但有陰無陽故也。

傷寒欬逆上氣其脈散者死謂形損故也。

夫病者實則讞語虛則鄭聲。重語是也。直視讞語喘滿者死下利者亦死。

傷寒脈陰陽俱緊口中氣出唇口乾燥。勑臥足冷鼻中涕出舌上胎滑勿妄治也。

傷寒脈浮而洪身汗如油喘而不休水漿不下形體不仁乍靜乍亂此爲命絕也。又未知何藏先受其災。若汗出髮潤喘而不休此爲肺先絕也。陽反獨留形體如煙熏直視搖頭此爲心先絕也。唇吻反青四肢緊習者此爲肝先絕也。環口黧黑柔汗發黃此爲脾先絕也。溲便遺失狂言目反直視者此爲腎先絕也。

傷寒脈順四時夜半得病日中解日中得病夜半解更不傳也。

熱病死生候

熱病陰陽交者熱煩身燥太陰寸口脈兩衝尙躁盛是陰陽交死得汗脈靜者生。

熱病得汗身冷脈欲絕其人已安靜但昏沉喜睡急與四逆輩令手足溫不爾熱寐而卒。

熱病陽進陰退頭獨汗出死陰進陽退腰以下至足有汗出亦死陰陽俱進汗出已熱如故亦死陰陽俱退汗出已寒慄不止口鼻氣冷亦死。

熱病所謂併陰者熱病已得汗因得泄是謂併陰故治熱病所謂併陽者熱病已得汗脈尙躁盛大熱汗

出雖不汗身和而衄是謂併陽故治。

熱病不知痛所在不能自收口乾渴甚陰頭有寒者熱在骨髓死不治。

病若譫語妄言身當有熱而反四逆脈沉細者死。

熱病在腎令人渴口乾舌焦黃赤晝夜引飲不止腹大而脹尚不厭飲目無精光死不治。

熱病所謂陽附陰者腰以下至足熱腰以上寒陰氣上爭而還心腹滿者死。

熱病所謂陰附陽者腰以上至頭熱腰以下寒陽氣上爭而還得汗者生。

熱病得汗脈減躁身和面赤此爲榮未交待時自已肝病待甲乙之例。素問云榮未交日今且得汗待時而已。

熱病七八日脈微小病者溲血口中乾一日半而死代脈者一日死。

熱病七八日脈不躁不數而喘後三日有汗三日不汗四日死未曾汗勿庸刺。

熱病身面發黃面腫心熱口乾舌卷焦黃黑身麻而臭伏毒傷肺中脾者死。

熱病瘰癧狂言不得汗瘰癧不止伏毒傷肝中膽者死。

熱病汗不出出不至足嘔膽吐血善驚不得臥伏毒在膽足少陽者死。

溫病死生候

有病溫汗出輒復熱而脈躁疾不爲汗汗衰狂言不能食病名曰陰陽交見三死而未見一生。寅申巳未辰戌丑未

平有此證。 濕病得病便短息微悶神識惺惺脈尺寸反者死。子午卯酉年有此證。

凡濕病人三二日身熱脈疾頭痛食飲如故脈直疾八日死四五日頭痛脈疾喜吐脈來細十二日死此病不瘥八九日脈不疾身不痛目不赤色不變而反利脈來牒牒按不彈手指時時大心下硬十七日死

心下不硬者生。 天行差後禁忌。

飲酒合陰陽復病必死生鱸羹麪酒菲葷鱠薯豆粉犬羊肉腸血生菓油肥之類食之皆發熱黃下利不救諸勞動皆致復尙可治女勞多死。

解仲景脈說

龐曰動脈見於關上下無頭尾厥厥動搖名曰動也陽動則汗出陰動則發熱關位占六分前三分爲陽後三分爲陰若當陽連寸動而陰靜法當有汗而解素問云陽加於陰謂之汗當陰連尺動而陽靜則發熱素問云尺僦爲熱中若大汗後形冷惡寒者三焦傷也此是死證脈按之虛軟戰汗而解脈按之有力躁汗而解脈虛微必經汗吐下無津液作汗陰陽自和愈。

跌陽在足大指次指間上行五寸是足陽明胃脈也。名曰衝。陽穴也。

少陰脈在足內踝後跟骨上動脈陷中是足少陰腎脈也。名太谿。穴。

仲景云按寸不及尺握手不及足謂醫者只憑尺寸不診衝陽太谿也。

龐曰：寸口脈浮大，浮爲虛，醫反下之，爲責虛取一實，大爲無血，反飲冷水，令汗大出，爲守空迫血，致跌陽脈亦浮虛，虛寒相搏，則噎也。若跌陽脈不浮而但滑者，則胃寒而噦矣。

龐曰：伏氣之病，謂非時有暴寒而中人，伏毒氣於少陰經，始雖不病，旬月乃發，便脈微弱，法先喉痛似傷，次則下利喉痛，半夏桂枝甘草湯主之。下利有諸證，用通脈四逆湯主之。方在少陰證中。此病三二日便差，古方謂腎傷寒是也。

半夏

桂枝

甘草

生薑

各壹兩

咬咀，以水三升，煮一升，每一盞，細呷之。

龐曰：君子春夏養陽，秋冬養陰，順天地之剛柔也。謂時當溫，必將理以涼；時當暑，必將理以冷；涼冷合宜，不可太過，故能扶陰氣以養陽氣也。時當涼，必將理以溫；時當寒，必將理以熱；溫熱合宜，不可太過，故能扶陽氣以養陰氣也。陰陽相養，則人氣和平，有人好攝生者，盛暑亦複衣避風，飲食必熱，而成發黃脫血者多矣。盛寒之時，云井暖，當服以涼藥而成吐利腹痛者多矣。此皆憑庸人妄傳，以爲實理，往往橫天而尙不覺知，深可傷也。此是平人將理之法，其有夙熱痼冷者，須當順其性爾。

解華佗內外實說

魏志華佗傳：有府吏兒尋，李延共止，俱頭痛身熱，所苦正同。佗曰：尋當下之，延當發汗，或難其異。佗曰：尋

外實。延內實。故治之宜殊。卽各與藥。明早並起。某深疑陳壽誤用內外字。非華佗本意也。病者頸痛。身熱惡寒。爲陰邪外實。法當發汗。病者頭疼。身熱。但蒸蒸發熱。不惡寒。爲陽邪內實也。法當下之。所謂外實者。外爲陽爲表也。陽氣爲寒所折。爭於表間。陽衰而陰勝。故發熱復有惡寒之證。可以汗而發之。以復陽氣也。所謂內實者。內爲陰爲裏也。極陰變陽。寒甚生熱。陽氣反勝而入裏。故胃府內實。蒸蒸作熱。不惡寒。可以泄利以復陰氣。言實者。非正實。乃邪實也。素問云。邪氣盛則實。所以知佗傳內外二字差謬矣。

辨論

近世常行煮散。古方湯液存而不用。蓋古方升兩大多。或水少湯濁。藥味至厚。殊不知聖人專攻一病。決一兩劑以取驗。其水少者。自是傳寫有舛。非古人本意也。唐自安史之亂。藩鎮跋扈。至於五代。天下兵戈。道路艱難。四方草石。鮮有交通。故醫家省約。以湯爲煮散。至有未能中病。疑混而數更方法者多矣。沿習至今。未曾革弊。古方湯液。實於今世爲無用之書。唐徐氏大和濟要方。減其升兩。雖則從俗。患其太省。故病未半而湯劑已竭。鄙心患之。自顧抄撮斟酌。積三十餘年。稍習其事。故敢裁減升兩。庶從俗而便於行用。或一方而取半劑。或三分取一。或四分取一。或五分取一。或增其水。有可以作煮散者。有病勢重。專用湯攻者。或云古升秤省三升。准今之一升。三兩。准今之一兩。斯又不然。且晉葛氏云。附子一枚。准半兩。又云。以蓋當升。以分當兩。是古之升秤。與今相同。許人減用爾。今之爲醫者。多是愚俗。苟且衣食。貪冒貨賄。

大方廣論何以該通。唯密審鄙淺方技。使人不窺其隙。以自矜大。乘便爲神工致遠。恐泥其天枉。固已多矣。鮮有多聞博識者。雖時有之士大夫。咸鄙其爲術。自非不顧流俗。以拯濟爲心。則不能留神焉。今解釋前言。詳正脫誤。擇其篤論。刪其繁方。仍增入新意。不敢穿鑿。冀新學易見。覽斯文已得其七八矣。此方皆古聖賢撰用。其効如神。更不一一具姓名載其所出。其間自有所見。經手得驗者。具緝成卷。在識者覽而知焉。


上蘇子瞻端明辨傷寒論書

安時所撰傷寒解實。用心三十餘年。廣尋諸家。反覆參合。決其可行者。始敢編次。從來評脈辨證。處對湯液。頗著實効。不敢輕易謬妄。誤人性命。四種溫病。敗壞之候。自王叔和後。鮮有炯然詳辨者。故醫家一例作傷寒行汗下。傷寒有金木水火四種。有可汗可下之理。感異氣復變四種溫病。溫病若作傷寒行汗下必死。傷寒汗下尙或錯謬。又沉昧於溫病乎。天下枉死者過半。信不虛矣。國家考正醫書。無不詳備。惟此異氣敗壞之證。未暇廣其治法。安時所以區區略述。欲使家家戶戶。閱方易爲行用。自可隨證調治。脈息自然詳明。不假謁庸粗。甘就橫天者也。設有問孫真人云。今時日月短促。藥力輕虛。人多巧詐。感病厚重。用藥卽多。又云。加意重複。用藥乃有力。自孫真人至今。相去逾遠。藥反太輕省何也。安時妄意。唐遭安史之亂。藩鎮跋扈。迨至五代。四方藥石。鮮有交通。故醫家少用湯液。多行糞散。又近世之人。嗜欲益深。天行

災多用藥極費。日月愈促。地脈愈薄。產藥至少。何以知之。安時常於民家。見其遠祖所錄方冊。上記昔事跡。其間有廣順年。巴豆每兩千二足。故以知藥石不交通也。且溫疫之病。周官不載。斑瘡豌豆。始自魏晉。腳氣肇於晉末。故以知年代近季。天災愈多。用藥極費也。礪石曾青之類。古人治衆病痼癘大要之藥。今王公大人家。尙或闕用。民間可知矣。人參當皇祐年。每兩千四五。白朮自來。每兩十數文。今增至四五百。所出州土。不絕如帶。民家苗種。以獲厚利。足以知地脈愈薄。產藥至少矣。湯液之制。遭值天下禍亂之久。地脈薄產之時。天災衆多之世。安得不憫惜而爲糞散乎。故今世上工治病。比之古人及中工者。幸矣。設有問今之升秤。與古不同。其要以古之三升準今之一升。古之三兩準今之一兩。雖然如此。民間未嘗依此法而用古方者。不能自解裁減。又如附子一枚準半兩。是用一錢三字爲一枚。使人疑混。如何得從俗乎。安時言唐大和年。徐氏撰濟要方。其引云。秤兩與前代不同。升合與當時稍異。近者重新纂集。約舊刪脩。不惟加減得中。實亦分兩不廣。又云。今所刪定六十三篇。六百六首。勒成六卷。於所在郡邑。標建碑牌。明錄諸方。以備衆要。又云。時逢聖曆。年屬大和。便以大和濟要方爲名。備錄如左。已具奏過。准勅頒行。此方已遭兵火煙滅。安時家收得唐人。以朱墨書者。紙籍腐爛。首尾不完。難辨徐氏官與名。卽不知本朝崇文諸庫。有此本否。安時謂裁減古方。宜依徐氏。以合今之升秤。庶通俗用。但增其藥之枚粒耳。是以仲景諸古方次第。復許減半。芍藥湯中載之詳矣。陶隱居云。古今人體大小或異。藏府血氣亦有差焉。請以意

酌量藥品分兩。引古以明。取所服多少配之。或一分爲兩。或二銖爲兩。以蓋當升可也。若一分星較合。如古方承氣湯。水少藥多。何以裁之。所以聖惠方。養散。盡是古湯液。豈一一計較多少。治病皆有據。驗在調習多者。乃敢自斟酌耳。設有間暑熱。重於溫病者。宜行重複方。卻多行養散者。何。安時謂夏月多自汗。腠理易開。經云。天暑地熱。經水沸溢。故用養散。或有病勢重者。卽於湯證之下。注云。不可作養散也。如此之類者。頗多。聊引梗概。俗云。耕當問奴。織當訪婢。士大夫雖好此道。未必深造。宮妬朝嫉者衆。吹毛求瑕。寧不燦金。更望省察。狂瞽之言。干浼台聽。悚息無地。

某再拜。



傷寒論音訓

敘論

漬疾賜切。浸也。搏補洛切。搏手擊也。瘰之亮切。瘰癧。臑青歲切。說文曰：臑，小而易斷也。脫吐活切。音潤。擗徒安切。擗觸也。涸平洛切。涸水竭也。譫之廉切。疾而寐語也。

泄思列切。泄瀉也。澀壯立切。和也。填徒堅切。買遂曰：填，塞也。滿也。

太陽證 腰脊強下居亮切。房勁硬也。

陽明證 欬丑入切。拂，不舒治也。憤公對切。

愴上。恥律切。快懼懷也。懊惱上。於報切。下。他的切。憂也。疾也。

少陰證 沫亡活切。水浮沫也。蹠胡瓦切。跟切。悸其季切。心動也。

厥陰證 蟪胡恢切。腹中長蟲也。

可發汗證 浙桑激切。洗也。翁許及切。灸也。

不可發汗證 朮苦侯切。兩邊實。中閭如倫切。中央者。名曰朮。

可下證 瞳徒東切。瞳瞳。晡申胡切。妄撮亡活切。三。慄懼也。黨底朗切。於穢血也。駛山吏切。日欲明。晡申時也。

不可下證 勑居員切。

結胸證 痞充至切。

溼濕渴證 澀音械。齒

濕證 噓於月切。掣尺折切。

雜病證 甘爛水 即肝切。熱也。不擊則生。擊之則熱。水之味本鹹。擊熱之則歸土性矣。然土之味本甘故也。最暴之水。擊之而成沫。乾而成土。水歸土性。故謂之甘爛水。澀也。徒練切。淺水

土。甘與甘

傷寒勞復證 類呼內切。類滌而也。殺古殺切。牡豕也。謂之殺。殺先管切。

暑病表證 喝於歇切。中

五種暑病 疰凌 上戶嘗切。說文云。脛痛也。下光丸切。疼瘦。員澹 上胡拳切。

辟溫疫論 臺丑介切。掠切。

青筋牽證 牽 輕煙切。引前也。青。東方之色。筋主肝。肝。屬木。謂之牽。有筋牽相連之意。

赤脈攢證 攢 芳未切。擊化也。赤。南方之色。脈主心。心屬火。火性炎上。故好爭攢者。相擊化也。故有好爭之意。

黃隨肉證 隨 句爲切。黃者中央之色。肉屬脾。脾屬土。土無正形。從在四季。正王在長夏。隨謂之隨者。有若從木火金水之意。火生土。故黃肉隨所次列之於赤脈攢之後。顯耳前曰顯。顯于

耳前動。顯顯切。式朱

白氣狸證 狸 陵之切。白。西方之色。氣主肺。肺屬金。狸口捕物而有殺心。亦若金類。

黑骨温證 温 烏昆切。黑。北方之色。骨主腎。腎屬水。謂之温者。亦自水而已。故温居末。以愆其名焉。

温噦方證 噦 之月切。


黃病方證 瘴 丁寒切。瘴 火輝也。臚 力居切。

敗壞別行 瞪 直耕切。怒 式閏切。目動也。莊子。觸 弋陵切。目直視。瞬 目。終目視而目不瞬。觸 曲哈也。

小兒傷寒 呀 呷 上。虛牙切。哈 呀張目良。下。呼 甲切。說文云。敗呷也。

傷寒暑病 通用刺 誠 胡譏切。誠 和也。

熱病死生候 瘵 瘵 上。胡計切。瘵 下。子用切。



脩治藥法

方中有不脩治者。今不載。

芍藥 赤白利

乾薑 炮。

芒消 生。

黃連 洗。去

梔子 去殼

生薑 薄切。

大棗 去核。

細辛 去苗。

鷄子黃 藥熟方

吳茱萸 湯洗。

桔梗 微炒。

茯苓 赤利白

甘草 炙。或

大黃 或生。

黃芩 不枯者。即

乾葛 須家葛。

橘皮 陳者去

桂枝 刮去麩

麻黃 節。去根

附子 去皮尖。丸散炮

阿膠 同上。

人參 去蘆。

猪苓 去黑

澤瀉 去苗。

滑石 研。

枳實 去穢。麩炒。

烏梅 去核。取肉。

川椒 去目。并閉口者。

赤小豆 浸牙。生暴乾。惟狐惑證如此。

石膏 研。

粳米 淘。

瓜丁 即瓜蒂也。末之。

梁上塵 篩過。

飴糖 藥熟方下。

半夏 湯洗七遍。去塵。

防風 去塵。

竹茹 刮淡。竹。

五味子 去梗。

豬膚 去膜。切。

柴胡 去塵。

當歸 去塵。洗。

黃蘗 刮去麩皮。或酥。或蜜炙。黃紫色。

天門冬 去皮。去心。

白朮 去帶。

杏仁 去皮尖。麩炒黃。為湯劑不炒。

龍膽 去蘆。

小麥奴 即小麥。秀出黑者。如無。炒小麥焦黑。

淡竹葉 剉。

牡蠣粉 炒。

薤花 炒。如無。以桃花不炒代之。

李根 甜李根。入土者刮去蘆皮。取白皮。細剉。

厚朴 炒。蜜。

茵陳蒿 去梗。

甘遂 濕帶囊。燬用。赤皮連珠者。

藥本 去苗。

鱉甲 去裙肉。醋炙。鱉黃色。

水蛭 水浸。去血子。米炒。

桃人 去皮尖。麩炒。研。

龍骨 研。

蓼蘼子 隔紙炒研。甜者用。

貝母 去心。麩炒。

硫黃 研。

硝石 研。

地黃汁 取自然汗。若用濕地黃則切。

漢防已 紋如車輪氣連者。

蓋政人 去殼。

芫花 醋拌。新瓦上曬。火炒。焦紫色。

大戟 炒。

木通 刮去鱗皮。

豉 惟湯中以絹袋煮之。

蠱蟲 去翅足。糯米炒。

蜀漆 洗去腥。

朴消 生。

括樓 焙。無黃服者。

雄黃 研。

太陰玄精石 味鹹者。杵碎細。加入湯用則綿裹。

代赭 卞碎細。加入湯用則綿裹。

芎藭 卞。即川芎。

黃耆 去蘆。

檳榔 半生半煨。

旋復花 去梗。

禹餘糧 細碎。

荊芥穗 去梗。

薤白 切。

麝香 研。

肉豆蔻 煨。

茴香 炒。

枇杷葉 炙。刷去毛。

秦朮 去蘆。

甘菊 須家園單葉者。或鄂州白菊亦佳。

生艾汁 如無。以水漬。研熟艾亦得。

大麻人 炒鴨取出。冷地上攤以新布磨破。錢去皮。以密篩篩過。擇去殼。

犀角屑 鑊中令暖。即舂碎。如無。以升麻代之。

青黛 研。

赤石脂 塊剉。

連鬚慈白 寸切。

茅根 洗。

熟艾 炒魚鱗末。以竹篩篩過。

丹砂 研。

石蓮肉 炒。

丁香 不焙。

大青葉 去根。莖。

吳藍 用葉。

竹瀝 淡竹二尺長。截兩頭。以樽閣起。中間火燒。兩頭即竹瀝滴處。以椀盛之。

牡丹皮 去心。

秦皮 剉。以湯浸。傾視中碧色者。真。取皮。

苦參 取皮。

藜蘆 去蘆。炙。

薔薇莖葉 切。

五倍子 去內中蟲 炒。

生射干 去叢。

豬脂 切。

鵬砂 研。

殭蚕 炒。須白直者。而不濕黑者。

草烏頭尖 去黑皮用之。若用烏頭。則皮并尖亦去之。炒焦紫色。惟荆芥散生用。

硃砂 研。

白礬 鵬砂散生用之。惟與礬石同。

牙消 生。

霜梅上白鹽 無。以白鹽代之。

焰消 生。

薤根 切。

猥鼠矢 頭尖硬者。

蘆根 去麩。切。

葛取粉 搗篩取之。

生乾地黃 生乾者。

躑躅 醋炒。

貝齒 燒。研。

石菖蒲 去毛。

獨活 去蘆。

苦酒 米醋是也。

手足指甲 視隱處燒。

沙參 去蘆。

吳朮 去皮。

漏蘆葉 無以山梔子代之。

樺皮 細切。

沉香 不焙。

傷寒總病論

脩治藥法

乳香研

燈心切

紅花子搗碎

菝葜去殼

柏實去殼

陵鯉甲蝟皮 殺鬼丸內生用 餘皆次煮

樗鷄去翅足 無即以飛背代之 亮青壹枚 可準樗鷄叁枚

螢火焙

東門上鷄頭焙

鐵錘柄入鐵槌燒 焦者

生葛根切

羚羊角銹 杵

前胡去蘆

白茅根去盡 洗

眞腦子研

桑白皮切

豬膽用汁

零陵香去梗

虎頭骨銹

殺羊角銹

空青或無以 石碎代

鬼箭取羽 去木

蒺藜磨去刺 以新墁

車前草切

口參去蘆

寒水石洗

紫苑去蘆

白薇去苗

亂髮 鬚角水洗。以清水洗之。

白蘇皮 去心

牛膝 法藍。酒浸三宿。夏間一宿。

紫石英 光明者。研。

龍齒 研須極大者。

小麥 淘

茯神 去皮木。

蒼朮 去皮。去蘆。

猪牙皂角 刮去黑皮。或酥。或蜜炙。

枳殼 麸炒。去穢。

藕汁 切。研。

荷葉 焙。

不艸皂角 去兩頭及皮子。

巴豆 去皮心膜。或炒焦紫色。或用湯煮。研細。壓去油。皆可。惟茵陳丸生用。趙泉黃膏去皮。槌碎。

羌活 去蘆

生麥門冬 去心

白石脂 燒

粉霜 研

蛇退皮 纏竹柱上。慢火炙。

糯米 淘

釣藤皮 刮皮。鈎用。

青橘皮 去白

牽牛子 半生半炒壹兩。取末半兩。入一下。

鹿角屑 研

生薑汁 用自然汁。惟不用滓。

天南星 炮。惟荆芥散生用。

百合去心。如入湯用。則水浸一宿。拍碎去白沫。惟石合滑石散。□□□□。

麻黃湯末 桂枝

□□□□ 藥方皆在可發汗證。皆秤一半。和勻煎服。

不可作煮散方

陽毒升麻湯

陰毒甘草湯

熱病乾薑附子湯

青筋牽柴胡地黃湯

赤脈攢石膏地黃湯

黃肉隨玄參寒水石湯

白氣經石膏杏仁湯

黑膏溫苦參石膏湯

溫噦茅根葛根湯

梓皮飲子


茅根橘皮湯

枇杷茅根湯

溫病壞後三黃石膏湯敗壞別行附子鱉甲湯


已上除不可作煮散方外。凡湯劑言咬咀者。如咬咀菱藕之滓狀。今之龜末是也。凡龜末每服四錢。水一盞半。煮八分。濾去滓。得七分為準。內有半夏附子為毒藥之類。每四錢水二盞。入生薑三片。煎七分。內有或用朴硝。或用阿膠。或用飴糖。或用焰硝。或用雞子清。皆煎成湯後。去滓下之。內或用竹瀝煎者。每四錢水一盞二分。煎至七分。下竹瀝三分。煎至七分。內或用大黃者。虛人入大黃同煎之。如難得通利人。每服

四錢。水一盞半。煎至一盞。別入大黃半錢。同煎至七分。又難得利者。以湯浸濃大黃汁三二分。同煎之。以
取利爲度。政和歲次癸巳。門人布衣魏炳編。



龐先生傷寒論序

龐安常自少時喜鑿方爲人治病處其死生多驗名傾淮南諸鑿然爲氣任俠鬪難走狗蹴鞠擊毬少年豪縱事無所不爲博弈晉技一工所難而兼能之家富多後房不出戶而所欲得人之以鑿聘之也皆多陳其所好以順適其意其來也病家如市其疾已也君脫然不受謝而去中年乃屏絕戲弄閉門讀書自神農黃帝經方扁鵲八十一難經皇甫謐甲乙無不貫穿其簡策紛錯黃素朽蠹先師或失其意學術淺薄私智穿鑿曲士或竄其文安常悉能辯論發揮每用以治病幾乎十全矣然人疾詣門不問貧富爲便房曲齋調護寒暑所宜珍膳美蔬時節其飢飽之度愛老而慈幼不以人之疾嘗試其方如疾痛在己也蓋其輕財如糞土耐事如慈母而有常似秦漢間任俠而不害人似戰國四公子而不爭利所以能動而得意起人之疾不可爲數他日過之未嘗有德色也其所摭輯傷寒論皆其日用書也欲掇其大要論其精妙使士大夫稍知之然未嘗游其庭者雖得吾說而不解若有意於斯者讀其書自足以攬其精微故不著著其行事以爲後序云前序海上人諾爲之故虛其右以待元符三年三月豫章黃庭堅序



重雕宋刻傷寒總病論札記


此書摘取張長沙之大要。辯論精妙。其有證而無方者。上溯內經。旁及他書。參目已見。爲增損進退之法。實能發仲景未盡之意。而補其未備之方。是爲龐氏之撰著。非僅述而不作也。故所引原文。每有刪削。觀諸家抄本。多有異同。或未見宋刻。傳寫互異。或依據張書。增補失真。故今將宋刻龐論翻雕。未敢輒改原文。卽有抄本。義長者。亦第摘取備考。別疏爲札記。附於後。不烈又識。

序文啓。

薛本顯本此上俱有軼字。居右。

再拜。

薛本顯本此上亦有軼字。略小。



後序

三行自少時。

顯本無時字。

六行皇甫謐。

謐當作謚。

七行悉能辯論發揮。每用以治病。

薛本作悉能辯明考正。用以治病。

七、八行不

問貧富爲便房曲齋調護寒暑。

薛本作不問貧賤富貴。均爲調護寒暑。

八行時節其飢飽之度。

薛本無之。度二字。九行耐事。

薛本作耐子。

十行他日過之。

薛本過作見。

十一、十二行故不著著其行事。

顯本不重著字。

目錄第一面「結胸證」以前宋刻原缺。各本亦無。按目錄計缺一葉有半。而此葉板心刻四葉。不知目錄前尙有文字否。今因無從補刊。故仍其缺。不敢妄作也。

卷第一

一面十行冰也。案也字衍。薛本願本俱無。十一行其有。願本有作人。非。又勞房。薛本作力。

三面二行故須。薛本作又須。按又字是。四行而變暑病。願本病下有所宜二字。七行有平居者。薛本作有卑。

四面三行揮散。薛本願本揮俱作揮。四行工。薛本此上有粗字。

四面六行欲溫。原本欲字破損。今照願本補。薛本張本皆作飲。非。

五面六行足。薛本作更。按更字是。十一行虛寒汗。願本作虛。非。

六面二行一二日發以上連風府。薛本一上有當字。以下有其脈二字。

七面後三行大湯劑。原本大作人。今依薛本改。

八面十三行自微汗。薛本自作身。非。九面五行大便已鞭。薛本鞭作鞭。按原本鞭作鞭者甚多。不能悉正。皆當從鞭為是。後做此。

九面十四行而又脈。願本又作反。十面三行當二三日發。原本作二日誤。今依薛本改。張本作三四日是。三行而轉。薛本作而耳。轉。願本作耳。轉。四

行相載。薛本作相搏。

十一面三行傷寒三四日陽為盡。薛本作傷寒三日三陽為盡。願本作傷寒三四日。三陽為盡。案當依薛本是。

十二面五行注故芍藥。薛本作但。以芍藥。九行於寐也。宋本有脫誤。案仲景原文。當作但欲寐也。

十三面五行故以小辛之藥溫散。願本作故以溫散之藥。

十四面十三行已合治之。薛本作已即合消之合治之。顧本已作匕。案當作各別搗篩。已合治之。薛顧本皆誤。

十五面十一行熬香乾。薛本香作乾。非。

十六面六行氣上衝心中痛熱。顧本重一能。案能字是。

十七面一行當不得食。薛本顧本得俱作能。案能字是。

十八面六行次治其厥。顧本次作須。十行永宜此方。薛本張本永俱作亦。

十九面二行醫。顧本作逆。

十九面十四行與太陰。顧本無與字。案原本與字。疑衍。

卷第二

二十二面六行指梢。薛本梢作稍。七行增寒。顧本作滑是。十二行翕翕熱。薛本熱上有發字。

二十二面二行憎寒。原本作增誤。今依薛本改。以下憎寒及後二行皆做此。

二十四面二行當發證。顧本發下有汗字。又注青龍湯似桂枝證。薛本湯下有者字。似作以。案似字不誤。

二十五面一行勢如。薛本如作加。案當作加是。

二十六面五行黑萎。薛本萎作萎。九行及。顧本作皮。十一行注蟬粉。薛本蟬作非。

二十六面十二行以失。薛本以作似。二十七面八行注此若軟緊而遲。原本若字破損。照薛本補。張本同顧本作此浮緊而遲。并無若字。誤甚。

二十八面六行少氣逆。薛本氣字下重一氣字。案氣字當重爲是。十二行氣微絕。顯本微作欲是。

二十九面九行穀不得前。薛本前作消非。

二十九面十四行差勝。薛本勝作升。顯本同。按當作升爲是。三十一面一行五倍子。薛本作五味子。顯本同。案小背龍湯本方有五味子。無五倍子。當作五味子爲是。

三十一面十四行去仁參。薛本仁作人。顯本同。案當作人爲是。三十二面二行支結。薛本支作支。

三十四面九行互。原本作玄誤。顯本作弦。薛本互本均作互。案互字是。今改。

三十五面十一行大柴胡胡湯。薛本不重胡字。顯本同。案重者乃衍字也。

三十八面三行在壯熱但主利。薛本在作發。主作下。案當從發從下爲是。

三十八面十二行表證在。薛本在上有仍字。

三十九面十三行注關下關上。薛本顯本皆作關上關下。四十面三行咽躁。薛本同顯本。案當作燥爲是。三行方有。薛本同顯本。有作在。案當

作在爲是。

四十面十一行拘忌。顯本忌作忽。四十一面三行煩喘。顯本喘作渴。

四十二面十三行微喘。顯本喘作熱。

四十三面九行開陰。顯本作關。十行同。

四十四面八行桂枝甘草湯主之。薛本作桂枝甘草龍骨牡蠣湯主之。十一行並宜火劫治之。薛本宜下有依字。四十五面一行自爲

卷第三

黃。薛本自有身字。自作目。二行蓄血若去。原本若作君誤。今照各本改。

五十面一行注為陽。薛本為下有發於二字。張本同。

五十一面八行發後無汗。薛本發下有汗字。張本同。十行引小腹入陰筋者。各本同。案此乃仲景傷寒論原文。但原文引上有痛字。此痛字但不可少。

五十二面三行注雜發汗。薛本同張本。雜作可字。案當作可為是。六行如被杖。薛本張本如字上俱有身痛二字。案此亦仲景原文本有此二字。十四行勿以煙出。

薛本以作使。

五十三面三行通逐。薛本張本逐俱作達。五行裏熱藥。薛本願本裏俱作裏。按當作裏為是。

五十四面三行為狀。薛本為下有病字。四行其面乍黑乍白。薛本張本面字下皆多乍赤二字。乍白下皆多皴於二字。四行咽乾。薛本張本咽乾下皆多苦參湯洗之五字。

五行注雄黃云云止。張本另提行起。有苦參半斤。槐白皮四兩。狼牙根四兩。薛本此方。附注于上。又則熱。

薛本張本則俱作無。案金匱本文作無。七行細末一行後。張本多通治狐惑。黃連一兩。蘘草二兩。右為末。每服四錢。水一盞半。煎八分。去滓。溫溫服之。云云。三行薛本亦多此方。附注於上。

九行美。薛本願本俱作美。十一行浙然。各本俱作浙。

五十五面一行兩漬字。原本均作潰誤。今照各本改正。

五十六面一行如煎洗。薛本張本煎洗俱作煎洗。按下有漬字。若用浸字則重意。當作如煎洗為是。十三行所至。薛本至作致。五十七面一行反不惡寒。

案仲景原文無不是。

五十七面按此葉非宋刻原刊四行注而故薛本張本故又而避害原本避字模糊今而為郡若汗太多原本模糊薛本張本俱作

汗大俱作太顧本八行強項薛本張本俱作項強按項字原本係壞字作只而抄又熱令薛本張本俱作

郡作口大亦作太顧本十八面四行斷齒各本俱作斷齒案斷字誤當作齒是四行注方在可下門中薛本同張本顧本門俱作證

五十八面五行濕證張本證六行注水證張本水上有可字七行身汗出薛本張本身下俱有重字五十九面一行濕家

下之額上汗出微喘小便不利者死案此乃仲景原文也但原文乃小便利者死以額汗微喘為孤陽無根而

症何云死耶薛本張本並同又按尤在靈金匱心典曰一作小便不利者死謂腸上游而陰不下濟也亦通

五十九面五行含水畜薛本畜七行可與杏仁薏苡湯薛本作可與麻黃杏仁薏苡甘草湯六十面一行故使之耳薛本張本俱作然

二行則極薛本作痛劇六十面五行溢水薛本盜作添顧本作溫七行喝證張本證十二行弦而細芤而遲薛本無兩十二行口前開薛本作

十三行反熱甚薛本反作發六十一面七行宜苦酒艾原本苦作若誤今照薛本九行茯苓桂枝湯主之薛本作茯苓桂枝甘草大棗湯主之六十二面二

行酒二盞煎二盞四分薛本同張本作酒二盞煎二盞四二行膀胱薛本作

六十五面三行理中治中焦薛本治上有者字

六十八面八行呻吟薛本張本仲俱作呻按當作呻為是

傷寒總病論 札

六十九面五行肉豆蔻薛本疑作菘。顧本作豨。誤。

七十一面十二行血不止原本作上。今依薛本改正。

七十三面一行蠱瘡薛本作蠱。按此誤。當作蠱。後四行同。

七十五面十三行草一分薛本原本草上皆有甘字。按原本脫去。

七十七面三行且至晚薛本且作且。

七十九面十三行灰燒薛本無燒字。十三行陰頭薛本陰頭下俱有穴字。八十面二行陰卵薛本卯作卵是。五行去皮尖薛本去皮核。按當以去

皮核為是。蓋大棗亦無尖可去也。

卷第四

八十一面八行爲暑病其熱此五字原本破去。係描寫出者。八行此行內除傷字而字三陽傳三字。餘皆描寫者。九行如見按如字原本破去。描作如字。薛本如作而。

八十二面十四行鼓半此二字原本破去。今依薛本原本補。八十三面四行見形薛本形下有證字。五行豆壞一如薛本如下有候字。顧本在壞字下。

八十三面十行腎熱病者案內經下有頤先赤三字。八十四面四行洗淅薛本同。顧本俱作先淅。按此亦內經刺熱文。本作先淅。但當從先爲是。四行頭痛

不任。各本皆同。按內經作頭痛不堪。六行脘痠薛本脘作脚。非按內經作脘痠。

八十四面八行亡逆薛本願本亡俱作無。十四行葶蒂薛本願本葶俱作瓜。按當作瓜爲是。

八十五面六行法焉薛本張本俱作云。顧本作也。八行走注薛本注作注。十行五拾粒薛本張本下皆有去皮二字。

八十七面八行甘草。薛本無此味。

八十八面七行請居。薛本謂作調非。十行肉豆蔻。薛本同前。八十九面一行七銖。薛本作三銖。又注於上方曰二十四銖。合今之三銖。是古之七銖也。

九十面四行每。各本皆作毒。按毒字是。七行何由衰散大腑久秘。薛本大作六。願本表作表。按當作表為是。

九十一面二行隱瘕。薛本瘕作疹。

九十二面四行杏仁。馥妙。原本妙字破去。今依薛本願本補。十三行一盞。薛本盞下有字。十四行永不發。薛本發下有發字。十四行或下後。薛本

同願本。下字下有利字。

九十三面三行情寒。原本作增誤。今依舍本改。十四行白濃。本薛同願本。膜按當作膿為是。

九十五面一行自汗。願本自安。又黑厭。薛本厭作醫。

九十五面四行嗽或喉痛。薛本或作而。

卷第五

一〇〇面五行手太陰水。薛本願本水俱作金。按當從金為是。七行相形。薛本形作刑。十一行注庵園。薛本園作園。

一〇一面八行鼻竅中。薛本竅下有內兩陷三字。中下有傍字。九行以紙筋探鼻中嚏之。薛本不以紙筋。以鼻中嚏出之。

一〇二面二行柏實。薛本此下尚有射干枳實二味。四行三日服之。薛本張本同願本。之作過。疑誤。七行蝟。按原本作螺。以後脩治藥法內。所引證之當作蝟。今改正

薛本亦作蝟。願本作蝟。亦誤。

一〇二面十三行五兵白刃盜賊凶害薛本此八字接連上行諸毒下而者 一〇三面五行住丸薛本住作五 又左

辟各本俱作臂 八行地深叁尺與深同薛本此八字接連上行諸毒下而者 一〇三面五行住丸薛本住作五 又左

一〇三面十二行反張本願本俱作及 又其病薛本病下有相反二字 十三行府薛本作附 一〇四面六行合自薛本自作身

一〇四面十三行所侵薛本侵下有內熱二字 又咽塞薛本塞下有聲嘶二字 八行頭下薛本作側 四面六行開格薛本開作開 八行毒氣薛本氣字選接其病

相反四字而下又多若府虛則陰邪所加八字方接頭重類直皮肉強痺八字類字原本作項痺字原本所無

一〇五面十三行臙原本作臙 一〇六面二行狀薛本作秋 八行生斑張本願本皆作斑

一〇七面一行陽毒薛本陽字上有則爲二字 一行彭薛本願本皆作彭

一〇八面十行煎去薛本去作取 一〇九面四行汗原本誤作汁今依薛本 七行洞薛本願本願本作口

一一一面七行素傷於寒因復傷於寒薛本上寒字作熱 十行米中病薛本米作末未字下又多一來字疑衍 張本願本皆作未

一二二面三行病苦薛本苦作者 三行又願本作及 十一行素傷於熱薛本熱作寒

一二二面按此葉宋原缺 張本願本亦皆無今願薛本補全願抄本連上 十二行本太云云願抄本連上 十三行寸口云云願抄本連上

一二二面以此願抱冲所抄玉字委活字本校其異同亦數于此 十四行如搏願抄本如搏 一三三行注亦願抄本注亦

願抄本改願抄本改 二行湯字下願抄本有不可 又治如前證願抄本此四字在前一行下 四行麻黃願抄本此下有去節二字 五行咬咀願抄本改

願抄本改願抄本改 二行湯字下願抄本有不可 又治如前證願抄本此四字在前一行下 四行麻黃願抄本此下有去節二字 五行咬咀願抄本改

一二八面十一行。衝愈。薛本張本衝俱作和。十三行。注。太谿。原本誤作大谿。今照各本改。

一二八面十四行。太谿。原本谿。誤作谿。今改。一二九面四行。吹則。薛本吹作次。原本作久。四行。通氣。薛本氣作脈。案當從脈是。

一二九面十二行。覺。此字原本半字。破去。描寫作學。各本亦作學。不當作學。故以意改之。一三〇面一行。華陀本意也。薛本張本句上皆有非字。按

此處文義似。薛本顧本俱作復。當有非字。按當從復為是。

一三〇面十一行。故敢。原本作故敢。依薛本改。十三行。淮。薛本顧本俱作准。原本作準。一三二面一行。密窞。薛本張本窞俱作守。又方枝。薛本

按作枝。顧本作枝。其緝。張本其。本作枝。

一三一面八行。頗知。薛本知。俱作頗。八行。明然。薛本張本明俱作明。原本作明。十行。雖。薛本作惟。十一行。略意。薛本張本意俱作述。

一三二面三行。令王公。張本顧本令俱作今。四行。今增至四百。薛本張本此六字俱在上。每兩千四五句下。

一三三三三行。古引。薛本作引古。六行。安不。薛本張本安俱作擊。又千澆。各本千俱作千。

傷寒論音訓

一三五面十二行。苦侯切。原本作若使切。誤。各本亦誤。今依原本校字作苦侯切。改。按查玉篇莠字。本音苦侯切。知前人所改非妄。故從之。

一三六面六行。牡豕。牡鼠。原本牡皆誤作牡。今改正。十四行。金狸。捕物。按原本口係破損。下半字原有痕迹。俱善字。薛本張本俱作之。疑非。

脩治藥法


一四一面十二行。注。取自然汗。汗當作汗。

一四四面十二行。口參。原本破損。以藥味次。第考之。當是玄參。一四六面一行。口口口口。原本破損。不可考。薛本願本亦無。張本作研細用。二行。口口。

口口口。原本破損。薛本張本口口作湯末口口口作同上。
口口口。二口口口作中立練。按中立練二字有誤。

一四六面七行。黑膏溫。膏當作骨。

道光癸未歲吳門黃氏士禮屋開雕同邑施南金書



題宋刻龐安常傷寒總病論後

郡中藏書家所謂朱兔文游者。余猶及見其人。家多書。以老故。大半散去。最後一單中有龐安常傷寒總病論。亦第與羣籍並出。主人不以爲宋刻。估人之買者亦未知爲宋刻也。雜置坊間。有識者過而識之。以青蚨五星易歸。自是我輩之好言收藏者。皆爭相購矣。是書先至小讀書堆。顧抱沖家。旣而五硯樓袁壽階知之。余亦知之。因壽階先與議易。故歸之。抱沖先見是書。遂先錄其副。抱沖所錄。余未之見。見其友人施君少谷手錄本。少谷時在抱沖家。教其子弟習書法。故見而借抄。抄畢。原書歸壽階。余從之。倩工影鈔一本。統而計之。宋刻一。影宋刻者。抱沖少谷與余有三矣。厥後余與壽階以影鈔易宋刻。是書遂爲百宋一廬中物。年來力絀。舉而贈諸藝芸書舍。不意壽階之影鈔者。亦於其身後展轉歸藝芸。于是刻與鈔盡爲他人所有。余則一無所有矣。刻洪氏集驗方之冬。余忽得一夢。有人謂余何不再刻龐傷寒。醒而異之。遂商諸藝芸。思借鈔入刻。奈藝芸不允。讓影鈔付梓。而允借宋刻備校。適少谷哲嗣稻香欣然撥贈其先人手澤。付諸剞劂。于是復以宋刻較影鈔。而知少谷之影鈔爲功不小也。三卷三十三葉。唯少谷影鈔本有之。餘本都缺想少谷鈔後。抱沖始鈔。鈔時偶失之。自是宋刻缺此葉。已後影鈔本皆失之。非余之重刻。不知宋刻缺此葉。非少谷之影鈔。不知宋刻之原未缺此葉也。書之經人拆散傳錄。其弊有如此者。不可

不警也。其中五卷十五葉宋本缺。惟薛性天家鈔本有之。字跡行款與原本殊。未知何據。後見抱沖所鈔者中亦有此葉。謂是從王宇泰活字本補入。今余覆刻據薛本補。據顧本校存其異同可耳。宋刻不無誤處。余復借張蒔塘家藏鈔本。薛性天家藏鈔本。顧容安家藏鈔本。雖未知其同出一源與否。而字有異同。悉爲標出。可從者或改正文以就之。未敢信者或存校語以參之。余友張君詵菴素諳醫理。共相參訂。以定校勘數十條。其任檢閱而草創者。余長孫美鏐之力也。是書自王宇泰活字印行之後。未見重梓。卽王本相傳止有二百部。故行世絕少。余姪曾有之。爲友人借去被焚。故未及一校爲憾。朋好中皆想望是書。渴欲一見。故命工梓行。至于是書之深奧。昔安常友人蘇黃兩公已詳言之。不復丐當代名流之儒醫兼通者贅一言已。道光癸未仲春黃丕烈識。

附錄

跋龐安常傷寒論

宋 張耒

古之良醫。皆不預爲方。何也。病之來無窮。而方不能盡。使不工者惑其疑似而用之。則害大矣。惟仲景傷寒論。論病處方。纖悉必具。又爲之增損進退之法。以豫告人。嗟夫。仁人之用心。且非通神造妙者不能爲也。龐安常又竊憂其有病證而無方者。續著爲論數卷。其用心爲術。非儷古人。何以及茲。淮南人謂龐安常能與傷寒說話。豈不信然哉。予將去黃藥。仲實以黃別駕後序求予書。而仲實之父爲醫。得龐君之妙。謂予言何如也。（見張耒柯山集卷四十四）